

الرحيل عن الروح

الجزء الثاني

من

(زبدة وجبنة وعجوة)

رواية

حسن خلف حسين



بطاقة الكتاب

الرحيل عن الروح

حسن خلف حسين

رواية

رقم الإيداع : ٣٠٠٤ / ٢٠٢٠

التقييم الدولي:

٩٨٧-٩٧٧-٢٣٢-١٠-٣٠

الطبعة الأولى

تاريخ الإصدار : يناير ٢٠٢٠

دار وادي عبقر للطباعة والنشر

رئيس مجلس الإدارة

جابر الزهيرى

المدير التنفيذي

أياء حمدي

الإخراج الفني والمراجعة اللغوية

أ / مها عبد الوهاب الجمل

جميع حقوق الطبع والنشر

محفوظة للمؤلف، ولا يحق لأى دار

نشر طبع ونشر وتوزيع الكتاب إلا

بموافقة كتابية من الكاتب والناشر



دار وادي عبقر

للطباعة و النشر و التوزيع

بيت الإبداع .. و موطن العباقرة



wadiabkr.wixsite.com/wadiabkr



wadiabkar@gmail.com



www.facebook/ wadiabkar



www.youtube.com/ wadiabkr /



٠١١٤١٧٢٨٦٢٥

ت : ٠١١٠٠٤٧٤٥٧٥

ت : ٠١٢٢٤٩٦٩٠٤٨

ت : ٠١٢٢١٤٨١٨٥٦



إهداء



إليكم ...

يا من منحتموني الثقة أن يخطّ قلّمي حروفاً، ما كنت أتوقع وقّعها
عندي وعندكم، افتخر بكم وبدعمكم لي، مؤكداً لكم ... لم ولن أنسى
صنيعكم معي وفضلكم عليّ ما دام قلّبي نابضاً.
دام عطر تواصلكم معي منثوراً أرجاء حياتي الأدبية والإنسانية.

المدين لكم جميعاً

حسن خلف حسين

كلمة المؤلف



الهجرة بأشكالها وأسبابها قد تكون على الذات يسيرة، والعقل استوعب أبعادها، وربما النفس تقبلتها، وهنا .. للإنسان له فيها جانب كبير من الاختيار، فكل من هاجر له ما سلك من طريق الهجرة، بينما التهجير له قسوته على الذات المُجبرة، تتوه فيه الأرواح في مدن التهجير بعد استقرارها، خاصةً يلزم الرحيل خوفٌ من ملاقات الموت الغادر، أو هدم حياة كان العيش فيها هادئاً ويصاحبها الأمان وراحة بال باتت مضطربة، يهزها الألم ووجع الاغتراب.

ما أجمل العودة بعد الحنين الذي فاض النفوس وقت تهجيرها، هنا تطير الأرواح العائدة، تحضن الأرض وتُشكر السماء.

حسن خلف حسين

الفصل الأول



قيل ... يا جبل ما يهزّك ريح، برغم الهزيمة التي حلّت على الوطن عامة ومدن القناة خاصة، واحتلال الكيان الصهيوني لسيناء المصرية في الخامس من يونيو عام ١٩٦٧ وكل مدن شرق قناة السويس، عدا مدينة الياسمين "بورفؤاد" التي كانت عليه عصية، ما جعل مدن القناة جبهات ثلاث في مرمى نيران العدو الذي يحذوه الأمل الزائف في احتلال هذه المدن.

غفل العدو عن أن هذه المدن هي مدن الصمود وشعوبها رمز الفداء، وأرواحهم تُقدّم بيّسر للوطن والأرض، خير دليل ما حدث من أهالي بورسعيد الباسلة من بطولات وتضحيات في حرب ٥٦، عزيمتهم باتت لا تلين مهما حدث من قوى غاشمة فاشية تنوّه أن انتصارها محتوم.

من الموجعات ... كل الشعب ينظر إلى كل جندي أنه سبب انكسار البلاد وهزيمتها، وأيدت تلك الهزيمة ادّعاء الكيان الصهيوني بأنه جيش لا يقهر، قليل من الشعب في البداية من تعاطف مع قواته المسلحة خاصة، من قدر الموقف حق تقديره بأنه ليس للجنود وثّر ارتكبوه، بل أوامر قادة أمرتهم بالانسحاب المُخزي

تاركين مُعداتهم وسلاح الشرف للدفاع عن الوطن فارّين نحو داخل الدلتا والصعيد، من نجا منهم والباقي رحمت الله عليهم.

ثلاثة أيّام منذ دُحر الجيش المصري وفقدانه نحو نصف عتاده ومعداته، ويخرج الرئيس جمال عبد الناصر يُعلن تتّحيه عن السلطة واعترافه بمسؤوليته عن الهزيمة، ويعد أن ينزل من موقعه كرئيس ليلتحم وشعب ذاق مرارة الهزيمة ولن يغفو له جفن حتى تعود الأرض المسلوبة وتُسترد كرامة وطن مُحيت في ساعات، ذلك على أن يتولى عضو مجلس الثورة زكريا محيي الدين مهام منصب الرئيس بصفة مؤقتة.

لم يكمل الزعيم ناصر خطابه الموجه للشعب بالتّحي، حتى خرجت الجماهير بالشوارع لتملأها بالصراخ، مطالبة إياه ألاّ يتنازل عن مقعد القيادة ويقود الشعب والجيش نحو معركة التحرير واسترداد ما سلب.

يأتي صوت مُذيعي الراديو والتلفاز اليوم الثاني لخطاب التّحي، ليعلن قرار قائد مصر الرفض للانكسار، ومواصلته صدارة المشهد والقيادة وتخطّي العقبات، واحترامه لصوت الجماهير ومطلبه، والتخلّي عما سبق من رغبته في التّحي، ومن هنا بدأ التخطيط لحرب الاستنزاف والتي رسالتها لن يهدأ العدو ولن يستقر على أرض مصر المُحتلة والتي تمثلت في أرض سيناء الغالية، وتستمر هذه الحرب قرابة الألف يوم.

نورا وهي أرملة لزوج عاشت معه ربح من السعادة، والذي استشهد إثر غدر المستعمر الإنجليزي على ساحل بحر بورسعيد، تاركاً في رقيتها رعاية ولدين، كانا وقتها صبيين لم يتعديا العشر سنوات، رعتهما أئما رعاية وما نسبت فضل أبوهما عليها، ليتخرج أحدهما وهو فاروق "روء" من المعهد الصناعي، والثاني فاشلاً بإصرار وهو العربي "الكوز"، لكنها أصرّت على خروجه لبر الأمان بامتلاك محل لتأجير الدراجات وصيانتها.

لكتاب فاروق "روء" للقلق على له "تورا" لم للكوز، يتصل هاتفياً للاطمئنان عليها من الإسماعيلية، حيث يقيم وعمله بهيئة قناة السويس بمبنى الإرشاد... الاتصال جاء بعد عدة أيام من وقوع للهزيمة للمريرة "٥ يونيو عام ٦٧" وتماام لتسحاب الجيش المصري بعد أسبوع من سيناء منذ بداية للهزيمة للنكراء.

- ألو .. أبوه يأمه طمينيني عنك وعن أخويا ..
- لسه فاكّر إن ليك أم والضرب بالطيارات على دماغها من شهر ... واليهود ولاد الجزمه كانوا هيدخلوا بورسعيد لولا الجيش الله ينصره فرمهم وهربوا ..
- يأمه أنا متابع كل حاجه وهنا في اسماعيلية الوضع برضه صعب .. عشان كده قمت على طلب نقل بورسعيد ونكون كنا مع بعض .. يا نعيش سوا يا نموت سوا .. أنا ملتش غيركم.

- يا ضنايا يا حبيبي طمرت تربيتي فيك يا روء .. وانا اللي كنت فاكر انك برّاوي وواطي..

- يامّه ليه كلامك ده .. اني حتة منك .. وانت في عيني يا منوره الدنيا يا نورا .
- أيوه كده يا روءه دلعني .. حاكن اني اموت في الدلع .. من يوم أبوك الله يرحمه ماحدش بل ريق بكمه حلوه.

- يامّه اسمعيني الله يخليكي .. بعد بكره هكون عندكم أستلم فيلا تبع الهيئه في بورفؤاد .. وأهلاً بيكي إنتي والعربي أخويا.

- قولت فيلا يا حبيبي؟!، أيوه كده انصفتي مش زي اخوك اللي دايمًا حاطط راسي في الطين والسباح.

- طب يامّه مع السلامه الخط بيقطع.

مشت أم الكوز نتبختر وتهز رأسها وخطواتها ثقيلة، مع ابتسامه عريضة لو رآها أحد بالشارع لقام بالتبليغ عنها لإيداعها وحجزها للعلاج النفسي.

في منزل أم صاصا، حيث يقيم ولدها صاصا وزوجته ليزا اليونانية، بصفة مؤقتة لحين تجهيز منزل مستقل بالحي الإفرنجي يليق بزوجة عن عشق لازال يملأ كل الحروف حين الحديث يدور بينها وبين زوجها العاشق وأبويه أيضًا.

أم صا صا:

- قوم بقى يا عريس انت ومراتك .. بقينا الضهر يا ضنايا .. قوم جهزت لكم
الفطار.

- حاضر يامه .. صحى أبويا الأول .. واني وليزا ثواني نكون عندك بعد الحمام ..

أبو صا صا:

صباح الخير يا ام صا صا .. ما عرفتش أنام طول الليل .. واقول في نفسي بقيت
صايع خلاص .. لا شغله ولا مشغله .. واقعد طول اليوم ع القهوة العب
"جوكر".

- ليه يا اخويا بتقول كده؟ بعد الشر عنك من الصياحه .. دا انت سيد الرجالة
وكسبب.

- يا ست الكل قفلوا الكنال .. يعني لا فيه مراكب جليه ولا رايحه .. وشغلانتي
بمبوطي قايمه ع المراكب والسياح اللي فيها.

أم صا صا مقاطعة بحسرة مخفية:

ولا يهملك .. ياما دقت عالراس طبول .. تبات نار تصبح رماد يا عيني ..
مصروف البيت أني عامله حسابي وما تشلش هم .. ربك يسترها معنا .. كلها
كام يوم وينفتح الكنال تاني بعد ما نمسح إسرائيل من على وش الأرض ..
وترجع تاني ياخويا تتور الكنال مع زمالك .. وتجييلنا الخير اللي ياما ملئت

البيت منه، سيبها على الله وربك يفرجها.

يُقبل صاصا ومعه ليزا في حُسْنها ليقول:

صباح الخير ست الكل وسيد الكل، مالكم شايكم مأيرين؟ انتوا متشاكلين؟

أبو صاصا مستغرباً:

- فال الله ولا فالك .. إحنا سمنه بلدي على عسل أبيض .. كنت بحكيها على وقف

الحال اللي بقينا فيه أنا وانت في الشغل.

ليزا بابتسامة رقيقة:

صباح الخير مامي وبابي صاصي، إيه يعني وقف حل صاصي؟

- يعني مفيش شغل في البحر .. الكنال قفلوه خلاص ... اللي كان فيه رزقنا.

ليزا بحزن دفين:

هو موضوع حرب ده يكون وقت فيه كتير صاصي؟

أم صاصا تواسيها قائلة:

لا ليزا حبيبتي .. كلها كام شهر وكل حاجة ترجع زي ما كانت واحسن .. وانت

ما تخافيش انتي في عينينا .. انتي واللي في بطنك.

- انا مش خايف مامي .. أنا أقول كلنا نروح بلدي نعيش في " أئينا " نقعد هناك

ونبعد عن دمار حرب وموت.

- يا بنتي دمار إيه وموت إيه بس .. يا بنتي إحنا ما نسبش بلدنا وبينتنا ونجري ..

العمر واحد والرب واحد .

ينتهي أبو صاصا من الفطور ويوجه كلامه لولده قائلاً:

يلا يا صاصا خلّص فطار .. وانى هسبقك على قهوة البديري عشان نروح نتسجل

في الدفاع المدني مع بعض في المحافظة .. سلامو عليكمو

- عليكمو السلام يا اخويا، ربنا معاكوا وينصركم على مين يعاديكوا .

دخلت نورا " أم الكوز " منزلها ولازالت البسمة البلهاء تملأ وجهها الوردي

المنتفخ بطبيعته وتتادي:

سوكينة .. يا سوكينة .. يا بت يا سوكا .. ردي عليا نَفْسِي اتقطع الله يقطعك .

سوكينة:

نعم يا أمي .. خيرا؟ ايه اللي نزلك بدري كده؟

- ايه يا بنتي نايمه على ودانك؟ بقالي اسبوع انده عليكى وانتى عطيتى الطرشة

والعمشه .

- لا والله يا أمي .. كنت أرّضع حفيدك فاروق عشان ينام .

- إذا كان كده معلش .. نوم العافية .. بس لما يصحى تجبهولي ألعب معاه

بيوحشني ابن الهيله .. يووووه معلش يا سوكا سامحيني ولساني الزفر اللي عايز

قطعه .. بعد الشر عليا .

- لا عليك يا أمي .. سوف أفعل .

مَصْمَصَة شفايف قوية من أم الكوز ، ثم إلقاء وسادة صغيرة بعيداً وتقول :

- يا بنت الحلال مش هتبطلي كلامك النحوي ده اللي بيشلني ويجيبلي الخاتكة في عقلي .

- عفاكي الله يا أمي (وتضحك "كخ .. كخ .. كخ") .

- وياريت كمان تبطلي ضحكك اللي "كوخ كوخ كوخ " دي .. يا حبييتي دي تقوليها لابنك لما يعملها على روحه .. (تضحك هوء هوء هوء) .. آدي الضحك والا بلاش .. تحسي إنها زي ضحكة الجدي لما يحس أنه بقي تور بسلامته .. يلا يا ضنايا سامعه صوت النبي حارسه بيعيط .. قومي هاتيلي "روءه " روح قلبي و فشتي من جوا .

برغم الحُزن الساكن بين جنبات المدينة والشارع وكذلك مقهى المعلم العربي البدري على ناصيته، إلا أنك تلمح في العيون إصرار على رفض الهزيمة، وعلى الجميع أن يُقدم للبلد أقصى وأعلى ما يستطيع، لتعود كما كانت حلوة الحلوات.

معظم شباب الشارع ورجاله يجلسون على المقهى، حيث أن غالبيتهم له علاقة بعمل البحر وقناة السويس.

أبو صاصا يتصدّر الاجتماع ويقول بحماس:

بصوا يا رجاله عشان بس الأمور تبقى واضحة.. كلنا هنروح بربطة المعلم
نسجل أسامينا في "الدفاع المدني" ونبقي مسئولين عن الشارع بتاعنا.. وهناك
ناخد منهم التعليمات ننفذها بحذافيرها بدون أي هجص منّا ولا فتليق.
"النوصه" بنفس الحماس:

آني روحت اطقس .. وعرفت من صاحبي في الشارع اللي ورانا .. إننا
لازم نبني ستائر طوب قدام البيوت.. ونخلي الناس تدهن الشبايبك أزرق عشان
النور ما يباتش للطيارات .. ونلزق الازاز بلزق جامد عشان لما يتكسر ميعورش
حد وهو بينطر .. ونقسم نفسنا مجموعات ورادي ننبه الناس قبل الغارة بتاعت
اليهود ولاد اللثيمة .. وعلمت إن المحافظة هتعمل مخابئ عشان الناس تنزل فيها
تحت الأرض عشان محدش يموت ولا يتصاب.
"البيو" صبي القهوة:

آنى هاكون معاكم بعد إذن المعلم وهسهر طول الليل.. واني كييف سهر..
والمصحف على عينيك ما تقول لأه يا معلم.. ويارب ابن اختك بتاع الحشيش
الصايع يطلع من السجن بالسلامه ما أنت قايل لأه.
المعلم العربي كاظمًا غيظه:

خلاص يا بيو موافق .. بس وردية بالنهار في القهوة تكون على دماغك لوحدك..

عشان هأكون في وردية بالنهار دفاع مدني .. لأن صحتي على قدي .. طول الليل نأيم زي الفسيخة مش عارف كرشي ورا والّا قدام .. ربنا يديكوا الصحة .. محدش يخاليل عليا .. إنما مش ملاحظين الشيخ طه مسقّع ودانه مع إنه إيلب إسم الله عليه في الكلام.

الشيخ طه بتهكّم:

خليك في حالك يا حاج العربي .. من ساعة البيئات بتاعت الطيران وأنا مصدوم .. كل ما افتكّر أنا وقعنا ٢٥ طيارة وبعد ساعه بيقوا ٨٩ طياره، أقول يا ناس هو إحنا بنصطاد سمان مهاجر ودايخ .. دايمًا باقول على عبد الناصر أنه يجعجع...

تعالّت أصوات الاعتراض من الحضور جميعهم على وصف الشيخ لزعيمهم، وانطلق الشاب الدوح بحوار شرس للشيخ:

- شوف يا شيخ طه يا حبيب الملك فاروق وكأنك كنت مالك للسرايا وعشرين ألف فدان وخدوهم منك بعد الثورة، دي بلدنا يا شيخ مش بلد عبد الناصر، ترضى بذمتك حد من الأنجاس دول يدخل بيتك ويعتدي على حرمتة؟ فوق بقى.. دا انت لو تعرف اللي حصل في راس العش أول الشهر واللي حكهولي واحد صاحبي من هناك كنت تطلع تأذن بين الظهر والعصر.

النوصه في شغف شديد يسأل: قولنا يا دوح اللي قاله صاحبك ورحمة أبوك.

الدوح يتحدث بهدوء وكأنه رجل المخابرات الحربية الأول:
يوم واحد في الشهر دوت ولغاية يوم أربعة منه، سرية دبابات إسرائيلية تحركت
من عند راس العش على بورفؤاد والكرنتينة عشان تحتلها بنت الهيلة.
معظم الجلوس سُعداء مبهورين، ويلتقط الحوار شاب بدا على ملامحه أنه
صعيدي المنشأ.

الشاب:

مجموعة صاعقة مصرية نسفوها .. وتم تدمير ٣ دبابات و ٥ عربيات ومنعوها
إنها تدخل بورفؤاد .. واستشهد قائد مجموعة الصاعقة ظابط بدبورتين اسمه
"جابر الجزار" .. واتقتل معظم العساكر الإسرائيلية .. مع أن كان طيرانها عامل
غطا عليهم ويدعمهم.

الدوح بغيط:

سامع يا شيخ طه .. بقولك بورفؤاد .. يعني المعدية .. ويبقوا في بورسعيد جوه
بيتك.

يتدخل أبو صاصا بحكمته لفض اشتباك الحديث بين الدوح والشيخ.

أبو صاصا:

يا دوح صلي ع النبي .. الشيخ طه راجل وطني ويحب بلده .. وإن شاء الله
هيفطب الجمعة الجاية عن المعركة دي عشان يرفع من معنويات الناس..

ويقولهم إن جيشنا بخير.. ويخفف عنا كلنا المرارة اللي في قلوبنا .. يلا بقي يا رجاله عشان نلحق ميعد تسجيل الأسمي في المحافظة.

بعد عودة ميمي زوج بطة ومعه بعض المال نتيجة عمله باليونان لمدة عامين، نى الطموح لديه في أن يقطن بحي الإفرنج، ويستقل بحياته ومعيشته عن حماته أم صاصا، أراد أن يكافئ زوجته عن هجره لها هذه المدة والتي عانت فيها آلام المعلقة، لا سيما بعد فقدانها لأحد ولديها غرقاً في البحر، شاء الله أن يعوضهم طفلة جميلة الملامح وأسموها "روحية" على اسم جدتها أم صاصا اعترافاً منهما بتضحيات هذه المرأة الحنون، والتي تعطي دونما انتظار مقابل من أحد.

بيوت حي الإفرنج غاية النظام والنظافة، تطل جميعها على شوارع واسعة مرصوفة، والبواكي أسفل العمارات، وأرصعة للمشاة زرعت بانتظام عليها الأشجار بانقاعات، بينما الخدمات وأماكن الترفيه من دور سينما ومسارح إضافة للحدائق العامة تحوط جوانبها، والطرز المعمارية الأوروبية.

البيوت تقف شامخة تتحدث عن مدى اهتمام "فرديناند دليسيبس" صاحب فكرة حفر قناة السويس، بتوطين المهندسين الفرنسيين والإنجليز وغيرهم من العاملين

بقناة السويس في أماكن راقية، وانفرادهم بمنطقة بعيدة عن السكان المصريين الذين يقطنون حي المناخ والعرب بمساكنهم الأدنى مستوى.

تلك العنصرية في التعامل مع أصحاب البلد والأرض في بداية إنشاء هذا الحي، وصلت لحد أن يقام سور عازل لهذا الحي لا يسمح للمصريين الدخول إليه إلا بتصريح دخول للعمل ثم المغادرة.

تأميم الزعيم جمال عبد الناصر لقناة السويس كان سبباً في مغادرة المرشدين والمهندسين الأجانب بورسعيد، مما جعل بعض أهالي المدينة ينعمون بسكن متميز بديلاً عن الأجانب المغادرين له.

اختار ميمي وبطة أحد الشقق الواسعة، وزيادة في الرفاهية كان بها مصعد كهربائي بديع الصناعة والشكل الجمالي، استيقظ ميمي مبكراً وقد تملكه القلق والحزن من المجهول المنتظر جراء الهزيمة الأليمة التي ما أحد يتوقعها.

بطة تبحث عنه في أرجاء المنزل فوجدته في التراسينة (البلكونة) يُدخن بشراهة وشارد الذهن.

- مالك يا ابو الرزّه شككك ما نمتش وشايل الهم .. ايه اللي تاعبك يا اخويا؟
- أدبكي شايفه الحال يا بطة .. القرشين اللي معيا قربوا يخلصوا .. والورشة اللي فتحتها حالها هيقف مع حال البلد. ز. مش عارف أعمل ايه.
- كل عقدة وليها عند الكريم حل .. سببها لله وهاتفرج من أوسع أبوابه .. أهو

احنا اللي يسري ع الناس هيسري علينا .. إن الناس سابت البلد هنسيبها وإن
قعدوا أدينا قاعدين وربك الرزاق.

- بفكر يا بطة أرجع اليونان أشتغل هناك شغلتي . دا حتى صاحب الورشة بيعت
لي جوابات يقولي مكانك موجود .
بطة بانفعال وحسرة وصوتها يعلو :

بتقول ترجع فين؟ قول تاني كده .. والنبي إن فكرت في الرجوع لأسيبك
الجمال بما حمل وأروح أقعد عند أمي .. بس قبلها كل واحد يروح لحاله .. وانت
بقي روح تتسرح زي زمان .. بقيت مش عاجباك يا ميمي بعد صبري
ووجعي .. ولما مالاقيكش جنبي وابننا بلعه المالح .. هي دي آخرتها عايز تسبني
تاني؟ .. آه ما الأجانب عيونهم زرقا ومقلوظين .. هاروح فيهم فين .. أصيل يا
ميمي ... (بكاء بحرقة).

- يا بت يا هبله هو فيه واحدة تملى عيني غيرك؟ ده بس تفكير .. بلاش عبط
وبطلى عياط عشان خاطري .. ألا صحيح بتحبيني يا بطة للدرجة دي؟
- بس يا راجل يا ابو عين زايغه .. لما اشوف روحية بتعيط سامعه صوتها ..
قال بحبك قال !!.. شوف الخيبة يا ولاد .

يدخل الرز ه ابنهما على أبيه قائلًا وهو يفرك عينيه :

- صباح الخير يابا

- مش قولتلك قول يا بابا زي العيال الجيران اللي حوالينا، ينفع كده يا رزّه؟
- طب ما تقوليش رزّه تاني، العيال أصحابي سمعوك قبل كده وقعدوا يتزبقوا عليا ويتنقروا، ويقولوا لي إنت الرزّه وأختك سمكة.
- ها ها ها والله عيال ظراف .. قولي بقي عملت ايه في الامتحان امبارح؟
- الأبله اللي بتراقب علينا قعدت تعيط طول الامتحان، سمعت إنها من اسماعينيه وخايفه على أخواتها هناك، وسبتنا قعدنا نغش من بعض، وانا حلّيت كل الورقة.
- طب يلا يا غشاش، أمك حضرت الفطار وبتنده علينا.
- مش قولنا نقول مامتك مش أمك ؟
- طب يلا يا لمض يا روح مامتك.

قررت أم الكوز " نورا " زيارة جارتها السابقة بطة ابنة أم صاصا، لتبارك لها على عتبتها الجديدة في حي الإفرنج، هاهي تُجهز بعض الحلويات، أوصت ولدها العربي الكوز بشرائها وكأنها ذاهبة إلى الأرياف، أيضًا أوصت الكوز أن يرفع البيت ومحل الدراجات حتى عودتها سالمة إلى أرض الشارع السعيد برحيلها عنه، كان برفقتها سوكينة وحفيدها الطفل فاروق، تحمله على صدرها تارة، وتارة أخرى فوق كتفها، تتدلى قدميه تصفع وجهها أو الصدر منها، سعيدة بما يحدث منه أنه الحفيد مهما فعل.

دخلنا مدخل العمارة الفخم وانشرح الصدر منها وقالت:

- اللهم صل على كامل النور ... إيه الألاجة دي يا ولاد؟! .. والله وانتصفتي يا بطة يا بنت روحية وربنا عوض صبرك خير .. ما تمدي يا سوكة .. ماشيه ياختي كده زي المعزة الفسكانه .. شوفي بقي لما نطلع عندهم بلاش النحوي بتاعك وضحكك كخ كخ كخ .. دا احنا في الافرنج يا الدعي .. يلا بقي نركب الساسانسير .. شوفي الأملة اللي انتي فيها يا بنت الشيخ طه.

دخلت أم الكوز المصعد وأغلقتة، ويبدو أن هناك من استدعاه بالدور الأخير فتحرك تلقائيًا، وهنا تصرخ أم الكوز بينما المصعد صاعدًا بها وتقول:

- يا ناس وقفوه .. يا ناس باين عليا هموت وانا في شبابي .. يا عالم الحقونا .. هو احنا طالعين السما والا إيه ؟ .. بعد كده ننزل نتفتفت حتت .. ما يكونش واخدني أقعد مكان القمر اللي غايب؟ .. الله يجازيكي يا بطة .. جزاتي إن جيبالك حلويات بالشاي الفلاني وجايه .. انت فين يا عربي يا هباب البرك؟ .. إنتي بتضحكي عليا يا بت يا سوكة؟ .. يا بت صوتي يلا وقولي الحقونا يا هووووه ..

يا بت ده وقت كخ كخ كخ؟

- يا أمي لا تجزعي .. أنه القدر.

- يادى أم النحوي بتاعك اللي فاقع مرارتي .. أهو وقف الزفت .. الحمد لله اني عايشه ربنا عالم بحالي .. يلا يا شمولوله ننزل ع السلم ان شاءالله نوصل بعد أسبوع

عرفت أم الكوز منزل بطة عندما رأت حذاء "باتا" الخاص بالرز، طرقت الباب، ففتحت لها بطة مُرحبة مع العناق والقبلات وكذا سو كينة.
بطة بسعاده:

- أهلا يا خالتي .. احنا زارنا النبي .. نورتي البيت يا س كينة.
أم الكوز بعدما جلست فوق الصالون المذهب واستلقت للخلف قالت:
- والله نفسي اخذ بيت زي ده للوله العربي .. بس خايفه يفضحني قدام الناس
الذوات اللي هنا .. وأخوه اسم النبي حارسه جاي بكره ياخذ فيلا في بورفؤاد ..
طول عمر الوله ده مُرَزَق والعربي فقر ذكر ونتايه.
سو كينة وقد انفعلت على سيرة زوجها الغير عطرة وقالت:
- يا أمي إنها الأرزاق .. قد قسمها الله بين عباده و
أم الكوز مقاطعة لها بِحْدَة:

- مش إحنا ياخوتي اتفقنا ننسى طريقة كلام فيلم المظ وعنده قبل ما نطلع هنا ..
شوقتي يا بطة شلل الأطفال اللي كل ساعة تحس بيه خالتك وربنا بيزيد ...
بطة في مودة ورجاء:

- تشربي ايه خالتي وانتي يا س كينة .. والا اقولكم اعملكم غدا وبعدين تشربوا
اللي انتم عايزينه.

- تعيشي يا بطة يا بنت الغالية .. لسه قايمين من على الغدا وجينا عدل .. بس لو

فيه مهلبية أو رز ولبن عشان الوله روعه يبقى كتر خيرك .. وان كان يبقى برضه رز ولبن ليا عشان سناتي.

- من عينيه يا خالتي هاجيب ثلاثة رز ولبن.

تطرق الحديث بين ثلاثتهم .. عن تأثير الحرب على البلد ووقف الحال مع خراب البيوت التي كانت عامرة بخيرات الله في مدينتهم المنكسة أعلامها ونفوس أهلها عقب النكسة.

أصوات شديدة الإزعاج تقترب من الشارع الطيب، تشق للسكون وترفع درجة التوتر لدى ساكنيه، يظهر في بداية الشارع صف من دبابات الجيش المصري لتقديم رسالة طمأنينة لشعب المدينة، الذي لم ولن يفتنع أن هناك هزيمة ساحقة لحقت به وبالوطن.

انتشرت الدبابات والعدد أربعة منها وقد اصطفت على الجانب الأيمن للشارع، لم ينتظر أهل الشارع اكتمال اصطافهم حتى أطلقوا صيحات الفرح والتصفيق، ولم تنس سيدات الشارع وقتياته المشاركة في الاستقبال الحار، وهن واقفات في شرفات منازلهم، يُطلقن الزغاريد ملوحين لجنود أطقم الدبابات بعلامات النصر، وسرعان ما أعددن الشاي مع المياه الباردة لرموز من جيش شعبهم الذي لا يعرف الاستسلام أو الانحناء، إن أصابه المرض تمالك وقاوم

حتى قهر الفيروس الذي أصابه بجلد وعزيمة لا حد لها.

رجال الشارع والشباب ذهبوا ليصافحوا الضابط قائد المجموعة وجنوده قائلين:
- أهلاً بكم يا وحوش، احنا معاكم ووراكم، تعوذوا أي حاجة يا أبطال تأمروننا،
ما تتسوش أنتم في بلد ٥٦، بلد العزة والنصر، كلنا بنحب عبد الناصر، وبنحب
جيش مصر، وربنا هينصرنا على موشي ديان وجيشه وهندمر إسرائيل بإذن الله.

**ارتفعت الروح المعنوية للجيش في ساعات، انسحب مغسوباً ومنزلاً لم
يُحارب ولم يُواجه، وعليه تنفيذ أوامر للقادة الصادرة منهم في برزخهم العاجي
المصنوع من الورق والتضليل.**

أتى المساء الحزين متسللاً لقلوب ما تعرف طعم الحزن وقد أُجبرت عليه،
رجال الشارع وشبابه تجمّعوا في منتصفه بقيادة أبو صاصا، لتوزيع أدوارهم في
"الدفاع المدني" بالوردية المسائية، كلاً منهم يراجع دوره مع قائدهم حسب
التعليمات التي تلقّاها من قيادات الدفاع الشعبي بالمحافظة.

أبو صاصا بحزم القائد:

- شوفوا يا رجاله .. كل واحد منّا عرف مطلوب منه إيه بالظبط .. علينا نكون
صاحبين وعينينا مفجّلة، ولاد الهرمة الإسرائيليين ممكن يعملوا أي حاجة ما
يفرقش معاهم بين عسكري وعيل صغير أو واحدة ست .. ننبه ع العيال أي حاجة

يلقوها ع الأرض ما يمسكوهاش .. تكون فيها تفجير .. تكون شبه القلم يفتحه
يضرب في وشه .. زي ما حصل ع البحر أول امبارح وشوهدت وش الوله..
هنراجع دهان الشبابيك كلها بالأزرق .. ونثبت لزق الازاز .
النوصة:

راجع لنا يا ابو صاصا نعمل ايه وقت الغارة؟

أبو صاصا يتتحنح كما الخبير ويقول:

- طبعا الصفارات المتقطعة هتضرب تتبناها إن فيه غارة جوية .. كده يبقى فيه
هجوم .. ساعتها نتحرك متوزعين ع البيوت نقولهم يطفوا النور .. ويبقوا في
بيوتهم ساكتين .. ده طبعا لغاية ما تتبنى المخايئ .. بعد أيام هيبقوا يروحوا
يقعدوا فيها .. ترجع الصفارة الطويلة لما تضرب تبقى الغارة خلصت ويرجعوا
لحياتهم .. لكن وقت الغارة مفيش خروج من البيوت ولا حركة في الشارع، يلا
يا رجالة اتوزعوا وربنا معانا.

**انطلقت صفارة الإنذار بصوتها المتقطع المزعج لراحة الأمنين منتصف الليل،
تلطن عن غارة جوية لطيران العدو يقترب من مدينة الحب والجمال .**

داخل بيت أم صاصا التي هرولت نحو ولدها وزوجته، وقد وجدتهاما يحتضنان
بعضهما البعض، فأصابها الحرج واعتذرت لهما، ناداهما صاصا:

- تعالى يأمه يا حبيبتي .. انا فكرتك نايمة ما رضىتش اقلقلك .. تعالى في وسطنا
يا ست الكل.

- ربنا يهنيكم ويحفظكم يابني .. أبقي انزل شقر على أبوك واطمن عليه.
- ماني قولتله أبقي معاك في الدفاع المدني .. قالي خليك مع مراتك الحامل وأمك
الكبيرة تراعيهم.
الأم معترضة:

- هو قالك أمك الكبيرة؟ دا هو اللي شاخ وشاب وبيهوق ويلوق .. ولسه بيعافر
ويتح في الدنيا بعد ما شبع منها .. طب دانا أصغر منه بخمس سنين بحالهم.
ليزا:

- ربنا يعطيك العمر كثير مامي صاصي .. انت تبقى جميل وشباب طول عمر
مامي.

- سامع الكلام اللي يرد الروح يا صاصي .. مش انت يقولك أمك الكبيرة تعمل
عبيط .. الهي وانت جاهي ينصفك يا ليزا بنت سيلفا هي هي هي.

بيت أم الكوز لا يختلف كثيرًا من تفاعل مع حدث الغارة الجوية، اقتحمت أم
الكوز غرفة نوم ولدها وخطفت حفيدها لتضمّه في حضنها، وهو يصرخ كئنه
أصيب بالصرع من فطة جدته وقالت بصوت جهوري:

- ما تخافش يا ضنايا .. يلاً نخرج ونسيب العصفورين يصوصوا والقنابل هاتنزل ترف على دماغهم.

الكوز:

- يامه مالك بس متلهوجة كده على طول .. وتدخلى علينا كده تعفرتينا...

- عفريت لما يلبش جتتك انت واللي جنبك أم ضحكة جنان كخ كخ كخ .. كمل نوم .. ولما الغارة تخلص أبقي أصحابكم .. يا خبيثتك يا إنصاف.

نكت لجراس الحرب وما صاحبها من ترقب و فزع على الشارع والمدينة الطيبة، لاصوت يعلو فوق صوت المعركة كما قالها للزعيم جمال حبيب الملايين، أنزى الطيران الإسرائيلي أصبح في سنع وبصر أهل المدينة تزيدهم صلابه، دوي المدافع المصرية للموجهة نحو شرق القناة المحتل يدعو يريد بسط السيطرة على طول الجبهة، لكن قولتنا للمسلحة لم تدع له الفرصة، بل يوماً بعد يوم تزداد الثقة بين أفراد الجيش المصري، صانعي ملحمة ينكرها للتاريخ ويتوقف أمامها طويلاً على مدار ألف يوم .. هي فترة الاستنزاف.

من الطرائف أن أهل القناة كانوا يطلقون على المدافع أسماء مثل " الشيخ علي" و " الشيخ صالح"، لدرجة أن الأطفال كانوا يهللون عند إطلاق قذائف تلك المدافع قائلين غير خائفين "اضرب يا شيخ علي".

تمر الأيام ثقيلة متشابهة، إلى أن يأتي يوم ملحمة من ملاحم التحدي لتغرق أكبر قطعة من الأسطول الإسرائيلي قبالة سواحل بورسعيد، بواسطة زورقين بحريين مصريين بقاعدة بورسعيد البحرية.

يأتي يوم الأحد الموافق ٢٢ أكتوبر عام ٦٧، وقد التقت مجموعة الدفاع المدني بالشارع على مقهى المعلم العربي البصري في حالة فخر وسعادة بما أنجزته قواتهم البحرية بالأمس بإغراق المدمرة إيلات.

الكل يهنئ الكل، ليذلو كلاً منهم بدلوه عما قرأ أو سمع أو لا يعرف من معلومات عن هذه الملحمة البطولية، والتي تُعد سابقة لم تحدث من قبل في تاريخ البحرية العالمية.

الشيخ طه كعادته متشككاً:

- ألا صحيح .. فيه لنشات ضربوا صواريخ على مدمرة إسرائيلية وغرقت؟ والأبرضه مهيسة زي اللي فات؟

"الدوح" متحفزاً كعادته لكلمات الشيخ طه المحبطة:

- لا يا سيدنا الشيخ البركة.. الجرايد كلها كتبت والراديو والتلفزيون .. لو كنت بتشوف كنت خليتك تقرا الجورنان اللي معاي .. والا تاخذه تحسس يمكن صاروخ يطلع يفجر صابعك وأنت بتحسس ع الصورة...

الشيخ طه منفعلًا: صاروخ لما ياخذ أجلك يا دوح يا سليلط اللسان والنوايا.

- ما هو انت دائما تشك في كل الحاجات الحلوه اللي بيعملها الجيش .. كفايه دماغنا ورمت يا سيدنا .. قوم اذان العصر على وشك عشان نسمعنا حاجة ثانية غير كلامك الدبش.

- دبش لما ينزل على راسك يمحيها من طير أبابيل.

النوصه:

- شكلك كده مش هتجيبها البر يا عم الشيخ، هاتها البحر ولنش يلسعها صاروخ وتغرق، ها ها يلا أوصلك الجامع يمكن ربنا يسامحك والصاروخ يقلش ها ها ها ها.

ضحك الجميع عدا الشيخ طه، بالطبع الذي انصرف ممسكاً بيد الوله "النوصه" الأصيل - على حد قوله -

المعلم العربي صاحب المقهى يُحدّث الدوح:

- ما تقولنا يا دحود اللي مكتوب في الجورنان عن اللي حصل.

الدوح منسجماً بما لديه من معلومات: شوف يا معلم .. والكلام للجميع .. إمبارح كان فيه مدمرة إسرائيلية ضخمة بتستفزنا وتدخل ناحية شط بورسعيد .. واحنا عارفين إن فيه لنشات صواريخ في القاعدة البحرية...

يتدخل أبو صاصا وهو أعلم بما في القناة أثناء عمله ويقول: اتغاظ قائد اللنشات وطلب من القيادة أمر بضرب المدمرة واسمها إيلات .. لما سمحوا له راح

لاسعها صاروخين منهم واحد في نصها .. النار ولعت فيها وغرقت ومعظم الطقم نزل يأكله السمك الجعان .

صا صا وقد انضم للجلسة وطلب مشروبات للجميع وأخذ يتحدث :

- والله النهارده يوم عيد .. فرحت قوي لما سمعت الخبر .. واللي فرّحني أكثر إن إسرائيل قعدت تتنزل للأمم المتحدة عشان عبد الناصر يوافق إنهم يدخلوا الميه بتاعتنا ينقذوا الغرقانيين ويدوروا على المفقودين .. عبد الناصر طلع إنسان ووافق .. بس هما عاملين زي ديل الكلب عمره ما يتعدل .. أكيد من بكره هيعملوا غارات من سمهم ونارهم .. حتى معظم الناس في بورسعيد متوقعة وخايفه وكثير منهم بي فكر في تهجير عياله لبلاد فلاحين عشان خايفين على حياتهم ويبقوا بعيد عن الضرب الأعمى اللي ما بيفرقش...

لما رأت القيادة العسكرية للمدينة، رغبة بعض الأهالي للنزوح المؤقت خارج بورسعيد، إيماناً منها بالحرص على أرواحهم خاصة الأطفال والسيدات والشيوخ منهم، أعدت للعدة لذلك ومعاونتهم على الخروج بأمان من الجهة الغربية للمدينة طريق دمياط وبحيرة المنزلة، ليتم تهجيرهم داخل الدلتا بعيداً عن القصف المنتقم للعدو لا سيما بعد غرق كبير منمره له .

تحركت أفواج السيدات والأطفال والشيوخ صوب بحيرة المنزلة، ليجدوا المتطوعين لمساعدتهم في ركوب مراكب الصيد الشراعية، تقلّهم إلى ضفة

البحيرة الأخرى بمدينة المطرية دقهلية، تنتظرهم أتوبيسات توزعهم على القرى والمراكز داخل الدلتا وفق خطة أعدتها المحافظة، تلك الهجرة الاختيارية الأولى لأهل المدينة، يتركون بيوتهم حاملين معهم أثاث خفيف وحزن ثقيل، مع حنين وشوق قبل المغادرة.

استقبلهم أهل القرى والمراكز استقبال حائي وعطوف، يساعدونهم على الإقامة في فصول المدارس، تفصل بين الأسرة وجارتها ملاءة سرير أو كوفرتة، تتقدم معها الخصوصية، والحمامات مشتركة.

برغم طيب الاستقبال من أهل القرى لمن هجروا أو نزحوا إلى قراهم من مدينة البهجة والجمال بورسعيد، كانوا ينظرون إليهم لاجئين يستحقون الشفقة، وتفضحهم عيونهم حين النظر إليهم، هذا بالإضافة إلى غرابة لهجة النازحين وحتى ملابسهم، من بنطلون وقميص وفستان أوجيب البنات، تلك اختلافات جعلت أهل القرى يُطيلون النظر إليهم بدهشة تجعل المهجرين غارقين في الخجل، كأنهم طير ضعيف غريب الريش والتغريد، سقط في عش الدجاج، بينما أصحاب العش من دجاج في غرابة والطير في ذهول وانكسار أتى.

المهجرون هنا أطفال وشيوخ ونساء، قد يخفف حدة هذه المعاناة وآلامها، وربما أمل الجميع في العودة لمدينتهم ومنازلهم جعلهم منساقين نحو هذا الأمر بليوننة وصبر المضطرين .

الفصل الثاني



بدأت حياة النقشُف تُحيط بجميع الأسر، في نفقاتهم والتي كانت تنسم بالبحبوحة وبسط الأيدي، وقد اشتهر أهل المدينة ببعض الحكم مثل " اللي يبجي في الريش بقشيش" و " الجود من الموجود" وما حلَّ عليهم جراء غُلُق قناة الخير ووقف السياحة أجبرهم على تمط اليد المغلولة والمُجبرة على ذلك.

أبو صاصا توجّه لمحل الكوز طالبًا منه ما تبسّر من مال، لدعم رجل توقّف عمله بالبحر فقال الكوز:

- عينيا يا عم ابو صاصا .. كلنا نشيل بعض .. انت بس تؤمرني (ومد يده وأعطاه جنيه) .. إن عوزت تأتي خير ربنا موجود وقت زنفته يجيلي .. دله على المحل وحياة ابنك صاصا.

- شكرًا يا عربي .. عارفك رجولة .. ربنا يلبنى ما يوقعك في ديقة .. والله لو تعرف حكايته تصعب ع الكافر.

- قولي يا ابو صاصا وفطمني واديني عنوانه.

- وانا ماشي مع عمك شلبي زميلي البمبوطين ماشيين في سوق الروضة .. لقيت لمة وناس ماسكه راجل عماله تضرب فيه بواني وشلاليت .. يقولوا إنه خطف عشرة جنيه من واحد كان بيشتري سمك .. بصينا ع الراجل مش وش حرامية وشكله محترم .. دخلنا خلصناه من أيديهم والكل طبعًا بياجر .. سمعنا حكايته تقطع القلب وهو بيعيط ويقول:

- ولادي بقالهم ثلاث أيام ماكلوش، الراجل اللي خطف منه العشرة جنيه اتشحتف عليه وقعد ببوس فيه ويقوله سامحني .. وأعطاه خمسة جنيه وحلف له بالله انه سالف العشرة جنيه .. وان ماكنش كده كان ادهالوا كلها.

- طب واحنا هنتفرج كده على راجل زي ده .. ما الخمسة جنيه ثلاث اربع أيام وتخلص .. هيعمل ايه الغلبان ده.

- كلامك ده عين العقل يا عربي .. احنا قولنا للراجل يفوت علينا النهارده بالليل يشرب شاي معنا على قهوة البدري .. نكون احنا لمينا له كام جنيه يساعدوه.

على جانب آخر مازال المهجرون من الشارع وأهل المدينة باختيارهم أطفالاً ونساءً وشيوخاً بصفة مؤقتة إلى داخل الدلتا، هرباً من القصف العشوائي لسفلة الحروب والذي ما توقف منذ غرق المدمرة إيلات ..

أم حنداً تبكي بحرقة في غربتها التي استقرت في إحدى قرى مركز السنبلابين
وتقول:

- يا لهوي يا ولاد .. بقالنا شهرين عاملين زي اللاجئين .. ساكنين فصول
مدرسة .. وأهل البلد كل شويه ييجوا يعطفوا علينا بالأكل والعيش .. إلهي ما
يشوفوا اللي شوفناه ويجعلهم مستورين في بلادهم .. دا حتى العيال البورسعيديه
بيشغلوهم يلما دودة القطن .. عشان يدوهم أجرتهم كل اسبوع .. وطبعا دي
مساعدة متدارية .. شوقي يا أم أمد مصيبتنا واللي حصلنا .. نسيب ياختي بيوتنا
ونبقى لاجئين ناخذ مساعدة .. انا بصراحة هارجع وعليزه أموت في بورسعيد
على فرشتي وادفن في أرض بلدي.

أم أمد تواسيها وقد تحجرت دموع عينيها:

- والنبي يا اختي هانت ونطحن إسرائيل زي بُن "الحطاب" .. اصطبري بس يا
حبيبتى كلها كام يوم ويرجعونا .. ومين سمعك يا حبيبتى .. واحشني بيتي
والشارع واللي فيه .. وحشتي أم صاصا وام الكوز رغم لسانها الزفر .

وقت العصاري، وقد تناولت أم الكوز طعام الغداء من صنع سوكينة زوجة
العربي، ليدور بينهما حديث.

أم الكوز: قومي يا سوكا هاتي المحروس روءه .. وصحيه عشان أدلعه شوية ..

بيوحشني على طول الوله ابن المستهوية.

- السمع والطاعة يا أمي الغالية .. أسعد الله عمرك.

-إلهي يقصف عمري بصاروخ ما طايقه كلامك المشقلب ده.

- هاهو روءه حفيدك يا أمي...

- الصلا ع الزين الصلا ع الزين .. واحشني يا روح قلبي من جوه .. نفسي كده

على طول تبقى في حضني لا ترضع ولا تنام .. بتضحك لي؟! .. يا كماله يا

كماله .. بوسه كميله يا وله .. يلا قول ورايا .. نينا نينا نينا ..

- مامااااااااااا

- يا وله .. بقولك نينااااااااااا

- مامااااااااااا

- يخربيت غباوتك طالع لابوك .. يلا يا روءه عشان اجيبلك مصاصة عسلية.

- ساسا .. مامااااااااا ..

- طب قوم يا ابن المسكوعة روح لامك .. باين عليك هاتطلع واطي زي اللي

خلفوك .. يا ميلة بختك يا نورا .. يا رب عوض صبري خير.

يأتي المساء حزيناََ كما سابق، أمسيات أتت وطعم المرار فيها عالق في

الحلقوم، ما عادت الضحكات التي كانت لا تتوقف في مقهى المعلم البصري، كل

رجل من رواد المقهى ينظر إلى الآخر وعينيه ثابتتين فيهما انكسار وأسئلة تكاد تكون واحدة "هل ما حدث حقيقة؟"، وهل من السهل طرد العدو المُحتل والذي أصبح على بعد خطوات من بورسعيد؟ التشكك وحده هو المُغلف بآلم الصمت.

أبو صاصا وجَمع من الرجال، ينتظرون الرجل الذي وعدوه المساعدة بعدما أنقذوه من الضرب المُبرح في سوق الروضة، أتى إليهم حسب الموعد بعد صلاة العشاء، وكدمات اللكمات تاركة أثرها على وجهه الأبيض الشفّاف، وكانت هيئته كلها وقار رغم انهزام روحه وطأطأة رأسه، والتي لا تقوى على الرفع بعدما حدث منه وله وبصوت خافت حزين قال:

الرجل:

- سلامو عليكم يا رجالة .. سامحوني إني سببت لكم حرج في سوق السمك .. والله غصب عني.

أبو صاصا يُطَيّب خاطره:

- يا ريس متقولش الكلام ده .. احنا كلنا ممكن نتلقّى في ولاد حلال يقفوا معانا في شدتنا .. تشرب شاي وآلا اجيبلك سحلب .. (ودون أن يرى أحد وضع له بعض النقود في جيب القميص المزركش المكوي).

- مالوش لزوم كتر خيركم.

- يا أخي .. احنا بقينا أخواتك وأصحابك .. نتشرف ببيك لما تجيلنا أي وقت .. هات شاي يا بيو " صبي القهوه " للرئيس بتاعنا كلنا .

لازال الرجل وجهه يعلوه حُمرة الخجل، يود في جلسته أن يغوص في أرضية المقهى لهذا الموقف الخليط بين الأسى والخجل، ساد صمت بين الجلوس، ونظر أبو صاصا إلى رأس الرجل المُذل .. ليجدها مالت منكفة على صدره .. مات الرجل وانقطع النفس الذي ما تحمّل صاحبه أن يعود ليرى مزيداً من المذلة والهوان .. صرخ أبو صاصا في جميع من بالمقهى علّ أحدًا منهم ينقذه .. وقد فاضت روحه المقهورة إلى بارئها .

انتهت أجازة الصيف الدراسية وانتظمت الدراسة بالمدارس، وكان هذا دافعاً لعودة من هُجّر إلى المدينة، ليلتحق الأولاد مجدداً بمدارسهم، ومن لم يُقدّم على ترك بيته واستقرّ فيها ما شعر لصيف مدينة ساحلية مثل بورسعيد طعمًا ولا بهجة كما ماضيها .

ما خلا حائط من حوائط المدينة، إلا وكُتب عليه عبارات لعنات للعدو الصهيوني وحتى قادتهم خاصة وزير الدفاع "موشي ديان"، بل امتدت إلى قادة من وراء إسرائيل خاصة الولايات المتحدة الأمريكية، وبعض الحوائط تحيي الزعيم جمال عبد الناصر وتتمنى له النصر، وتحثه على المضي قدمًا نحو إيادة

العدو الصهيوني، ومنها " أبو خالد يا حبيب بكره هندخل تل أبيب .."
الباعة الجائلون ما عادوا يتغنّون وسلعهم كما كانوا قبل هزيمة الروح، هاهو
عم علّام بائع الكيروسين وعاشق أم كلثوم يغني:
- أنا إن قدّر الإله مماتي .. لا تري الشرق يرفع الرأس بعدي .. وبناء الأهرام في
سالف الدهر .. كفوني الكلام عند التحدي .. (ثم يختفي من الشارع).
بائع آخر ينادي : خد الجميل يا حلوة.
بائع ثالث : حلوه نيفا تعالى دوق.
بائع للفطير الأنيق، يرتدي بالطو أبيض كما للطبيب، وكاب أبيض أيضا دافعا
لأمامه عربة أطفال عليها صندوق زجاجي وينادي "زبدة و جبنة وعجوة ...
ياغني يا رب"، وكأن على رأسه الطير.

أم صااا تستعد لاستقبال حفيد لها من حبيب القلب والروح صااا، لنتم
فرحتها بعد زواجه من يونانية المولد ومصرية الأصل والهوى، " ليزا" التي
تتأوه وجعا.
ليزا : تعبان كثير قوي مامي صااا .. أنا حاسس موت قريب .. فين صااا
بليز مامي؟

- راح يا حبيبتي يجيب الحكيمة عشان تشوف ولادتك على خير.... اجمدي

ياروحي .. كلنا كنّا كده واحنا بنولد .. نحس إن دي نهايتنا .. إنما في الحقيقة
بتبقى بدايتنا .. بمجرد ما نسمع وقوقة النونو وهو بيعيط .. بيروح كل الوجع
ونبقى عايزين نشوفه ونلمسه ونرضعه من صدرنا لين السرسوب .. ونشوف
هنسميه إيه .. الواحدة منّا تحس بقيمتها إنها أم .. وبعدين يا حبييتي لازم تُصَلبي
نفسك إنتي هاتملي علينا البيت عيال.

- أنا شفت عذاب جامد ماما عشان واحد .. انت عايز ليز تشوف عذاب كتير ..
نو .. نو ماما .. واحد ده كفايه الحمد لله.

- كل الستات بيقولوا كده يا ضايا وكلها أربع شهور ويحصل الحمل .. وكل مره
برضه يقولوا كده وبس وكفايه .. ربنا يا بنتي ينتعك بالسلامه .. ويديني العمر
وافكرك .. يلا ست الحكيمه وصلت .. اتفضلي يا حكيمة بلدنا ووش السعد ع
الشارع .. يلا يا بطه هاتي " روحية " اشيلها وانتي خدي الميه السخنه معاكي
وادخلي معاها .. يلا معاها كمان يا سو كينة .. (وتلثفت نحو صا صا وجدته
منهارا بيكي، تتوجه إليه بكل عطف وحنان أمهات الكون وتقول له)...

- فيه إيه يا حبيبي؟ بتعيط ليه يا ضايا .. هي يعني كانت أول ست تولد !! يابني
كلها ساعة وتشيله وتاخذه في حضنك.

صرخات ليزا تشتعل متلاحقة، ثم صمت يعقبه صرخات مولود أتى للحياة،
وهنا تخرج العمّة بطة، لتحضن صا صا وتُبشّره بغلام أسموه " ناصر " من قبل

ولادته، أملين في الله أن يكون "ذكرا"، ليملا الغرفة صراخًا وسط دموع مخلوطة ببسمة شروق الحياه للجدّة والعمه والأب والجيران من السيدات اللاتي أتّين مع أول صرخة ميلاد ليزا، التي سرعان ما أصبحت واحدة منهن.

فور ميلاد ناصر البكري وليد ليزا وصاصا، وما أن فاقت الأم التي أنجبت زعيم حياتها، نادت على الحبيب صاصا وقالت:

- صاصي حبيبي بليز روح سنترال كلم مامي .. وقولها ليز بخير.. ليز بقت أم ومعاها ولد جميل زي بابا صاصي واسمه ناصر.

صاصا في فرحة عارمة:

- كنت هعمل كده من غير ما تقولى ليزا .. لازم ماما ليز تفرح معنا.

- شكرا كثير صاصي روعي حبيب قلب ليز أبو ناصر هيى هيى .. ليز تعبان صاصي تعالى في حضني ابقى كويس.

يتعانق الحبيبان بمودة ورحمة زرعهما الله في نفسيهما، وعلى الفور ذهب صاصا لتنفيذ الواجب في السنترال الكبير في حي الإفرنج.

عادت سوكنة بعد أداء الواجب وقت ولادة ليزا، لتبشّر حماتها بتمام الولادة، وأن الأم ليزا وطفلها ناصر بخير.

الفصل الثالث



العام الميلادي الجديد يهّل والجميع في الهم والغم سواء، عاداتهم في مثل هذا اليوم حتى العام الفائت إلقاء كل أنواع الزجاج من الترسينات "البلكونات"، تعقبها صيحات وكأثم تخلّصوا من الأشرار الذين كانوا قابعين طوال العام داخل القنينات والأطباق، تلك عادة مكتسبة يقلدون فيها الفرنجة الذين كانوا يعملون في مدينتهم أو محتلين لها.

أنه يوم الإثنين، بداية عام ألف وتسعمائة ثمانية وستون، وحال النفوس تبدّلت بالكسيرة والمشوقة، فكيف للمكسور أن يكسر والمهزوم أن يهزم، والأصعب أنه يتزامن مع وقفة عيد الفطر المبارك، يعني آخر يوم رمضاني والعيد توافق مع اليوم الثاني من العام الميلادي الجديد ٦٨.

برغم الحزن العام والأيام متّسحة بالسواد، شعر الجميع بغصّة، تلاشت مع أطفالهم والنظرة إلى عيونهم والبراءة فيها، التي أدت إلى وجوب إدخال البهجة في قلوب خضراء هذا العام كما الأعوام السابقة، لذا تمّ تجهيز كل ما يخص العيد

من تزيين وملابس وغيرها، فالعيد يبتهج عند زيارته لمدينة البهجة والجمال، يشعر معها بمزاج خاص وأهازيج لها طعم لذيذ شكلاً وموضوعاً، ومعاني تجعله لا يحب الانتهاء، ويظل أهل المدينة متخذه توقيت وميعاد، فيقولون "أشوفك بعد العيد بيومين" أو "فرحي بعد العيد بأسبوع"، أبعد هذا الحب يسعد بالرحيل وهو الأصيل !!؟

على كل ناصية من نواصي شوارع المدينة تقف عربة يجرها حصان، مزركشة بالورق الشفاف الملون وأحياناً الزهور، وضع فوقها دكتين ع الجانبين لجلوس الأطفال، وجوانب خشبية تحميهم من السقوط، ويوضع سلم خشبي مكون من أربعة درجات لصعود الأطفال عليه حتى الوصول لأعلى العربة، وتسمى هذه العربة التي يتم تجهيزها " البكّاش"، تُستخدم فقط للذهاب بالأطفال المُحتفلين بالعيد إلى مكان احتفالهم المُحدد، والذي فيه شتى الألعاب من أرجوحات ودواريات وخلافه، مع شوادر للأراجوز وألعاب السيرك والساحر وغيرها. يتحرك البكّاش محملاً بالأطفال المرتدين ملابسهم الجديدة والكل سواسية، وقد يكون الزي للجميع آخر النهار طقم آخر سواء بدلة كاملة أو بلوفر وبنطلون كلاً بمقدرته.

بالطبع لن يتحرك البكّاش من موقفه على أورنة "ناصية" الشارع، إلا لما العيال تبقى فوق بعض، وصاحبه يلم أكبر مبلغ ممكن في الرحلة.

يا ابو علي يا صياد .. اصطاد واديني .. يا صياد .. واطرح مناديلي .. يا صياد
تطلعلي سمكه يا صياد ... اللي يحب النبي يقول هيببي .. هيببي وكمان
هيببي .. هيببي ويا ابو علي .. يا صياد ...

الأطفال شافوا بگاش آخر ماشي جنبهم متحدي فرحتهم .. على مين ده!!؟ وتشتعل
المنافسة ويقولوا:

البگاش أهو أهو .. بتاع العيال أهو أهو (قال يعني همّا رجاله بس الفرحة حلوه
مفيش كلام).

**وصل "البكاش"، حارة للعيد زحمة مووت ... لكن يدخل صبيان شقيقان برغم
الزحام:**

- تعالى نخش الساحر .

- لا يا خويا عايز اشوف "بريللو" وهو بيركب العجلة ع السلك .. يجنن ...

- طب أقولك .. نركب مراجيح.

- لا يا حبيبي الساقية القلابة أحسن عشان خايف نتقلب بيا وأموت .

- عشان انت خواف .. اركب الدوارية وانا هلعب نيشان بالبندقية .. وافرقع كل

البومب اللي الراجل حاطه ع السلك .

- وربنا انت خراط لو ابوك جمال عبد الناصر مش هاتقدر تفرقع واحدة .

- ما تغظنيش يا أمح لاقول لامك اما نرجع تديك حطة دين علة .

- فاكّر لما عضتّك لما ضربتني وانا صغير ؟ .. يلا بقي نشترى طبلّة وزمارّة...
- يا عبيط خليفها واحنا مروحين احسن تتكسر .
- طب ناكل كشري ؟
- لاه .. أمك قالتلي ارجعوا بدري عشان هناكل سوا سردين مملح .
- بس انا ما بحبوش ... حادئ بيحرقلي بوقي .
- خلاص ياعم انت هاتعيط .. تعالى ناكل بكلويز ومش هاقول لامك .
- بس نفسي في التقاطيع .. بصراحه عايز ساتجوتش .
- ماشي ماشي ناكل الأول بليله ونجيب بتعريفه لب وفول .
- ياابني ما عندنا ترمس وبليله في البيت .
- طب يعني يا أمح هتأكلني على مزاجك ؟
- وربنا اقول لامك برضك انا مجنون .
- طب روح يا وله وغور من وشي .. انا غلطان اللي جيت معاك أصلن دانت عيل بايخ .
- قولي بقي انت معاك كام على كده؟...
- معايا شلم من ابويا وقرش من نينا ... وامي استهيلات وما عطتنيش ... بس لما ارجع مش هسيبها .. هقعد أزن لغاية ما تديني قرش ونص .
- طب يلا بقي نروح من شارع الأميين نتصور عند المصوراتي اللي عند الأورنة

امشي بسرعة بقت عشان الدنيا زحمة .. ايه مش هتتصور معايا؟
- لا يا أخويا .. هتصور ببدة الطالب بتاعت عمي اللي أُمِّي أَيْقَتْهَا عَلَيَا .. وحطت
نجمتين.

ما أجملك عيد يا عيد في باد فيها القلوب الخطوة دي، لوعى تسيننا يا حبيبنا .

يجلس شاب ثلاثيني بدا عليه الوقار، مُهْنَدَم على مقهى المعلم البدري،
يضحك تارة ويبكي بمرارة تارة أخرى، بعض مريدي المقهى يعرفونه وينادونه
"بالأستاذ ياسين" مُدرس اللغة العربية وشاعر.

عاد منذ شهور قليلة من سيناء بعد قرار الانسحاب المُخْزِي، تاه في دروب
الصحراء أيام، مات معظم زملائه من الجنود إما عطشاً أو جوعاً، وفي الحالتين
يأتي القهر قبل الجوع والعطش، وجده بعض البدو، اعتنوا به وهربوا به إلى
الضفة الغربية للقناة سباحة، أصابته لوثة العقل لما رأى، تجده يضحك ويبكي
بدون فاصل مشاعر ولا مواقف، اللهم ما يدور برأسه وقت البكاء والضحك،
طلب من صبي المقهى كوب ماء، وأخذ يُلقِي شعره بشكل ارتجالي ومشاعر
حبيسة الصدر المكلوم:

والشمس تاهت جوه حبات الرمل..

إيد الجاروف انكسرت .. ما استحملتش حتى شهر

حفرت كتير قابليت وشافت دُل وقهر

فيها إيه لو كانوا زرعوها زتون وحَب

آه آه يا ولاد ال

ثم أخذ يبكي بصوت مسموع، ونادى على صبي المقهى يقول:

انت يا زفت .. هاتلي واحد شاي وكتر السكر ... (وأخذ يبتسم ل اللامرأي .. ثم يُقهقه له ويشاور بيده بعلامة النصر).

عادت الأيام بملل ... انتظار تَغَيَّر الأحوال ... وطالت... يبدو أن الأمل

يُصاب بوهن المُنتظرين، من هنا تمضي الأيام بثقلها وكأنَّ اليوم فيها دهر.

أدى المُصلون صلاة فجرهم بمسجد الشارع، وعواصف شهر أمشير

تنتظرهم، وأيضًا سيارة للشرطة، ما إن خرج الجميع وخلفهم الشيخ طه إمامهم

بصحبة العربي الكوز كالعاده، حتى هجم أفراد الشرطة عليهما وألقتهما في

السيارة بشكل مُهين، مع مقاومة العربي والتي انتهت بضربة قوية فوق أم رأسه،

والشيخ طه لا يملك إلا اللسان وهيبة زي الأزهر، بنكزة أحدهم بلع اللسان

وسقطت الهيبة.

بعض الرجال ممن رأوا ما حدث وبهذا العنف، ظن أن هناك جُرم ارتكبه
وما عليهم إلا السكوت، وانطلقت السيارة إلى ما قرر قائد القوة المُكلَّفة بما تم.

نادي صاصا على نورا أم الكوز، يُبلغها خبر القبض على ولدها والشيخ طه
من تحت الترسينا.

- مش عارف والله يا خالتي السبب.

- جاتهم داء السكته في قلوبهم .. وربنا لو كنت واقفه ساعتها ما كنت عنقتهم
بالشلاليت والبواني .. ما يكونش الشيخ طه بيبيع حشيش؟ حاكمن يطلع منه
العجب .. ثواني البس وانزلك .. يا حبيبي يا عربي .. طب مين هيفتح المحل
عشان يعطي الناس العجل " الدراجات " اللي بايت فيها بتاع صحابه؟
- طب هاتي المفاتيح .. واني هشوف حد يقف في المحل لغاية ما العربي يرجع..
مستتيكي يا خالتي .. على مهلك ...

أدخلوا الشيخ طه والعربي الكوز قسم الشرطة للتحقيق، كلاً منهما في غرفة،
وبدأ التحقيق مع الشيخ "س و ج"، ولمّا أراد المراوغة والحذقة، ما هي إلا
ضربة كف على قفاه ظل يردد بعدها في كل جملة اسم الزعيم ناصر والدعاء له
بالنصر المبين، وأن يُطيل الله عمره حتى تحرير الأرض ورفع راية مصر

والأمة العربية، أفهمهم أيضًا أن رسالتهم وصلت وعليه التنفيذ من فوق المنبر،
أما العربي أمره سهل، بعدما أفاق أبلغوه أنه مطلوب تجنيده بالجيش وأنه سوف
يتم تسليمه معسكر التجنيد بالنل الكبير.

أشرق شمس الله في يوم شتوي ممطر، وصُبت الأمطار بعنف على المدينة
لتزداد جمالاً، وأسرع الجميع تحت البواكي حتى تخف حدثها أو تتوقف.
جلس الشاعر المهزوم على مقهى الشارع، وأخذ يتأمل سقوط المطر والحزن
يملؤه، وهو يتذكر زميل له .. مات عطشاً عندما تاهوا في صحراء سيناء، وأخذ
يلقي كلمات الشعر مملوءة بجفاف الحلق بصوت مشنوق...
الشاعر:

عملوها الديابه ويا حبة غلابة ...
فرّحوا العجر.. دقوا دقوف ويا الربابة...
الخوف جرى وياهم .. مقدروش يسيبوه يا ساده...
فيه إيه لو زرعوها مصانع وحب؟
آه منكم يا ولاد ستين

- قطع اندماجه " البيو " صبي القهوة، وقد أحضر له كوب من الشاي مُحلّى
 بخمسة ملاعق من السكر، وأخذ يداعبه قائلًا:
 - ما تسمّعنّا حاجة يا أستاذ عن ولاد الكلب.
 - حاضر يا بيو .. هو انت عارف مين هما ولاد الكلب؟
 - طبعاً يا أستاذ اللي ما يتسموش.. اللي خاتوا البلد وخاتوا جمال عبد الناصر.
 - هيبى هيبى مثقف فعلاً يا بيو.. انا هسمّحك لغاية ما تهو هو وتهز ديلك.

الشمس بانّت بعينيهـا .. اللي طلعت لونها بيضا
 فين حلاوتك وحمارك وبذرتك السوده
 الفران سادت وهاجت .. والتّهمة راحت في البياده
 فيها إيه لوز عوها قرع وحب؟
 كفاية ضرب يا ولاد ال....

- دخلت أم الكوز بجرأة الأم المحبة لولدها قسم الشرطة، غير مبالية بالنداء عليها
 من شرطي الحراسة.
 - رايحه فين يا ست؟ خدي بس اقولك.
 - يا بني سبني... داخله للشاويش اشوف أخذوا ابني ليه؟ ده حتي يتيم وفي حاله

ومالوش في حاجة .. هو عشان احنا غلبة نتمرمط .. و ديني ما انا خارجة من هنا إلا وابني في ايدي .. (صراخ وعويل وبكاء حار) .. هاتولي العربي يا ناس حرام عليكم .. بلاش اقترا .. لو حكمت والنعمة الشريفة أروح لجمال عبد الناصر أخليه يسجنكم .. هاتولي ابني بدل ما اصور لكم قتيل هنا .. طب خدوا الشيخ طه وسيبوا ابني.

يخرج من مكتبه قائد قسم الشرطة، ويهدئ من روعها ويقول بحزم:

- اهدي يا ست بلاش زعيق هنا .. ابنك مفيش عليه حاجة مطلوب للجيش وهنرحله .. أما الشيخ طه هيروح دلوقتي.

بحسرة ترد عليه:

- جيش ايه يا عم؟ دا هو اللي بيصرف عليا .. وانا وحدانيه وأبوه شهيد مات في ستة وخمسين .. هو يعني العربي اللي هيجيب النصر للبلاد؟

- بلاش كلام كثير يا ست انتي .. روعي هاتيله شنطة وعدة حلاقه وشوية لوازم وهيجيلك بعد أسبوع أجازة " التأليف".

يظهر الشيخ طه أمام أم الكوز عندما سمع صوتها محاولاً إخفاء ما حدث له وقال:

- فيكي الخير والله يا ست أم روءه .. أهو كده عرفت إن ورايا رجالة .. سمعت جوه أن العربي سوف يؤخذ للتجنيد ليصير بطلاً من أبطال قواتنا المسلحة .. درع

الوطن بقيادة زعيمنا سيادة الرئيس جمال عبد الناصر حفظه الله ورعاه.

أم الكوز تعلم أنه لا يطيق للرئيس سيرة، فنظرت إليه تُمصص شفثيها وتقول:

- يا جمالك يا شيخ .. إيه يا اخويا الكلام الكبير دوت اللي على سهوه .. ما تقول بقى ما محبه الا بعد عدلوة.

يريد الشيخ أن يُخرسها، فقال وهو يتحرك خارج القسم بعصاه وبصوت عالي:

- يلاً يا ست نورا نروح نجيب للعربي شوية حاجات عشان ياخذها معاه الجيش .. بس انتي تجيبينها له هنا .. عشان انا هبقى مشغول في المسجد مش هقدر اجي معاكى تانى هنا .. ربنا ما يجعلنا من رواد هذا المكان في كل عصر وأوان.

كل من علِمَ بالقبض على الشيخ والعربي من أهل الشارع، أتى ليجلس فوق الرصيف المُقابل منتظراً للاطمئنان عليهما، ومنهم من اقترح الذهاب لمكتب محامي يتولى الدفاع عنهما، قام الجميع بتهنئة الشيخ طه بسلامة العفو عنه، ولاحظوا عليه الانكسار والوهن.

يتقدم صاصا سائلاً:

- مالك يا شيخنا .. شايفك مش ولا بد .. هما عملوا فيك حاجه جوه؟!

الشيخ منتفضاً مستكراً وبصوت منخفض:

- وهل يجروء أيهم المساس بشيخكم بسوء!!.. لقد لقتهم درساً في كيفية معاملة

شيوخ الأزهر الشريف .. لقد واجهتهم كما القرعوش والحفص والفرهود .. فلمّا
وجدوني بدوت كما الغنابس والضغيم وأسامة .. استفاقوا واستقاموا .. وهنا بدا
كلامهم لي طيباً ودوداً فاق معه معنى الاحترام.
الدوح ساخراً:

- مين بقي الغنابس والجرهود دول بقي ياشيخ !؟
- يا دوح كلها من أسماء الأسد يا جاهل .. فقد كنت ندا لهم ليث والقرضام.
أم الكوز:

طب يلا يا سبع البرمبة .. خلي بالك قدامك بلاعة احسن تقع فيها زي اللي زفك
فيها العربي هو هو هو ..

الفصل الرابع



عيد الربيع أو شم النسيم كما يحبون تسميته أهل المدينة، يأتي عليهم هذا العام ومشاعر الحزن تُغطيهم من الرأس حتى القدمين، منذ النكسة ومشاعر الفرح قد فرّت منهم، هم يعيشون حالة الطوارئ شبه يومية، لازالت صفارات إنذار الغارات الجوية من العدو الإسرائيلي تنعق ليل ونهار دون تحديد زمني لها.

طقوس أهل المدينة في هذا اليوم يتقرّدوا بها عن سائر مُدن الجمهورية العربية المتحدة، هذا العام تحديداً، ظهر لهم عدو جديد يختلف عن اللورد (الأمبي)، الذي كانوا يصنعون له دميته ويلقونها في النار تشفيًا، العدو هذا العام هو وزير الدفاع الإسرائيلي "موشي ديان"، فهو الأمبي اليوم، وقد حددوا ملامحه برسم الوجه ووضع عصا سوداء على عينه اليسرى المفقودة والمربوطة، والعصا مربوطة بشريط أسود بالرأس.

ازدانت المدينة عن بكرة أبيها بالدمي المصنوعة من القماش (الألمبي)،
جميع أهل الشارع شاركوا بهمة ونشاط منذ شهر مضى في صناعته حتى يخرج
بالشكل الأفضل الذي سوف يفتخرون بتميزهم أمام سكان الشوارع المجاورة.
من شارك بقميص وآخر بنطلون، وبعض الأمهات بالحيافة، حتى الأطفال
قاموا بجمع قصاقيص القماش من محل الترزى أو قش الأرز من سوق الخضار،
ليقوم آخرون بالحشو الداخلي مع رسم ملامح الوجه، تم رفع الألمبي بالحبال بين
بلكونتين متقابلتين بعرض الشارع ليتوسط منتصف الشارع، والجميع يتباهى
بمشاركته منذ البداية وحتى عرضه، إضافة لذلك بعض الدمى الصغيرة صنعتها
بعض الأمهات حتى يُسعدن أطفالهن، ووضعتها لهم في التراسينة (البكونة).
لهذا الطقس تاريخ وأصل، يعود للجالية اليونانية للطائفة الإنجيلية منهم
والذين كانوا يعملون بقناة السويس، حيث يعتقدون أن "يهودا" أوشى بالمسيح
عليه السلام حتى تم صلبه، ويتزامن لديهم تاريخ المُعتقد هذا مع عيد الربيع، لذلك
كانوا يصنعون دُمىة من القماش يحشونها بالقش على هيئة يهودا ويشعلون نار
ويلقون الدُمىة فيها.

أخذ البورسعيديون فكرة حرق كل مستبد ومتطرف وظالم أو معتدٍ أثيم
ينفردوا بها، وكانت بدايتهم مع اللورد "الألمبي" الانجليزي الظالم.

فرحة الشارع بهذا الحدث السنوي المنتظر من الجميع، تعلو الوجوه البسمة لتغطي ألم النفس وتخفف عنها وخزتها، الكل ينتظر النهاية السعيدة بالحرق لمن صنعوه بأيديهم، رغم تنبيهات الشرطة والمطافي ورجال الدفاع المدني. الشباب يطمئن على مخزون مواد الحريق من كلوتش وأقفاص الجريد وخلافه، وقد سهروا ليلي في حراسة هذا المخزون الاستراتيجي، خوفاً من سطو شباب الشوارع المجاورة عليه أو مصادرته من رجال الشرطة.

أطفال الشارع ينتشرون تملؤهم السعادة، يرتدون البيجامات المصنوعة من أقمشة المحلة الكبرى، والفتيات أيضاً ترتدين فساتين من قماش (باتيستنا) المنقوش بالورد مع كولة سادة حول الرقبة، كل هذه الثياب مصنوعة بواسطة أم سوزان خياطة الحي، وحتى لا يضيع وقت الفرحة من الأطفال، انقسموا مجموعات تلقائيه حسب الميول، ما بين لعبة " السبع طوبات" و " الأولى" و " الاستغماية" وألعاب كثيرة معروفة، تتميز بالبساطة وبدون إمكانيات تذكر.

تمتاز مدينة بورسعيد بشوارعها المنتظمة فيها المنازل على جانبي الشارع، أغلبها بحي العرب ترتفع ما بين ثلاثة أكواد وأربعة على الأكثر، تجمع في البناء ما بين الطوب الحجري والأخشاب، والبروزات (الترسينات) مقامة على أعمدة متينة من الخشب، ومصنوعة من الخشب أيضاً بشكل جمالي متميز ومتناسق مع النواظ.

السيدات في المنازل يَقدُن ملحمة أخرى غاية الأهمية، لتكتمل فرحة طقوس هذا اليوم البهيج من صناعة "المنجونة" وتلوين البيض و"الشكلمة"، وتجهيز الخس والبصل الأخضر والملانة وخلافه لزوم وجبة الفسيخ المتينة في الغد.

أم صاصا تسمع صوت بائع ينادي على البرغوت، تخرج له في التراسينة وتطلب منه كمية كبيرة من البرغوت (الجمبري الصغير)، وتوصيه أن يغرف لها من فوق الوش لأن اللي تحت بيبقى كله رفيع زي الدود، وتتادي أم صاصا على ابنتها بطة التي حضرت لها لتشاركها احتفالية شم النسيم.

- أديني جبت البرغوت عشان نعمل كفتة وكبيبة تسند مع الفسيخ بكرة.. والوله ابنك " إنف " وما بيجبش الفسيخ .. يلا انتي اتقعي الرز .. وخرطي البصل وابعتي الوله الرزه يجيب لنا الحباش م الراجل اللي على " أورنة الشارع".. ويقوله يكثر الشبت .. واندهي يا بطة على أم عبود وشوكار اللي في البدروم وأم النصه والبت لوزه ييجوا يقشّروا معيا .. يلا يا بت شهلي عشان نخلص قبل ما ابوكي ييجي والدق بالهون مش هيخليه ينام العصر

انتصف النهار، والعربي العترة ينصب قوائم المرمى الأربعة على جانبي الشارع، ويخطط الملعب بالطباشير استعدادًا لإقامة مباراة كرة القدم (الكياس)

ترد عليه جدته من التراسينة:

فيه إيه يا وله .. ما تبلع ريقك .. عايز إيه؟

الرزّه:

- اسرجيلي النور يا نينا .. الدنيا عثمة خرّمس ع السلم .. وفيه قطّة سودا واقفة
ع البسطة بتبرّقلي...

- نور إيه دلوقتي واحنا في عزّ النهار .. انت خيخة ولسان ع الفاضي .. وبعدين
ما تطلعش ... محدش فاضيلك.

الرزّه بانفعال ومُسكنة:

- طب انا جعان بقّت يا باي .. طب حنيلي قشقة بجبنة ونزليها في "السبت"...

- يا وله إيديا متلغمطة زفاره .. وانا كنت عاطيه لك قرش روح هات لك شقتين
من عند شلبي .. إياك تندد عليّا تاني يا حمار.

مشى الرزّه يهذي ويبرطم من جبروت جدته التي لم تنس أنها أعطته قرش بحاله
قبل ما ينزل الشارع...

يتجمع رجال وشباب الشارع، لتوزيع الأدوار فيما بينهم، يقودهم الرجل
المُحَنَك " أبو السعيد البيو"، كما اعتاد كل عام لإخراج احتفالية الليلة تليق باسم
الشارع بتاعهم، متفوقين على الشوارع المجاورة، بحيث تكون لديهم أكبر وليعة
"حريقة" مع أحسن ألمبي، والمسؤول عن زفة الألمبي هو العربي العترة، لطول

قامته وقوامه الرياضي، المصاحب له على الطلبة في الزفة فنان الإيقاع ابن الشارع "موحه"، وتبدأ الزفة ويحمل "العتره" الألمبي فاتحاً رجليه ووضعهما فوق كتفيه، وممسكاً بيديه ويشدو ومن خلفه الجميع:

- يا ألمبي

الجميع: يا ابن ألمبوحة

- ومراتك؟

- حلوه وشرشوحة

- يا تربة يا ام بابين

- وديتي الألمبي فين؟

وهكذا يتم التردد على نغمة طلبة الفنان "موحه"، ويجوبون الشارع وبعض الشوارع القريبة، بينما السيدات والفتيات يُصَفِّقْنَ ويضحكن من قلوبهن، ولا مانع من إطلاق زغرودة طويلة من البت النون (دلع أمينة)، على الجانب الآخر الشباب المسؤول عن الوقود من كاوتش وأقفاص جريد النخيل والأخشاب، يُكْومونها في منتصف الشارع، رصة محترفين اعتادوا عليها، لتكون مرتفعة قدر إمكانهم حتى تظهر حريقة ما حصلتش تُمَتِّعُ الناظرين، الأطفال مستعدون، كل منهم في جيبه ثلاث أو أربع حبات من البصل، ليضعوها داخلها وقت هدوء النار لتتضج داخلها، ويأكلون البصل المشوي بلذة لن تتكرر إلا بعد عام.....

عادت زفة الألمبي إلى الشارع، وعندها تم إشعال النار، وطاف الجميع مع الألمبي حول النار التي تستعر بإلقاء المزيد من البنزين، ويمسك الشباب كلاً منهم بطرف من الألمبي، ولكل منهم في نيته ظالم أو فاسد أو حتى زعيم، لأبد من إلقاءهم جميعاً في نار الشارع وبئس المصير.

بعد متابعة أم صاصا وابنتها بطة هذا الحدث الجلل الذي تتميز به مدينتهم الغراء عن سائر مدن الدنيا، تذكرت أن حفيدها لازال بالشارع، أخذت تتأدي عليه... يا وله يا رزه.. اطلع بقى الدنيا ليلت.
الرزه بتتاحه: لسه بدري يا نينا .. خليني شوية .. السمسمة جايه دلوقتي.
أم صاصا: اطلع دلوقتي أحسن لا سمسمة .. يلا أنا سرجت لك نور السلم ..
ويمكن شوية تيجي غارات من ولاد الكلب الظلمة.. اللي مش عايزنا نفرح..

تأتي فرقة السمسمة للشارع، ليغني أعضاءها بالتناوب مع قائدهم "حسن العشري"، أغاني في حب مدينتهم، بل والعاطفي بلون موج بحرهم الساكت حزناً، وما نسوا أغاني رفع الروح المعنوية للجيش والشعب كأغنية (كانت إيالات رايحه وجايه ... في مياها المصرية ... مبروك يا جمال .. مبروك يا جمال).

**حالة المدينة الاقتصادية تزداد سوءاً، فالبحر وقناة السويس هما شرياننا الخير
ورغد العيش منهما، فما عانت مراكب الصيد تجوب مياه حنوننا الإقليمية ولا
تخطأها كما كان يحدث قبل وجود العدو الإسرائيلي على مرمى البصر، والقناة
تم إغلاقها أيضاً، ومع احتلال سيناء فقدت ثروات بحيرة البردويل التي كانت تدر
بالخيرات على المدينة من أسماك فاخرة دنيس و بوري وقاروص وغيرهم.**

أم الكوز بعد التحاق ولدها العربي بالجيش، عليها أن تكافح لرعاية أسرة
ولدها زوجته وابنيهما، لذا قررت منذ ترحيل ولدها ألا يُخلق محل الدراجات،
وترعاه بمساعدة شباب الشارع ورجاله على استمراره، خاصة "صاصا" الذي
كفاهما عن الجميع، ولكنها تأبى أن يقدم لها هذا العمل دون مقابل.

- ينفع كده يا صاصا يابني ... شقيان معايا طول اليوم وماتخدش مليم احمر
تدخله على بيتك ... والنعمة حرام كده.

- يا خالتي انتي زي أمي وحقك عليا أخدمك ... ولا أبص في "صُلادي" منك .. دا
حتى يبقى عيب عليا ... دا ابقى راجل ناقص وماعنديش ريحة الدم.

- بعد الشر عليك يا ضنايا ... اسم النبي حارسك طول عمرك رجوله ... طب
اسمع بقت ... انا جاييه شوية حاجات لابنك "ناصر" ربنا يحميه ... وحاجات
بسيطة لأمه ست "ليزا" قمره الشارع ... تاخذهم تديهم لهم .. ولو فتحت بَقاك

بكلمة معننش تعتب المحل .. وهكون زعلانة منك العمر كله...

- هئ هئ هئ بتطرديني وتفصيليني من الشغل يا خالتي؟ والنعمة ما انا سايب الشغل وهاشتكيكي في مكتب العمل .. وأقولهم خالتي فصلتني يا حكومة.. بس هسامحك عشان قلبك الأبيض وهاخذ الحاجة .. بس آخر مرة تعملها .. يلا بقى عايزين نشتغل .. ناوليني "الزردية" مش عايزين دلح.

- ربنا يجبر بخاطرك يا صااa

العربي الكوز أصبح جندي مُجَنَّد، أدى فترة التدريب وتم ترحيله إلى كتيبة بالدفرسوار، حين وصوله للكتيبة تم استقباله ومن معه استقبال عنيف، ليصل لحد الإهانة حتى يشتد عودهم ويقوى، ليعتادوا على إطاعة الأوامر العسكرية دون نقاش، لدرجة وقوفهم بالملابس الداخلية بعد منتصف الليل في صقيع الصحراء، يرفع كلا منهم " المِخْلة " مملوءة بالمهمات الخاصة به لأعلى ويدها مفتوحتان دون سماع النفس منه وحتى شروق الشمس، يذهب بعدها كل جندي يرتدي ملابسه ليحضر طابور الصباح، والانضباط العسكري يسود كل حركة وسكنة دون تأفف وإلا .. من نصيبه التكدير من خلال حركات رياضية موجعة، الشتائم الميري حفظوها أثناء التدريب مثل "بعكوك، نمره، مخلة، وغيرها ليدخل العربي

الخيمة متعبًا ويقول للجنود زملائه:

- واضح ان أيا من ههنا طين .. مفيش رحمة يا جدع .. حتة شلويش ما يسويش
ميه فضة يأمر وينهي ويجعّر بصوته على الفاضية والمليانة (و أخذ يقلد شلويش
السرية بصوت مرتفع)....

- سرية صفا.. انتباه .. اليمين دُر .. للشمال دُر .. خطوة تنظيم .. دُر .. جد .. هاب .. جد .. هاب .. للخلف دُر .. سريعا ما ااررش .. انت يا عسكري يا تحفة ماشي على قشر بيض .. مِد الخطوة شوية يا بعكوك انت وهو .

بينما يزيد العربي من السخرية بصوت الشاويش، الذي يدخل الخيمة عليهم متسللاً ويقول بصوت عالي جدًا وعصبي:

- ثاااااابت .. دؤر مكتب ياعسكري العربي .. هوريك الميري بجد شكله ايه .. وأخليك نتوب عن المسخرة اللي بتعملها يا بعكوك .. فاكرك نفسك في جيش لواحظ؟

- يا أومبائشه ما عملتش حاجة.

- أومباشه يا متحف؟! اتعميت خلاص؟ مش شايف التلات شرايط يا بجم؟!...

- تمام یا شاویش .. شقتهم اصل نظری ضعیف .

- وكم ان بتفكه يا مخلة؟! داننا جيشك لسه في قعر المخلة .. وديني .. اعلمك ازاي تبقى عسكري منضبط .. يلا سنة استعد .

- خلاص بقى يا شاوشنا يا سكرة .. حصل خير وحياة ابوك .. عديها ورحمة امك الغالية .. دا انا لسه باقول للعساكر زميللي انك رجولة وصول راضع من أمه .
أخذ الشاويش يصرخ ويقول : ايه يا عسكري يا مُنحل الكلام الملكي الغريب ده؟!
يلا دور على مكتب القائد .. ومش هسيبك الا وانت في البعكوكة تتحبس اسبوع
تتربى فيه .
العربي متذللًا :

- طب انت يرضيك يا شاويش يا جامد .. دنا اخوك الصغنن .. ترضى يتعمل كده
في اخوك?...
الشاويش منفعلًا :

- اثبت يا عسكري .. اسمها حضرة الشاويش أو يا فندم .
- حاضر يا باشا .. خلاص بقى سماح .. سماح يا بيه .. سماح يا باشا .. سماح يا
فندي (ودخل عليه يُقبله من وجنتيه).
- طب يلا ارجع خيمتك وما تقولش على اللي حصل بيننا دلوقتي .. عسكري
طلبه صحيح .. يلا يا عسكري سريعًا مارش ، اجري يا عسكري...
بفرحه يجري العربي ويقول :

والمصحف انت شاويش حلاوة نيفا وانا باحبك زي الوله الكوز اللي في شارعنا .
يدخل العربي الكوز الخيمة ويسأله جندي زميله :عمل الشاويش فيك ايه يا عربي؟

- يقدر يعمل حاجة .. دانا كنت شرحتة .. دانا بورسعيدى اصيل يا بني (وأخذ يرقص ويغني أغنية السمسمية).

لحظة راحة صااا وقت العصاري من عمله مع أم الكوز بالمحل، يتوجه لمنزل أمه حيث تقيم زوجته مع أبويه وطفله، يدخل منشرحاً على زوجته بغرقتهم وبعد تحية أمه ليقول:

- ليز حبيبي وحشائي .. ازيك وازي الوله ناصر الجميل اللي شبه أمه القمر.

- انا بخير صاصي حبيبي .. بلاش صوت عالي بليز عشان ناصر نايم.

- مالك ليزا؟ مزاجك مش مضبوط .. مش عوايدك .. فين بسمه ليزا الحلوة اللي متعود عليها؟ ... (أخذت دموع ليزا تتساب بغزارة وألم مكتوم).

- الله الله فيه ايه حبيبتي؟ .. انا سلايك كويسه .. حد زعلك؟

- مفيش حاجة حبيبي .. يلا قوم صاصي اجهزلك غدا.

- وربنا ما ادوق حاجة في بوقي إلا ما اعرف واطمن عليكى .. يا ليزا انتي

حبيبة قلبي وروحي وكل دنيتي .. وحياة ابننا ناصر تقولي .. يلا بقى.. لو انا غالى عندك قوليلي.

- بصراحه صاصي.. وضعك ووضع بلد هنا مش كويس .. انا حزين عشانك

مفيش عمل.. وكمان بابي صاصي مفيش عمل .. وانا معايا فلوس كثير مش

عارف تروح فين .. وكلمت ماما صاصي كثير عشان موضوع ده .. قال وهو

غضبان أوعي تتكلم تاني في الموضوع .. انا محتار صاصي اعمل ايه معاكم..
عندك حل حبيبي؟.. فيه حل انا هنا معاكم .. مفيش حل نرجع يونان انا وانت
وناصر نعيش هناك مع مامي .. بليز صاصي انت تحب ليز خلي ليز مرتاح مش
حيران .. انا تعبان قوي صاصي ..(ثم أخذت تبكي بحرقة وتحضنه بقوة).

- عشان خاطر ربنا كفايه عياط .. انا كمان باعيط معاكي "صوت مخنوق"
كفايه حبيبتى .. كل حاجه ليها حل .. هاقعد مع ابويا وامي ونشوف هنعمل ايه..
يلا يا روح صاصي قومي نتغدا يا قلب وعقل صاصي .. يلا امسحي دموعك
عشان محدش ياخذ باله .. وهاتى بوسه ع الطاير تروقك هى هى.

**يأتى المساء... والغارات الجوية متتالية لطيران العدو بلا هوادة، والتي تشتد
حين ينجح الجيش في عملية داخل الأرض المحتلة على الضفة الشرقية للقناة،
ومع انطلاق صفارة الغارة المتقطعة، يهرع الجميع من السيدات والمعائز
حاملين أطفالهن إلى المخابئ المخصصة، وينتشر الشباب والرجال للمعاونة
والتأكيد على تنفيذ تعليمات الدفاع المدني ومعاونتهم، حتى تمر الغارة بسلام،
وتتطلق مرة أخرى الصفارة الطويلة التي تعبر عن الانتهاء، ليعود المختبئون إلى
منزلهم ساخطين ومُردين دعوات من قلوبهم للحترقة لإسرائيل بالقضاء ونصرة
جيشنا، الذي يستعد وبشدة لملء أشلاء تناثرت ومُعدلات قُصفت وإصرار على
للثأر وعودة الكرامة.**

الفصل الخامس



صعد الشيخ طه منبر المسجد لخطبة صلاة الجمعة، بعد التحية والصلاة على الحبيب، كلمات يستبق اللسان فيها القلب بل ويعارضه، ظل يربط بين جيش مصر والمحاربين من الصحابة عتاة الإيمان، بل تطرّق إلى تشبيه القادة الحاليين بأسماء ذكرها التاريخ، فاتحين بقوة إيمانهم وقد رفعوا راية الإسلام من الشرق إلى الغرب.

ظل على هذه الحالة المُفَتَّلة، حتى أتت نهاية الخطبة العصماء بالدعاء لنصرة القائد وأعوانه على أعداء الإسلام، بينما خيالات من أهانوه بقسم الشرطة تتراقص وتضحك بسخرية أمام عينيه، يزداد انفعاله ويبيكي ثم سقط مغشيًا عليه مستمرًا في النحيب والوجع.

رفعه المصلون ليأخذوه إلى المستشفى للعلاج ورافقه، وما تركوه إلا عند نقله إلى العناية المركزة، تم عمل الواجب الطبي تجاهه بعناية من الأطباء، مُقَدِّرين مكانته الدينية وملبسه الأزهري ذو الشأن والقيمة في نفوسهم.

أبو صاصا منذ البداية ما ترك أمامه في المسجد لحظة حتى أفاق وتحدث إليه:
- مالك يا شيخ طه؟ كنت زي الفل قبل ما تطلع المنبر.. دا انت كنت بتضحك من قلبك واحنا مع بعض قبلها .. وبتفتكر الوله الكوز وهو عسكري مسخرة .. افتح لي قلبك يا شيخ .. محتاج إيه بس قولي وربنا يدبرها.

الشيخ طه في حزن مؤلم وبصوت يكاد يُسمع:

- الدنيا كلها ملخبطة معايا .. استغفر الله العظيم .. اللهم لا شكوى إلا إليك .. أم البنات روحنا كشفنا عليها في الأميري الأسبوع اللي فات .. طلع عندها المرض الخبيث .. البنات بتكبر ومصاريفهم بتزيد .. أنا صحتي في النازل والله الحمد .. زاد وغطى كل ما اطلع المنبر وأدعي بالنصر للبلاد واللي ماسكينها .. تجيلي خاتقة في النفس .. واتمنى الموت قبل ما أنطق حتى لا أموت مناقفاً .. ولا أخفيك سرًا .. بهدلوا كرامتي في القسم عندما قبضوا عليًا من كام شهر فات.

- وَحَدَّ الله يا شيخ .. دانت اللي بتنصحننا وتديننا المواعظ وكده .. إيه يا شيخ هو باب النجار مخلع والا إيه؟! .. هي هي هي .. تبات نار تصبح رماد .. والمصحف هاتفرج وتبقي فُلِّي.

- بالله عليك يا اخي ما تجيبش سيرة عن اللي حصلي في القسم.

- سرّك في بير يا شيخ .. حالنا واحد.

- بالله عليك إن أمكنك تشوفلي شغلانه غير إمامة المسجد دي .. عايز أحترم

سني وعقلي .. وكمان الأمانه اللي شيلها أمام رب العزة.

- وإن كان طلبك صعب .. وانت داري بحال البلد .. والأزمات بتزيد يوم عن يوم.

- لك الأمر يا صاحب الأمر.. دبر لي أمرى فأنا لا أحسن التدبير.

مرّت للشهور الأولى من العام ٦٩ والمرار يكاد يخلق طوق أهل المدينة، وقد لشتنت الغارات الجوية للعدو الإسرائيلي على المدينة الصامدة، حيث تم استهداف العمق المدني دون مراعاة لأية قوانين إنسانية كُنت على سلامة وحقوق المدنيين أثناء الحروب، وحرص أطراف أي نزاع عسكري على ذلك، بينما العدو محتلاً ومغتصباً لأراضيهم، ولم يكتفِ بالاحتلال، بل يزداد قسوة وضروراً وصفقة للتدمير وقتل أرواحاً بريئة لا نذب لها، إلا أنها تُقيم في مدن المواجهة.

لا غرابة في قصف سوق الروضة بما فيه من مواطنين بائعين ومشتريين الخضروات والأسماك، ومحطة معالجة مياه الشرب بشارع رقم ١٠٠، وامتد القصف العشوائي الغادر إلى منازل وسط المدينة أهلة بالسكان بشارعي دمنهور والحميدي، لتخلف وراء قصف هذا العمق مئات شهداء الغدر والمصابين.

لا مفر أمام القيادة السياسية والعسكرية في مصر، إلا للتحرك واتخاذ قرار
للتَّهجير الجبري لأهالي مدن القناة عامةً، حرصًا على عدم وقوع مزيد من
الضحايا، وقد أعدت للعدة لذلك، فأصدرت تعليماتها للحاكم العسكري لمدينة
بورسعيد لوضع كافة الإمكانيات لتنفيذ القرار، ثم رصف طريق لمياط/بورسعيد
لتيسير الحركة تجاه غرب المدينة، عمل كشوف بأسماء المدنيين الذين سوف
يُديرون مرافق المدينة وخدماتها بعد تهجير الأهالي، بل أسرع مديرة للتربية
والتعليم من تيسير إنهاء العام الدراسي، حرصًا على مستقبل التلاميذ والطلبة.

أم الكوز تنادي على أم صاصا من النافذة، بعد صلاة العشاء وعودتها من
انتهاء يوم العمل بمحل الدراجات التي تديره بديلًا لبنها الكوز أو الجندي العربي.
- يا أم صاصا .. انتي ياختي اطلعي كلميني .. قلبي واجعني م اللي بسمعه.
- خير يا ام روءه .. مالك مجعوزة كده ليه؟! .. طمنيني عليكي.
- بسمع يا حبيبتى ان المحافظة ناويه تهجرنا كلنا .. ونسيب بيوتنا وبلدنا .. هو
ينفع نعيش بره البلد!! .. ونسيب كده الجمل بما حمل.
- مش عارفه والله ياختي .. لما بييجي ابو صاصا أسأله .. دي تبقي حقه نصيبة
سودا وحطت علينا .. وان كان الكلام ده صح هتعملي ايه يا حبيبتى .. وناوية
تروحي على فين؟

- مقداميش إلا أروح بلدنا في الشرقية .. أقفلها ألاقي بيت أبويا يتلوييني أنا وابني العربي .. أما روعة بقى تبع شُغلُه.
- ربنا يجيب المخبي لطيف .. والله حاجه نَعْم .. أهو أبو صاصا اجه .. بعد إذْلك ياختي اشوف النصيبة دي معاه.

أبو صاصا دخل منزله مُطأطئ الرأس المُحملة بهموم مسؤوليته تجاه منزله،
والتي أصبحت يداه مغلولتان تجاه احتياجاته اليومية حتى البسيط منها.

- سلامو عليكم يا ام صاصا
- وعليكم السلام .. مالك يا راجل انت لسه مهموم .. ماقولتلك سببها الله هتدبر والبيت مستور والحمد لله .. طب دانا هعشيك النهارده بكلويز وكفته جمبري... وهتشوف عمائل مرات ابنك ليزا وشطارتها .. البت ياخويا باين إنها هتغلبنى وتروح عليا وابقى كُهنه هئ هئ هئ .. ألا قولى يا ابو صاصا صحيح هنهاجر من بورسعيد؟

- أبوة يا ستي ده اللي مخليني شايل الهم اكتر .. هنروح فين بس يا ربي؟ دبريني يا ام صاصا...

- أرض ربنا واسعة ياخويا.. وأدينا احسن من غيرنا .. ع الاقل بيننا وبين قرايبنا في دمياط فركة كعب.

تدخل ليزا عليهما من المطبخ مُلقية السلام وتقول:

- مامي صاصي.. انت عارف حبيبي ان فيه بيت بابي فاضي في اسكندرية..

نروح هناك .. والبيت واسع ويشوف بحر كمان.

أبو صاصا وقد أعجبه وصف ليزا يتَهَلَّل فرحًا:

- والله فكره حلوة يابنتي .. أقله اشوف شغل في المينا هناك حتى لو سَوَّاق لنش.

أم صاصا لم يعجبها رد زوجها المُندفع لتقول:

- على مهلك بس يا راجل م الصربعه اللي انت فيها دي .. احنا نروح آه بعد ما

ناخد رأي صاصا .. بس ندفع إيجار المطرح .. عشان نبقي قاعدين مرتاحين.

- مامي صاصي .. دا كلام حبيبي!! .. احنا أهل .. أنا أم حفيدكم ومرات ابنكم ..

ليه نفكر كده مع بعض؟! .. أنا زعلان كثير منك ماما.

- قُطِّع لساني يا بنتي .. وربنا المعبود ما اقصد ازعلك .. دا انتي مش مرات ابني

وبس .. دا إنتي بنتي .. يلا بقى بعد ما نتعشى نروح نزور بطة بنتي في

الافرنج.. وميمي .. ونشوف هيعملوا ايه في الحكاية السودا دي.

أم الكوز تلاعب حفيدها " روءه "، تسجد له ليمتطي ظهرها وتقول:

- قول شي يا حمار وانا هامشي .. بس امسك في رقبتى لأحسن تقع يا بن

الغالي .. قول يا وله شيببي بالجاامد وسمِّعني صوتك .. ياما عملت حمار لابوك

وهو صُغِير .. والوَاطِي كان يشدني من شعري واني أَصَوْتُ وهو يضحك ..
واحشني قوي أَبوك (أخذت تبكي بحرقة) .. انزل بقى يا وله ضهري وجعني
عشانك ثقيل تَشه .. يا سو كينة .. يا سو كا .. تعالى عايزاكي .. سبيي الغسيل اللي
في إيدك وتعالى.

- نعم یا اُمی .. لیبکی ..

- ياختي هو انتي طالعة الحج؟! .. ارحمي اللي خلفوني.

- نعم لا بأس يا أمّاه .. إني أسمعك .

- یا ارب ثبّتی یا رب .. شوفی یا بنتی شکھا کده هیرِ حَلونا من بور سعید ..

وانى نلوة نروح كلنا بلدنا وبيت ابويا اللي فى الشرقية .. نقعد فى خبز المرحوم ابويا .. ومنقاش أغراب عند حد.

- عين العقل والفكر الراجح يا أمي .. وبالطبع أبي وأمي وأخواني معنا.

- مين أبي وأمي دول؟ هي قته يا بت .. بقولك بيت أبويا مش بيت أبوكي الشيخ طه

- مهلك يا أمي .. أوتعلمين أن أمي بعد الكشف عليها وجدوها مصابة بالمرض الخبيث؟ .. لذلك لن أتركها وأبى وأرحل بعيدا عنهما...

- يا ساتر يارب .. اللهم احفظنا .. ربنا يشفيكي يام سوكا ويعفي عنك قادر يا كريم .. طب يا بت مقولتليش ليه عشان كنت أروح أشوفها وأعمل الواجب .. دي

ست أميرة والله .. مش زيك خبيثة طالعة لابوكي .. ده انتي حتى علمتي الوله
الغلبان العربي ابني " السهنته " واللؤم.

- سامحك الله وأعزك يا أم الغالي .. ماذا قولتي بشأن رحيلي مع أبي وأمي؟

- هاقول إيه!! .. ماسكاني من أيدي اللي بتوجعني .. هو انا أقدر أسيب حبيب
نيننا "روءه" بعيد عن عيني لثانية واحدة .. أمري لله .. وربنا يصبرني على
جيرتك الحسل يا شيخ طه.

وزارة الشؤون الاجتماعية بكل محافظات مصر، وضعت خطتها لاستقبال

**ضيوفا من مدن القناة الثلاث، نحو مليون نسمة، ويزداد العبء بهم على أعباء
يتحملونها، من غلاء أسعار السلع والخدمات في كل ربوع للقطر المصري، الذي
يتردد في أنحاءه مقولة للزعيم عبد الناصر "لاصوت يعلو فوق صوت المعركة"،
فكل الحركات والتحركات والإتالات لصالح للمجهود الحربي دون نقاش.**

اختار ميمي وزوجته بطة التَّهجير لمدينة رأس البر، ليبقى قريبًا من عائلته
بدمياط وقت الشدة، وقد شابه قراره "روءه" الابن الأكبر لأم الكوز، في حين
صاحب المقهى المعلم العربي، اختار قريته بصعيد مصر، أما الدوح والنوصة
اختارا مدينة المنصورة بمحافظة الدقهلية.

**صدر القرار الجمهوري بالتهجير القسري للأهالي، عدا المستقبين منهم،
وصار قيد التنفيذ في شهر مايو من العام ٦٩ .**

كانت مدينة "رأس البر" الساحلية ومحافظة دمياط ومراكزها عامة، المقصد الأول لتهجير أهالي مدينة بورسعيد، لقرب موقعها غربًا وحتى مناخها يكاد يكون واحدًا، كان لمدينة رأس البر مزايا عدة، منها أنها مدينة على ساحل البحر المتوسط نقطة التقاء فرعي النيل، وتسمى هذه النقطة "اللسان"، وكانت تنشط شهور الصيف وباقي العام خلوية على عروشها، الشاليهات فيها جدرانها مصنوعة من "الأكياب" عششًا مستقلة، ليقطن في كل عشة أسرة بورسعيدية.

**للجميع يتأهب للرحيل عن المدينة متجهًا إلى حيث اختباره محافظة مَهْجَرًا
له، لا يدري متى سيعود لمنزله ومدينته، التي تزداد فيها لوكار الغربان كلما
رحلت عنها بضعة أسر، ويزداد نحيقها مختلطًا بنحيب وصراخ أهل المدينة
للمقهورين بالرحيل عن مدينة اللبهة والجمال إلى مصير مجهول المعالم
والزمن.**

**كل يوم تتحرك قوافل الأتوبيسات من غرب بورسعيد وجنوبها، للحسرة تملأ
القلوب ودموع الأعين لا تجف، يالا وجع الغربة عندما يفترق الأهل والأحبة .**

يجلس الأستاذ ياسين على مقهى المعلم " العربي البصري " على أورنة
"ناصية" الشارع، يبتسم للمارة الذين يحملون أمتعتهم، بعد حصر أعداد كلاً
منهم، ومعرفة مكان التهجير للمتوجهين إليه، بعد ابتسامته التي لا معنى لها،
يصرخ صرخة الجريح الغافل عمّن طعنه ثم هرب واختفى، كعادته يأتيه وحي
الشعر على المقهى ويقول:

رايحين على فين ومش راجعين
هيحاسبهم ربهم عن عمايلهم فيكم يوم الدين
قالوا لنا هنرميهم البحر .. أدينا احنا اللي غرقاتين
فيها إيه لوزرعوها ورد وحب
آه آه.... منكم لله يا ولاد آل....

البيو بعد التحية المحترمة للأستاذ ووضع كوب الشاي يسأله:

- هتهاجر فين يا أستاذ؟

- ههاجر للعريش وبير العبد .. وابدع عني يابن ستين (...) ها ها ها ها....

(بكاء وعويل).

ليام قلائل، وفرغت المدينة للطينة من ناسها الطيبين، راطين .. باكين ..
أخزين معهم نكرياتهم إلى غربة للنفس والبدن، لا يعلم مداها إلا الله، عشن

الغريبان مكان الإنسان، للنحيق يحل محل ضحكة طفل بريئة، مدينة بأسرها كانت
تعج بصيوة وبهجة ساكنيها، أصبحت خاوية على عروشها، عدا للقليل منهم،
لازلوا بها تحت مسمي بغيض وليم "مستقبين"، استبقوا في مدينتهم يلفهم
الحزن ولم وداع أهليهم ونويهم، للفرد منهم ينام وحيداً، لا تؤنسه زوجة، ولا
يسمع ضحكات لطفاله التي كانت وهم يلعبون ويصرخون وهو نائماً وقت
العصاري ليقوم صارخاً فيهم، "وطوا صوتكم يا ولاد للكلب عايز لنام عشان
ورديتي بالليل ابقي مصصح"، ليتهم ظلوا وما نام ليلاً ولا نهاراً.

لصمت للرهب حول كلاً منهم في وحدته يدفعه نحو للكتابة، وما عليه إلا
تحمل قسوة الأيام ومرورها البطيء، ليلتقي بهم وأحوالهم لن تسره ولن تسرهم،
هم المفتربون أينما كانوا..

الفصل السادس



محافظة الشرقية، أهل الجود والكرم قرى ومراكز، طبيعتهم تقودهم على الدوام نحو الترحيب بضيوفهم وتقديم ما في أيديهم لهم وهم مبتسمين، حلو الكلام منهم يخرج من القلب بعفوية الكريم صاحب الأصل الطيب.

عائلة أم العربي "الكوز سابقاً"، توجّهت إلى قرية الجذور، حيث منزل الأب الفسيح والسهل أن يسع معها عائلة الشيخ طه رقيق الحال وزوجته وابنتيه، تلك كانت رغبة سوكنة، زوجة العربي التي نجحت في إقناع أم العربي بهجرة أبيها وعائلته معها، لتكون بجوارهم رحمة بأמהا المصابة بسرطان الدم، وقرر الأطباء في بورسعيد أن أياها معدودة، بالطبع هناك علم سبق، بوصول هذا الفوج إلى القرية، وتمّ الاستعداد التام من خلال الأخت الكبرى "هانم"، ومعها أولادها لاستقبال خالتهم ومن معها بعد قرار رئيس الجمهورية بالتهجير القسري من مدينتهم بورسعيد، حرصاً على أرواحهم التي أصبحت في خطر، وكثيراً من الأرواح زُهقت جراء العدوان الجبان، من طائرات العدو الصهيوني الضارب

بعرض الحائط كل المواثيق والأعراف الدولية، والتي تنص على حُرمة دماء المدنيين أثناء المعارك العسكرية.

أم الكوز تستعرض العفش القادم معها بعد نزوله من السيارة، وهي حاملة حفيدها "روءه"، ابن العربي المُجَنَّد والمتواجد في كتبيته قرب مدينة الإسماعيلية أم العربي (الكوز):

- شوفتي يا سوكة.. بلدنا هواها يرد الروح ازاي؟.. شايفه اختي استقبلتنا وأولادها اسم النبي حارسهم من أول البلد .. وهما ناقص يشيلونا من على الأرض .. برضه الدم عمره ما يبقى فيه ولا حتى عرقسوس .. والنبي هيوحشني العرقسوس بتاع عيسى اللي في الحميدي .. يلا كلها كام يوم ونرجع بورسعيد بعد ما نكون دغدغنا إسرائيل .. دا احنا معانا جيش يهز الدنيا من مكانها .. ده كفاية فيه دلوقتي ابني العربي .. وحشني الواطي .. ا بقي اكتبني له جواب قوليله احنا في البلد وقاعدين في بيت جدك.

- حاضر يا امي سوف افعل ... بالفعل اني افتقدته.

أم الكوز تصرخ وتقاطعها مُندفعة بصوت عالي:

- بعد الشر عليه .. ايه افتقديته دي؟ تفي من بقاك .. الملافظ سعد يا بلوة انتي ..

ربنا يجيبك بالسلامه يا عربي يا واطي .. الا ما فتكرت أمك بجواب يا عربي ..
تقوليش مشغول في حرب المعيز.

سُكينة بعد الدش البارد من حمايتها تقول بهدوء:

- سامحك الله يأمي.. افتقدته يعني واحشني الغالي.

شهقه من أم العربي ونظرة نارية نحو سُكينة:

- اتسهوكي ياختي وقولي اصل انا جاهله.. مع اني بقت انا قعدت لغاية ستة

ابتدائي وطلعوني من المدرسة عشان اتجوز أبو روءه.. والله افتقدتك يا ابو

روءه ياللي كنت مهشكني ومدلّعي.. مع اني كنت زي حجر سبس "دليسبس"

بعيد عنك.. دلوقتي اتعلمت الدلع على كبر.. وبقيت فرفوشة.. بس بعد ايه يا

انصاف؟.. بعد ما شدوا اللحاف.

- متّعك رب العالمين بالصحة يام الغالي.

- طب كفايه يا ختي قر ونق ورغي.. روعي بقي دخلي العفش مع النسوان..

عيب عليكي دول جايين يساعدونا واحنا نستلطح عليهم؟!.. يلا انتي وانا هقعد

على المصطبة.. ومعايا حبيب قلبي وفشتي اللي نايماً يا ضنايا من ساعة ما

وصلنا البلد.. يكونش مش طابق ريحة الناس اللي كانوا بيبوسوا فيه!!..

الشيخ طه شارد الفكر وفي حالة ذهول وتوهان، يُحدّث نفسه حزيناً على ما

آل إليه حاله:

- وبعدين يا طه والغربة المرة دي.. لا حد يعرفك فيها ولا انت تعرف حد...

ولا حد هيجس بيبك .. ام بناتك سندر وعكازك ايام وتسبيك لوحك مع البنيتين
اللي لا ليهم حول ولا قوة .. كنت فين وبقيت فين !!!.. كنت هناك أعمى وكان
هناك اللي يدللك على الطريق ويساعدك بالخير في كل مناسبة .. والبيت جنب
الجامع .. دلوقتي بقيت اعمى وعاجز التصرف .. هو فيه بلد زيك يا بورسعيد
بلد كل غريب .. بلد خيرها كثير وناسها حلوه .. يحسوا بيبك من غير ما تتكلم ..
روحهم حلوه .. كنت احس فيها ان اهل بيتي طبخوا اربع خمس أصناف على
الغدا .. واعرف بعدها ده كله جاي من عند الجيران ولازم ندوق اللي طبخوه ..
يارب انت العالم بحالي وغني عن سؤالي .. اكفني بك عن عبادك وأغني عن
سؤال خلقك .. ولا تحوجني عمّن سواك ولا حول ولا قوة إلا بك .. نعم الرب
ربي يصرف عني ما أنا فيه ... ويدبر لي حالي وانا العاجز لا أحسن التدبير ..
تولي يا قهار أهل بيتي بفضلك وسترك وجبرك يا عزيز يا جبار

يوقظه من غفوته الطبيب ابن هانم أخت أم العربي يُطَبِّب على ظهره ويقول:
- نورت بلدنا عم الشيخ طه .. مالك يا عمي .. حاسس انك مهموم .. ازاي بقى
واحنا حواليك اتشرفنا بيبك .. بلدنا حلوه وناسها طيبين .. انا الدكتور محمود
وخالتي ام فاروق والعربي.

- أُنعم وأكرم يا دكتور .. بلدكم حلوة بقلوبكم وأرواحكم .. جزاك الله كل خير ..
طبيعي ما انا فيه وكل المهجرين كانهم ماتوا .. وفيه مثل بيتقال " بورسعيدية

زي السمك .. ان خرج من بيئته مات " .. وأكد يا دكتور عارف موقع بورسعيد على الخريطة .. حوالها بحر وقتاه و بحيره .. يعني ما يحبوش يسيبوا المكان .. لان مش هيلاقوا زيه ثاني.

- كان الله في عونكم وخفف عنكم اللي انتم فيه .. عم الشيخ طه هات ايدك نروح على البيت .. أهل بيتك سبقونا هناك .. يلا اتفضل معيا شيخنا الكريم ترتاح من السفر ...

**لنوار منزل لم صاصا لطفات، بعد رحيل من كانوا يفتنون بأغاني المودة
وعطر القلوب منثور بين جنباته، كانت وجهتهم مدينة الإسكندرية عروس البحر،
المسافة بين بورسعيد والإسكندرية حوالي أربع مائة كيلو متر، مما جعل لعناء
السفر بطولة قهرت لجسام أفراد العائلة المزهقة نفسيًا، كلما ابتعدوا متراً واحداً
عن مدينة هي للروح والحياة ونور قلوبهم، ضاق للصدر وصعب للتنفس هواء
مغاير لما اعتادت صدورهم تتلقاه بنقله، الجفون ما استطاعت أن تغلق، والعيون
تغطي بياضها لون نبح للعقول الغير مُصدقة للرحيل.**

تحرك الجميع كما الأموات، برغم أن نسמת الإسكندرية تُداعب وجوههم،
شبيهة بنسמת الحبيبة بورسعيد، صعدوا جميعاً أسانسير العمارة التي فيها شقة
ليزا، الموروثة عن أبيها الراحل القبطان المصري، الذي اختار وليقته يونانية

الجنسية وللقلب ما هوى، كانت نتيجة اقترانه ابنته الوحيدة وزوجة صا صا حبيب القلب الذي هذا حذو أبيها، الشقة تقع في حي " كامب شيزار " العريق، الذي سُمي بهذا الاسم ويعني (معسكر القيصِر)، الشقة تطل على بحر الإسكندرية البديع، فسيحة المساحة تسمح لساكنيها حرية التّحرك والخصوصية.

ليزا تُرحب بالجميع:

- هالو بيبكم أهلي في بيت انتم كلّكو .. نورتي مامي صا صا بابي صا صا حبيبي صا صا .. كمان طفل جميل ناصر نورتي حبيبي هي هي هي هي...
أم صا صا ابتسمت وقالت:

شقه ما شاء الله .. شرحه وبرحه وملايكتها خفيفة .. ربنا يجعلها عتبة الخير ونرجع بورسعيد بسرعة .. واحشني بيتي (بكاء مرير).
تضمها ليزا بحنان بيدها، واليد الأخرى تحمل ناصر ولدها وتقول لحمايتها
الباكية:

- بليز مامي .. انا حاسس بيبك حبيبي .. انا فرحان اننا مع بعض كله .. شوية ونرجع بورسعيد تاني كله .. هنا أمان مامي .. اكيد انت خايف على حفيد ناصر وخايف كمان علي حبيب صا صا .. وخايف علي حبيب كبير بابي صا صا ..
وبس مامي ..

تقاطعها أم صا صا في استنكار: كده برضه يا ليزا؟ انا خايفة عليكى قبلهم وعلى

ناصر حبيب الملايين .. نستيني يا ليز يوووه .. انزل يلا يا ابو صاصا كده
اطّقس الحِتّه .. وهات لنا شوية حاجات للتلاجة .. اوعي تتوه يا اخويا .. هنا
مفيش "أبو شحم" يدور عليك .. حقه !! .. دي تبقي خيبه لما تتوه ونقول ان
عندك ستين سنه ها ها ها .. يلا ابقى اعمل علامات في الشوارع عشان تعرف
ترجع لنا بالسلامه.

- مانتى لسه كنتي بتعيطي .. هتروقي وتفوقي عليا دوقتي؟ .. وبعدين مين اللي
عنده ستين سنه ده؟ .. دانا يدوبك عديت الخمسة وخمسين .. ولعلمك لو كانوا
سنوكي صح كان زمانتك عديتي السبعين.

- شوفي يا خواتي الرجال .. والمصحف لولا انك حلقت شنبك وسبغت شعرك
كان زماني اقولك يا جدو .. وكمان بقى أغنيك يا راجل يا عجوز مناخيرك قد
الكوز

يتدخل صاصا كالعادة عندما يزداد سلخ ابيه:

- وربنا انتم الاتنين غسل وطحينة مع بعض .. بتخزوا العين عنكم وتشاكلوا
قدّامنا .. يلا يا ابو صاصا هاجي معاك الحرس بتاعك.

- لا يا حبيبي وحياتك انا الف الكرة الأرضية وأنا مغمض عيني ورافع ايديا ...
صاصا يصفق ويقهقه: يا ابو صاصا يا جامد .. طب خدني معاك تلف العالم سوا.
ليزا في حسرة: تلف عالم وحدك صاصي وتحب نسوان هناك؟ .. ويمكن تتجوز

كثير .. وليز تبقي كديمة.

أم صاصا تشعر مشاعر حب ليزا لابنها صاصا وتتفعل:

- سيبك منهم يا ليزا ... بيمهيصوا على بعض .. يعني بيفشروا يا حبييتي ..
وحياتك لو لفوا الدنيا كلها ما يلاقوا ضافرننا .. والأتين يرجعوا زي خبيتها .. يلا
يا فالح انت وابوك البورم .. وعلى الله بس تعرفوا ترجعوا ها ها ها...

ما إن استقرت عائلة أم صاصا في مدينة المَهْجَرِ الإسكندرية، وأثناء تناول
الغذاء الذي أعدته ليزا وبعد تردد قال أبو صاصا:

- واجب يا ابني تتصل بالست ام ليزا تطمئنها علينا .. وتقولها ان احنا في إسكندرية
في أمان وخليها تبجي نشوفها وتقعد معنا.

تندفع أم صاصا بغيرتها مع نظرة حادة تجاهه:

- قصدك تطمئن على بنتها وتشوفها .. واخذ بالك يا أبو صاصا يا فتك؟

أبو صاصا يفهم لغز ما قالتة ويتلعثم قللاً:

- ايوه ايوه الله يفتح عليك يا ام صاصا .. هي ليها مين في الدنيا الا بنتها ليزا ..
ربنا يخليهم لبعض .

من هاجر من مدينة البهجة والجمال إلى مدينة رأس البر بصفة خاصة، قد يرى البعض أنه محظوظاً، لقرب المدينة من الوطن الأصغر، وأنها شهدت تجمع من أهالي بورسعيد، لذا تهون الغربة وضعف ما فيها من ألم المشاعر للفراق، الحقيقة الغربة هي الغربة والحنين إلى النقاء يبقى ويزداد كلما مرَّ يومٌ قبل عناق من رحلنا عنه مُجبرين.

لقد أصبحت بورسعيد ثكنة عسكرية، لا يدخلها إلا من حمل تصريح الدخول ولأيام محدودة ولسبب واضح من غرض الزيارة، ألا يكفي أن يُطلق عليهم مُهَجَّرِينَ؟ ألا يكفي فقدان وظائفهم وأعمالهم سواء بالبحر أو البر؟ ألا يكفي أن ينتظروا إعانات الشؤون الاجتماعية شهرياً وبعض الملابس المُستعملة والبطاطين، يقفون طوابير في انتظارها حين الوصول، وينادى عليهم من خلال كشف مُدَوَّن فيه الأسماء، وقلوبهم تتفطر على وقفة المهانة، ودخلهم أنين لا يُبدِّله ولا يمحيه إلا قرار العودة من حيث أتوا، ليُبعثوا من جديد في مدينة ما رأوا فيها إلا الخير والبهجة والجمال .

عائلة ميمي وبطة وولدهما الصبي "الرزّه" والرضيعة "روحيه" كانت قبلة تهجيرهم مدينة رأس البر، ليسكنوا أحد عَشَشُها كما يُطلق عليها وقت المصيف الذي ما عاد مصيفاً بعد وصول أفواج المُهَجَّرِينَ إلى المدينة، فالجميع في خسارة

كلما زادت فترة التهجير .

حُزن بطة بطبيعتها فج، خاصة ما برحت منزل أمها الحنون إلا أشهر قليلة
وقتما اختارت سكن جديد في حي الإفرنج، الذي وإن بُعد تكفي خطوات للوصول
إلى حُسن أمها، رحل الآن عنها الأم والأب والأخ الغالي على قلبها الطيب،
ويرحل معهم أمان كانت تعيشه في كفهم، لمّا وجدها زوجها ميمي مهمومة، بعد
استقرارهم بالعِشة التي خُصصت لهم من قِبل الجهة الإدارية المسؤولة عن
تسكينهم توجه إليها بنظرة حنان وحب زوجة يشعر بالأم بُعدها عن أهلها وقال :

- البطة الحلوه قلقاته ليه؟ .. قوليلي .. اعتبريني حبيبك وفضفضي يا ام الرزّه
اللي بقى أطول من أبوه.. يّلا يا سكر عشان انزل السوق اجيب لك مشبك وفطيرة
بالسكر .. ويمكن أفك الكيس واجيب لكم كباب وكفته .. ان شا الله ما حد حوش..
شوفي انتي بقى دميّاطي زي هيشبرق عليكم ويصرف بيّجي خمسة جنيه هيبّي
هههي .. ما تردي عليّا يا قمر .. دا حتى عشان احس ان انا فيبييس وبيعتّر على
حبييتي بطة وام عيالي.. وشوووبش يا ام الرزّه.

أحسّت بطة بمحاولته الودودة في ان تضحك وتخرج من حزنها، فابتسمت وقالت :
- أبويا وامي وحشوني قوي يا ميمي وأخويا صاّصا ومراته وابنه.. كلهم
وحشوني قوى..والشيطان ابن الهرمة بيقولي اني مش هشوفهم تاني .. وربنا
المعبود دانا اموت فيها (دموع ساخنة تنساب دون توقف).

- يا وزتي الحلوه .. دي فركة كعب بينا وبينهم .. هو يعني هما راحوا اتينا!..
دولم راحوا إسكندرية .. كام يوم كده نروح نزورهم.

بطة بفرح ولهفة: بجد والنبى يا ميمي؟

- طبعا جد ونص والنعمه .. نسييت في الدريكة اخذ منهم العنوان .. بس مجرد
ماعرف عنوانهم نروح لهم.

- يا مصيبتى يا ميمي .. وانا اللي فاكراك اخدت عنوانهم .. يعني ايه!!.. مش
هقابلهم تانى خلاص؟ (ثم رفعت صوتها).

- وحياة المصحف على عينيه يا ميمي لانت نازل اسكندريه نقلبها لغاية ما
تلاقيهم .. وافكر لصااا أخويا اللي مانمش الا لما جابك من بلاد بره بتاعت
الجريج .. وما ارتحش الا لما بقيت في بيتك .. افكر كويس عشاك بتتسي
قوامك .. دي اسكندريه يا ميمي مش بلاد العينين الزرقا اللي بتموت فيها يا
حبيبي.

بيتسم ميمي بتعاطف على حالها يقول:

- ربك يدبرها .. والله مش عارف ازاى .. لكن اوعدك ورحمة ابويا هعمل كل
اللي

اقدر عليه .. اسبيك دلوقتي ارواح اجيب حاجات للبيت وارجع تفكر سوا .. سلام
يا بطتى.

- ماشي يا ميمي أتهرب مني .. وحياة أمي الغالية قدامك اسبوع بس .. وتكون
جبت عنوانهم في اسكندرية .. والا هتطق في دماغى اسبيلك عيالك وأسافر
اسكندرية لوحدي ومش هسيبها الا وانا في حضنهم.

- حاضر يا قمر .. حلوه حضنهم ديّت .. طب الأول حضن ميمي وبعدين حضنهم
ها ها ها

- حاكم انت دماغك شكوري .. يلا يا بتاع العيون الزرقا والبنفسجي .. إنما العيون
السودا تعمل أحول.

- ميمي يضحك ويغني:

احول ملك روحي .. يا حبيبي تعالى تعالى بالعجل ...

- اللي خدته القرعة تاخده ام الشعور .. متغيّش يا ميمي .. ربنا يهديك ويعمي
عينيك عنهم ...

الأستاذ ياسين مُدرس اللغة العربية سابقاً، والشاعر الذي كان مُجنّداً أثناء
هزيمة يونيو ٦٧ وتاه في صحراء سيناء أثناء الانسحاب القهري للجنود هناك،
وما عاناه حتى عودته لمنزله ببورسعيد، تلك المُعاناة قال عنها في لحظة وعي:
أن الطيران الإسرائيلي كان يتتبعهم، وهم يفرّون مذعورين، يقترب منهم
ويضحك عليهم جنود العدو وقائد الطائرة الهليكوبتر، ثم يسبّوهم أقدر السباب

وهم فوق رؤوسهم، ويبتعدون عنهم ثم يعودون مكررين ما سبق مرّات، ومرّات أخرى يفتعلون أنهم سيقتلونهم، ثم يتراجعون عندما يرونهم خائفين من القتل لتزداد لعنات الأوغاد عليهم باللغة العربية.

تكاتف أفراد أسرته المكونة من أب وأم وأخت عليه، حتى اقتادوه إلى أثوبيس التهجير، لتكون وجهتهم القاهرة، بما فيها من زحام يتوهون فيه مع ياسين، لا يعرفهم أحد لحالته النفسية التي تسوء، وأيضًا الأمل في علاجه بمدينة الألف مئذنة، وقد حددوا إقامتهم بأكبر حي بالقاهرة ازدحامًا بالسكان، وهو "حي شبرا" العريق.

حالة من الهدوء انتابت الأستاذ ياسين بعد هيجان، ثم ينظر لمن في الأثوبيس ويقول:

رايحين على فين وساييين سلاحكم
قالكم كلام معسول عشان يريحكم
صدقتمهم ... الله لا يسامحهم ولا يسامحكم
كلكم كذابين ... كفايه بقي غش و نصب
وصدّقوني مرة واحدة يا ولاد ال....

الفصل السابع



صَمَت القبور وموت المقبورين أحياءً مع بردٍ قادم لفصل شتاء لياليه انعدمت فيها رؤية نور خافت وسط الظلام، قلوب تنن وألم البعاد يصيب القلوب الباقية والمستبقية بعد من رحلوا وقيل عنهم مُهَجَّرِينَ، الشوارع باتت مسرَّحًا للقطط والكلاب، وعشَّش الخوف عناكب فوق الرؤوس المُتَرَّحة بعيدًا عن أمل ضاعت ملامحه، وانتحرت الابتسامة عند رؤية الخراب هنا في مدينة الحياة بورسعيد بعد تهجير سكانها الطيبين.

حدثت بعض حالات وفاة طبيعية، وحادث قتل خلال شهرين منذ التَّهجير بين المستبقين بالمدينة، تلك جعلت الفرادي في الإقامة يتجمَّعون في منازل، كل مجموعة متألِّفة في منزل للأمان والرعاية، ومعرفة بعضهم إما بسبب العمل أو الجوار، كلٌّ منهم لا يرتضي أن يموت بين جدران منزله منفردًا، وتبقى جثته لا يدل عليها سوى رائحة العفونة المنبعثة منها.

تأتي إحدى صلوات ظهر الجمعة بالمسجد العباسي، واللون الكاكي يسيطر على المصلّين من أفراد القوات المسلحة، وتختفي ألوان الزي المدني المتناثرة بين المصلّين شأن كل مساجد المدينة، " الرحمة " و" لطفي شبارة " بحي الإفرنج بينما " التوفيقي " و" علوان " بحي العرب و" صالح سليم " غرب المدينة والحال أيضًا ببورفؤاد الأنيقة والجامع الكبير بها وغيرهم، كل المساجد حزينة، ترتفع فيها الأصوات فحسب وقت دعاء الخطيب بالنصر، ودحر العدوان الصهيوني.

أم الكوز وقد التقت شقيقتها الكبرى هانم، التي أمدّتها بمخزون المنزل، للتخفيف من معاناتها وحرصها على اتباع عادات أهل الشرقية الكرام.
نورا "أم العربي الكوز":

- ياختي متحرمش منك يا هانم العمر كله.. ولا يجعلك تهاجري وتسيبي بيتك ابدًا ويبقى عمران بيكي و بأولادك .. متشكرين يا هنومة.
- عيب عليك يا نورا .. مش ينفع شكر بين الخوات خالص.
أم العربي في سخرية:

- مش ينفع؟ .. قولي ياختي ماينفعش ... وبلاش المش أبو دود ده .. ابقى بس افكري اختك بصحن قشطة وقسط لبن طازه .. أبر بيها جنتي الهقانة.

- حاضر .. عيوني إلك يا بنت أبوي .. هبعثاك ماعون جيشطه توا .. وسطل اللبن
يوماتي أمات نحلل الجاموسة .. عارفاكي تحبي تدلعي بوجك .
- بوجك؟! .. اسمها بـقك يا وليه .

صوت الشيخ طه يستجد بأـم العربي من تحت الشباك :
يا ست نورا .. يا ام العربي .. سايق عليكي النبي تجي حالا .. أم العيال توفاهها
الله ...

- يا مصييتي يا مصييتي .. قلت ماتت؟! .. يا حبييتي ياختي .. ربنا رِيحك من
العذاب .. يا لهوي يا ولاد ع الدنيا .. الواحد يقعد يطحن فيها .. وفي الآخر
يتفلس .. لا حول ولا قوة إلا بالله الجنة ونعيمها يا ام سووكا .. الله يرحمها
ويحسن اليها .. هلبس ونازلة حالا .. اسبق انت وانا هحصلك .. ولا اقولك ..
استناني اخذك في ايدي بدل ما تقع على بوزك وانت ماشي وتبقى جنازتين .
- منتظرك يا أميرة .. جزاكي الله خير .

ماتت من كانت عيناه ليل نهار ، ماتت من انجبت له الحنان ثلاثة أضعاف ،
كل واحدة منهن قالت ... أبي أنا فخورة بك وأنت البصير وأنا نور عينيك ، لا
تقلق يا أبتاه رُزقت الحلال ، وربيتني منه وفيه ، فلا تقلق بعد ما أنجبتنا .
المشهد جدًا حزين ، سو كينة وشقيقتها ، يورّعن واجبات المنزل ، ويُجهّزن
أمهم التي صارعت المرض ، وها هو يضرعها ، ليوارى جسدها الطاهر مدفـن

غريب في أرض غريبة، لسيدة تغرّبت عن مدينتها، كل الناس في القرية الحزن يملؤهم، والشفقة تحتويهم، على من أُنوا أربعة وصاروا ثلاثة بعد أيام معجونة بالوجع.

أقبل الليل، والظلام الحزين يُخَيِّم على منزل الشيخ طه، كل منزل من منازل القرية أرسل صينية من أفضل طعامهم، حيث منزل الراحلة أم سوكينة، مشاركة طبيعية كعادتهم في المآتم، وزاد أن تجمّع رجال أهل القرية، وقد جمعوا مبلغًا لا بأس به، وضعوه في يد الشيخ طه فور الانتهاء من تلاوة الذكر الحكيم بصوت باكي أبكى معه قلوب المُعزين.

من المُهَجَّرين، بعض الأسر التي كانت وِجْهَتهم صعيد مصر، يَقْطُنون في مدرسة سميت بالمعسكر، ذلك المُسمى يأتي حيث اعتبار مُهَجَّرين بورسعيد لاجئين، الحياة فيه صعبة، عبارة عن فصول وحمامات مُشتركة، وما يفرج عنهم وجود فناء المدرسة، يلعب فيه الصبية والشباب ألعابهم المختلفة، التي أُنوا بها من مدينتهم بورسعيد، مثل الأولى والسَبْع طويات ونط الحبل وغيرها.

أيام أولى عصابة على أهل المعسكر، كشأن من هُجِّروا إجباريًا من مدينة البهجة والجمال حيث الغمة والته في مدن مصر وقراها ونجوعها، ضمن المُهَجَّرين امرأة مُسنة وحيدة تُدعى "أم خليل"، تتحدث العربية بلكنة غريبة على

مسمع جيرانها، وجهها الأبيض غارق في حزن شبابها، الذي انقضى ما بين أرمينيا ومدينة بورسعيد التي فتحت لها ذراعيها بعد مذبحة الأرمن الشهيرة، وسكنت في غرفة فوق السطح بحي الإفرنج، وكانت الكنيسة الأرثوذكسية بشارع محمد علي تُقدم لها الرعاية، لا تدري " أم خليل " لماذا وافقت على الذهاب إلى الصعيد، لكن يقينها أن أهل الصعيد هم أهل الشهامة والكرم.

عند وصول أم خليل المعسكر، شعرت أنها النهاية في غربة فوق الغربة، الأولى عندما رحلت من أرمينيا إلى بورسعيد، التي كانت وأهلها الدفء عوضها عما عانتها في هجرتها عن الوطن الأول، حيث ولادتها فيه وحياة طويلة الصبا والشباب والأسرة، كانت بورسعيد وشوارعها الحنون وناسها ومشاعرهم الجياشة التي احتوتها، تعلّمت العربية كلغة وعادات أهل المدينة وحبهم لبلدهم وتستحق.

ما أحد يعرف من جيرانها إلا لقبها " أم خليل "، حسبما قولها أنها تحب هذا اللقب، وكانوا يسمعونها بسعادة، لاختلاف لَكنّتها عنهم، والطعم فيها الناعم والمُهذب، مضت أيام وأسلمت روحها إلى بارئها، وهي لازالت مجهولة للجميع، سيدات بمختلف أعمارهن يتساعلن عن ديانتها، ليتم الدفن وفق عقيدتها، خاصّة أن إحداهن رأت صليب خشبي مُعلق في غرفتها الأنيقة، بالبحث في متاعها عرف الجميع أنها "زودانا " من أرمينيا، وعلى الجميع احترام ما ماتت عليه وشيّعت جنازتها وسط أوجاع الجميع ودموع على ما آلا إليه بعد استقرار إلى

تهجير هادماً له ولابتسامتهم، ليحل الألم ويعتصر الحزن قلوبهم، على فراق المدينة والمرحومة " أم خليل " أرمينية المولد بورسعيدية الهوى صعيدية المدفن.

رأس البر المأوى الوحيد الذي تركّز فيه المهجّرون من بورسعيد الحزينة
لفراق ساكنيها الطيبين، هذا للتركيز جعل الألفة بينهم سهلة، فلا غربة على الأقل
من لهجة بورسعيد التي بطعم للزلائية، بينما الأمر يختلف بمن الصعيد والدلتا
الذين هُجّر إليها ذريهم، أصبح المهجّرون فيها نشاز عن أصحاب المدينة.

بورسعيد مدينة شابة سواعد شبابها الواعي والذي تميّز بالنخوة والشهامة، خرجوا من مدينتهم ببعض العادات، منها الغيرة على بنات الشارع من أي غريب عنه، حتى وإن كان من المدينة، فيعطون لأنفسهم الحق في الاقتتال عندما يجدون هذا الغريب قد يقتحم عليهم عربنهم لمعاكسة فتاة اعتبروها أخت لهم، لذا كانوا يستقلون أتوبيس يومياً يقلهم مجاناً فتيات وقتيان، من رأس البر إلى القاهرة لحضور محاضراتهم بالجامعات والعودة سوياً، وكل فتاة قد أوصت عليها أمها شاباً يرعاها منذ قيام الأتوبيس حتى عودتهم إلى مدينة رأس البر، تجتمع هؤلاء الشباب كان متنوعاً في كلياتهم، منهم الطب والهندسة والفنية العسكرية وغيرها من الكليات في أنحاء القاهرة العامرة.

فاجعة هزّت أرجاء الوطن .. بل الأحرى هزّت كل ضمائر الإنسانية، قد نعلم أن الإنسان قد يكون طماعاً في مال أو في أرض، لكن في نزيف دماء أطفال أبرياء بخسّة وتشقى، بعد رؤية جثث ثلاثين طفلاً، يقتلون بدم بارد وهم يكتبون على المسبورة " الله محبة "، إضافة إلى أوجاع خمسين طفلاً مُصاب ولحدّ عشرَ عاملاً بالمدرسة المنكوبة، تلك مظاهر النذالة واللا إنسانية، إنها الغارة الجوية على مدرسة بحر البقر الابتدائية مركز الحسينية بالشرقية، لليوم الثامن من مارس عام سبعون، رنود فعل صعبة الوصف في نفوس المهجّرين خاصةً وشعب مصر عامةً.

ذلك الحادث الأليم عاد بذكريات أليمة إلى أذهان من هُجّروا قسراً من بورسعيد، ضرب سوق السمك وشارع دمنهور ووابور المياه وفندق هيلتون ومناطق أخرى غيرهم، بالغارات الجوية قبيل هجرتهم، ولملمة الجثث والأشلاء من أرض تلك المناطق، وكل الضحايا مدنيون لا ذنب لهم ببعدهم عن مناطق الحرب وجبهتها، ظناً منهم أنهم آمنون في بيوتهم وأعمالهم، تتكرر هذه الأعمال والسفالة فيها في أذهان أهل بورسعيد، والذين رحلوا عنها إلى داخل البلاد بعيداً عن مرمى مدافع العدو الغاشم.

ذهب التلاميذ إلى مدرستهم في مرح، مرتدين مرايل، يحذوهم الأمل وبسمة بريئة، وهم لا يعلمون أنها أكفانهم، ليذهب أولياء الأمور ليجدوا أطفالهم تتناثرت

لحوم أبدانهم فوق مقاعد وأرضية الفصول الدراسية، من غارة بطائرات الفانتوم أمريكية الصنع، يقودها طيارون إسرائيليون، ما عرفوا للرحمة عنوان، قلوبهم غُلف، ساء ما فعلوا ويفعلون.

كان لمحافظة الدقهلية خاصة المنصورة وما حولها، نصيب في استقبال المُهَجَّرِينَ من بورسعيد، نماذج عديدة من الأسر، منها عائلة "عم إسماعيل"، الرجل الطيب حافظ القرآن الكريم، ارتضى بـ "كفر البدماص" مقراً لهجرته وأسرتهم والذي كان يعتمد على زوجته صاحبة الشخصية القوية التي استمدتها من أمها أم يوسف، تلك المرأة التي وقت المحن والفرح أيضاً تعادل رجال، كان للعم إسماعيل خمسة أولاد، منهم بنتان وثلاثة ذكور، أكبرهم يحمل لقب "بوسيا" والاسم عبد العزيز، يجيد عمل المقالب ومهارة الخروج من المصائب التي يفعلها على مدار الساعة، يليه من يحمل لقب "العفريت"، يتضح من الاسم مدى الشقاوة التي يمارسها دون تردد، وأياً كان رد الفعل من ضرب وسحل، والاسم محمد، بينما الثالث يحمل لقب "الطيب"، وبالفعل كان كذلك.

أراد الابن الأكبر من الذكور الزواج من فتاة أُعجب بها، وقد شاهدها أكثر من مرة وسط حقول زراعة الخضروات والفاكهة، التي عمل بها أثناء أجازة الصيف الدراسية، فهي فتاة جميلة من أسرة ريفية بسيطة، وفتيات المنصورة يتمتعن

بجمال المُحَيَّا والقوام أَيْضًا، تكلفة الزواج غاية البساطة، فالأمر لن يتعدى فراش النوم وبعض احتياجات العروس الخاصة، ومنزل العريس يضم العروسين دون إضافة تكلفة استئجار منزل لهم، لذا أقدم على الزواج دون تردد، وموافقة الأم تكفي، فهي المُخطَّط والمدير للأمور الحياتية للأسرة.

تم الزواج، فلا معوقات فيه، وتصبح أول زيجة في "كفر البدماص" المنصورة دقهلية في ليلة قمرية، اختلطت فيها الاحتفالية بأغاني السمسمة بالأغاني الشعبية لأهل الريف، وما هي إلا أيام ويتقدم شقيق العروس للزواج من شقيقة العريس بورسعيد، ويسمى بين الأسر البسيطة زواج البدل.

وهنا يبدأ نق أول مسمار في الاختلاط ، بالزواج بين المُهَجَّرِينَ من بورسعيد وأهل البلدة الذين هُجِّروا إليها، ليتشكل فيما بعد جيل للتهجين بعد العودة من التهجير.

الأسكندرية ماريا، ريحة بحرها وجمال دورانه مع شوارعها المنتظمة والمائلة نحو البحر مع سماع لهجة الأسكندرية الحلوة، راقى لعائلة أم صاصا وعوضتهم بعض الشيء عن جميلة المدن وجوهرتها المتألئة صيف شتاء بورسعيد، خاصة أن أبو صاصا وجد عمل بالميناء، وجد فيه ذاته ماديًا ومعنويًا، أما ليزا قررت بعد دراسة جدوي سريعة، فتح مطعم أسماك في بحري، يديره

صا صا وكل الثقة فيه، أما ست الكل أم صا صا، لا يشغلها شاغل عن ابنتها بطة التي افترقت عنها شهوًراً لم تراها فيها، تونب نفسها ومن معها، كيف لهم نسيان إعطاء بطة وزوجها عنوانهم الجديد في كامب شيزار .

آذان الظهر ينتهي وتبدأ الدعاء لأسرة ابنتها بطة، وتنتابها موجة بكاء غزيرة مع نحيب متقطع، يهرع ابنها صا صا ويأخذها في حضنه ويقول:

- مالك يأمه فيه ايه ؟ ايه اللي تاعبك قوليلي؟

- يابني مزار في حلقي من شهوًر .. نفسي اشوف اختك بطة واطمن عليها ..
وانتم حاطين ايديكم في ميه ساقه ولا على بالكم...

- طب والنبي تهدي .. وربنا يحلها من عنده .. والمصحف الشريف لانزل راس البر وما أرجع إلا ما اعتر عليها .. وكمان بقت اخذك ليها .. بس اهدي وانا اتكك و اشوف هعمل ايه وربنا اكيد هيدلني عليهم، يعني راس البر والا اتينا!!
اللي كانت قدها سبعمية مرة...

- ربنا يجبر بخاطرك يا صا صا يا بن بطنى .. هقولك يا صا صا .. بلاش تروح تلوش في راس البر .. انت تروح لقرايب ميمي في دمياط .. أكيد زارهم وزاروه وأكيد عارفين مكانه.

يقفز صا صا فرحاً بالفكرة وبصوت مُرتفع:

- يا سلام ع الدماغ التمرية والسمنية وحب العزيز .. هو ده الطريق السهل فعلاً

وربنا المعبود .. ازاي دماغي ماجبتش الفكره ديت .. يا حلاوتك يا ام صاصا ..
هأني بقت بوسه من خد الجميل يا حلاوة...

- بس بقي بلاش بكش ياوله .. فكرنتي بخد الجميل .. حلاوه نيفه تعالى دوق،
مصاصة يا عسلية.

- لحقتي تنسي " زبدة وجبنة و عجوة يا غني يا رب ..."

- بورسعيد وحشائي يا صاصا قوي .. نفسي اروح بيتي (بكاء حار) .. وربنا ده
حرام .. الغاليين علينا مش عارفين نشوفهم...

- يامه حرام عليكى نفسك .. بطة اختي .. ويومين تكون في حضنك وربنا
يقويني .. أما بورسعيد عايزه تصريح م الجيش .. وسبب الزيارة وحدوته كبيرة..
دا حتى المستبقين هناك برضك شوفت ليهم كارنيهات ميقدروش يدخلوها من
غيرها .. ربنا يقرب البعيد يامه.

- يارب يا بني .. ويهد الإسرائيليين هدة قوية من عنده .. وينصر عبد الناصر
عليهم قادر يا كريم.

شهور مضت على وفاة زوجة الشيخ طه وأم سو كينة زوجة العربي، كان لأم
الكوز بصمة التخفيف على أسرتها من أوجاع الفراق التي ألمت بهم، ساعدتها في
ذلك سو كينة، التي كانت توزع وقتها ومجهودها بين منزل حماتها ومنزل أبيها.

انتَهزت أم العربي (الكوز سابقًا)، كل الفرص في أداء الواجب تجاه أسرة الشيخ طه، والتي شعرت معهم أنهم ينتمون إليها، وهذا شجّع سو كينة للحوار معها:

- جزاكي الله خيرًا يا أمي .. على ما قدمت يداك من أعمال كلها خير ومودة تجاه أبي وأخوتي، وللحق أقول.....
أم العربي منفعلة ومقاطعة:

- انتي يابت هتخطبي؟! ارحميني بقت من النحوي بتاعك ده .. ولا تقولي الحق ولا المستحق .. عايزه تقولي حاجه ادخلي على طول من غير ماتسمي .. انتي عايزه مرارة فيل وأنا يدوبك مرارة غزال صغنون هيئ هيئ هيئ (ضحكة ضفدعه شافت رجليها ناشفة).
سو كينة تجاملها وتضحك:

- كخ كخ كخ .. ورب العزة انتي غزال فعلاً.. وروحك بريئة زي كروان ترعة البلد كخ كخ كخ...
أم العربي بسعادة:

- يا بت ما انتي بتعرفي تألّسي أهو .. خوشي بقى في الموضوع جعزتيني على نفسي.

بصوت هادي حذر جدا:

- أبي الشيخ طه يريدك زوجة له.

- (صرخة) يالهوي عليك يا فقيرة.. قولى تانى كده؟

- اقول ان أبي يريدك زوجة مباركة له يجمعكم الله في الخير .. ما رأيك يا

عروس وزوجة أبي وأم طيبة لنا؟

تاھت أم الكوز وبهدوء الحالمة:

- قولتي عروسة؟.. كخ كخ كخ...

طرق شديد على الباب تصرخ أم العربي:

- مين الاهل اللي بيخبط كده؟ .. هو انت بتخبط على زريبة يا وله.

الطارق:

- أنا العربي يامه ... افتحي بسرعة... جاي اجازه قصيرة... هتخلص على ما

تنمخطري.

أم الكوز تقفز فرحة وتصرخ:

- يا حبيبي يا عربي يا ضنايا .. (ثم تهمس لسوكينة):

كتمي ع الموضوع دلوقتي .. اوعي تتسجري وتفتحيه قدام العربي احسن يطلقك

سبع طلاقات .. ويخلي عيشتي طين.. وابقى عانس زيك وانا لسه في عز شبلي

هيى هيى هيى...

الفصل الثامن



المذيع:

- أيها الإخوة المواطنون .. السيد /أنور السادات نائب رئيس الجمهورية يتحدث إليكم .

أنور السادات في صوت مكلوم هادئ:

فقدت الجمهورية العربية المتحدة والأمة العربية والإنسانية كلها رجالاً من أغنى الرجال، رجالاً من أغلى الرجال ومن أشجع الرجال وأخلص الرجال... هو الرئيس جمال عبد الناصر، الذي جاد بأنفاسه الأخيرة في الساعة السادسة والربع من مساء اليوم الإثنين السابع والعشرين من شهر رجب لعام ١٣٩٠، الموافق الثامن والعشرين من شهر سبتمبر لعام ١٩٧٠.

ليس هناك كلمات تكفي عزاء في جمال عبد الناصر، إن الشيء الوحيد الذي يمكن أن يفِي بحقه وبقدره، هو أن تقف الأمة العربية الآن كلها وقفة صامدة، شُجاعة قادرة، حتى تحقق النصر الذي عاش واستشهد من أجله ابن مصر العظيم

وبطل هذه الأمة ورجلها وقائدها.

" يَا أَيَّتُهَا النَّفْسُ الْمُطْمَئِنَّةُ ارْجِعِي إِلَىٰ رَبِّكِ رَاضِيَةً مَّرْضِيَّةً فَادْخُلِي فِي عِبَادِي وَادْخُلِي جَنَّاتِي " صدق الله العظيم.

بكت جدران منازل المهجرين في كل مدن شتات هجرتهم الأليمة، يوم الإثنين الحزين عليهم دون استثناء، صرخ الأطفال قبل الكبار على رجلٍ كانوا جميعاً يعتبرونه الأب لهم ولمدينتهم، والذي كان حريصاً كل عام على مشاركتهم احتفال عيد النصر، الذي اعتبره عيد قومي للمدينة وعيد لكل مصر.

صرخات تهز كل الشرفات والشوارع فور البيان الحزين، بفقد أب حنون، عاش في وجدانهم منذ العدوان الثلاثي الغاشم على مدينتهم، التي شهدت إعمار في كل شبر فيها بعد انتهاء الحرب لن تشهده حتى زوال أجيال مهما كان تعاقبها، تحمّل شعب المدينة المحن منذ النكسة، يليها التهجير القسري، وأنت فجيعة فقدانه لتقضي على ما تبقى فيهم من صبر وعزيمة، فانهارت القلوب تذرف الدموع على هذا الزعيم الذي لن يتكرر، ولن يأتي التاريخ بمثله يذكر مدينتهم في خطاباته، ويُمجّد بطولات أهلها، ومن وجهة نظرهم لن تأتي مصر لمدة قرون قادمة في تاريخها وتاريخ الأمة العربية قاطبة ولن تجود بمثله زعيماً.

باتوا جميعاً ليلة حزن وألم، أغلبهم ما استطاع غلق جفونه انتظاراً للغد لمشاهدة جنازة الوداع، يومٌ توقفت فيه الحياة في أنحاء البلاد، برغم أن القاهرة هي مكان

تشبييع الجثمان وسفر أتوبيسات من مدن التهجير المختلفة تحمل البعض، إلا أن البعض الآخر في كل مدينة أتوا بنعوش فارغة كرمز، وساروا في جنازات مهيبة نساءً ورجالاً وأطفالاً، ينادون من قلوبهم الدامية تعقبها صراخ حناجر النساء الملتهبة ودموع الرجال الساخنة قائلين في ندائهم:

تسعة وعشرة أيديناك ... ليلة الإسراء ودّعناك

الوداع يا جمال يا حبيب الملايين الوداع

في هذا المشهد حالك السواد، السيدات وقد انتشحن بالسواد، يرددون كلمات تعبر عما يعتل في صدورهم من طعنات لفراق الزعيم ناصر.

أبونا مات ... أبو خالد مات ... يا حبيبينا ... ليه سايبنا

مر عامان على التهجير الإجباري بالقرار الجمهوري لأهالي المدينة وإخلائها، للكثير هُجّروا وللقليل أُسبِقوا فيها بعد تهجير عائلاتهم، يحصلون كل شهر على إجازة ٥ ايام، يسافرون فيها حيث إقامة عائلاتهم، والـ ٥ ايام الأخرى متواجدين في المدينة كلاً في عمله، ولنتظاره للغارات الجوية الإسرائيلية التي ما انقطعت فوق رموسهم مهددة لحياتهم كل ثانية، فنقدان عائل الأسرة نصف شهر من كل شهر، صنع بعض للتفكك والانحلال، يصل إلى سلوكيات بغیضة بين صفوف

للمُهَجَّرِينَ المستقبلي عائلهم في المدينة، وزاد من عبء المرأة للبورسعيدية في تربية أولادها وحدها في غياب الأب، الذي يأتي ضيفاً على أسرته، وسرعان ما تنتهي إجازته ويرحل عائداً إلى بورسعيد.

فقد الكثير من المُهَجَّرِينَ الأمل في العودة، فبدأ معظمهم التآقلم في معيشتهم، لدرجة أن بعضهم حاول إتقان لهجة مدينة المَهْجَر، حتى لا يبدو غريباً أثناء الحديث مع مواطنيها، وبحث معظمهم عن عمل لمواجهة أعباء الحياة في مدن هجرتهم، ساعدت الأمهات بالكثير في تحمل أعباء المعيشة في أعمال من منازلهم، كتربية الدواجن فوق سطوح العشش، وفي حدائق المنازل خاصة في مدينة رأس البر، وتنتشر هذه الظاهرة فتري أن البط يسعى بحرية في كل أنحاء المدينة التي أطلقوا عليها "رأس البط".

تزداد للزيجات، وهذا أمر طبيعي بعد إطالة أمد للتهجير، فنجد من لقتن بزوجة من لبناء بورسعيد للمُهَجَّرِينَ وللزوج من مدينة إقامة للمُهَجَّرِينَ والعكس، لقتن مَهْجَر بورسعيدى بزوجة موطنها مدينة للتهجير، هذا أدى إلى أن اختلطت العادات والتقاليد وأيضاً اللهجات، وظهر هذا جلياً فيمن كانت هجرتهم في الدلتا والصعيد، ليتضح أثر ذلك عند عودتهم إن لم يكن فيهم من قرّر الإقامة الأبدية في مدينة أو قرية هجرته وألا يعود إذا كانت هناك عودة.

حاجة بعض العائلات لمورد رزق يُعينهم على الحياة وتكاليفها، حيث معونات الشئون الاجتماعية الشهرية التي لا تكفيهم مع الذل المبين حين الصرف، جعلتهم لا يهتمون بالتعليم كما يجب، وأثر البعض الاكتفاء بالمؤهلات المتوسطة لأبنائهم وأنهم على ذلك مُجبرين، أما من تحامل على احتياجاته بالحرمان، فلح في تعليم أبنائه خير تعليم، في حين الطبقة الوسطى اهتمت بتعليم أولادها بشكل جيد وانتهزت فرصة بعض استثناءات المُهَجَّرين، فلا علاقة لهم بصرف إعانات الشئون الاجتماعية وذل النفس والقهر لها.

اختيار أم الكوز موطن أجدادها والعائلة عامةً، لتكون لها إقامة في التهجير، خَفَّت عنها بعض من أوجاع الغربة عن مدينة البهجة والجمال، خاصةً المعيشة في كنف أهل يتصفون بالجود والكرم جعل كلمة ضائقة وعوز ليست في قاموس معيشتها.

الدنيا لا تساع فرحتها بقاء ولدها العربي المُجَنَّد، والذي حصل على إجازة ثلاثة أيام تكررت كل شهر تقريباً، سرعان ما تنتهي سويساتها التي يقضيها مع أمه وزوجته وطفله روءه الذي أصبح يحاوره ويجادله ويسعده حين يستمع إليه وهو يتلو عليه قصار سور القرآن الكريم، فالأم سو كينة والجد لأمه الشيخ طه.

جلس العربي في حُصْن أمه، التي تعمل كل ما في وسعها في تلبية احتياجاته
دون طلب منه.

- وحشاني والله يأمه ... ياااااه بالليل وانا واقف خدمة في الكتبية اسرح فيكم
واقول امتى الحرب تخلص واجي اقعد وسطيكم وأربي ابني ... ياااااه يأمه لو
تشوفينا في التدريب نصعب على الكافر .. حتى الطباط طالع عندهم زينا عشان
نُغَبِّر ونحرر أرضنا اللي سرقوها منّا ولاد (....) على سهوه ... وراحت منّا
قضا .. وربنا المعبود نفسي اروح امسك أي عسكري اسرائيلي من زمارة رقبتة
وما أسببها إلا لما تصفّر زي القطر لما يدخل المحطة .. نسيت اقولك يأمه .. انا
اترقيت وبقيت " أومباشه " قد الدنيا، بس برضك بطلع خدمة .. حاجة تجن
الجن.

- فضفض لامك يا عربي .. بحبح وقول اللي في صدرك بدل بعد الشر ماتطق
وتجبلك سكتة .. عارف يا وله ياعربي .. انا حاسه ان الجيش غيرك وبقيت حنة
سمنية على قرطاس تمرية .. تصدّق نفسي فيهم أكلبني بتوحم .. آه فكرتني
صحيح مش مراتك عايزاني أوافق انا اتجوز ابوها عمك الشيخ طه .. عشان
اني وحدانية وهو وحداني .. قولتلها اوعي تجيبي سيرة للعربي أحسن يسود
عشنا .. أتايرها البت السهون راحت قتنت وقتشت السر.

العربي فهم ميول أمه نحو الموافقة وبهدوء: طّب انتي رأيك ايه يا وحدانية؟..

سووكا ماتخبيش عليا حاجة .. وفتنت لي وعائزاني أوافق .. وقالنتلي انك قايمة
معاهم بالواجب من مجاميعه بتشكر فيكى...

- الله يحرقك يا سووكة .. بقي كده تجرّسيني يا بنت الشيخ المكرمش!! .. أما
اشوقك هوّلع فيكي بجاز وسخ.

- يامّه على مهلك .. قوليلي بقت انتي عايزه ايه .. والله عايزك مبسوطه .. يلا
قولي بقت.

صمت وخجل منها طبعي ومُصْطَنع ونظرة بعيدة عن العربي.
العربي لم يفهم كعاداته:

- ما تقولي رأيك بقت يامّه.

- ياوله ماني ساكنه اهو .. ماتحرجنيش بقت يخيّك يا عربي.

- خلاص يا عروسة اكلم اخويا روءه في التلفون واقوله ... وكمأن اروح ازور
خالي يونس ربنا يشفيه ويرجّعه عقله بعد اللي حصل له في اليمن .. يمكن يفوق
على جسّك.

- إلهي يستر عرضك زي ما هتسترنني وابقى جوزة بدل ما ابقى وحدانية .. هي
هي (ضحكة ضفدة تقفز أول مرة في بركة مية).

العربي رآها طفلة لأول مرة، بحنان يُطَبِّط عليها ويقول:

- وربنا انتي ست أنتيكا .. كنت فاكرك ملووعة وبورم طلعتي خورءة مبلولة هاها.

- خلاص يا وله .. بس والمصحف اني ما ناسية المرحوم ابوك وتمرت قِيَا
العشرة ودلعه لَيَا اللي كان بالهبل .. بس بقت عشان دخلتي على بيت الشيخ
كثير .. خايفه الناس تجيب في سيرتي.
العربي فهم هذه المرة وقال في استنهال:
- قطع لسان اللي يجيب سيرتك في حاجه وحشه يا نواره.. هقوم بقت اروح
اعمل اللي فطمتك عليه.

أم صا صا تغيرت نفسييتها تماما للأفضل، بعدما نفذ صا صا وعده لها في
العثور على أسرة وحيدتها الحبيبة "بطة"، وتبادل الزيارات، وما مرَّ شهر إلا
ويلتقيان، يعوضان بعض مشاعر الاشتياق الكامن في قلوبهما، بعدما كان
يجمعهما منزل واحد في مدينة النفوس الطيبة، هذه المرة بطة في زيارة أمها
حيث إقامتها منذ التَّهجير في منزل ليزا بالأسكندرية، والفرحة بوجود بطة
والرزه الابن خفيف الظل، والذي أصبح طالبًا بالمرحلة الإعدادية، مع الصغيرة
"روحية" ابنتها، وانشغال ميمي بعمله في دمياط.
ليزا في سعادة بالغة تقول:

- وحشائي كثير يا بطتي .. وانت يا رزه.. فاكرك لما كنت اقول عليك "بورزه" هيى
هيى .. بعد إذن مامي صا صي ننزل اخر النهار نروح منشية ومحطة رمل

وتدخل سينما.. ليز عرفت يا بطة كل اسكندرية حتى عمود السواري في كوم
شوكافة.

أم صاصا سعيدة بالآلفة بين ابنتها بطة وليزا زوجة وحيدها صاصا، تنظر بحب
نحو ليزا:

- صحيح يا ليزا عشان يا بنتي صاصا مشغول في مطعم السمك .. ربنا يوسع
عليكوا ... البركه فيكي بقت تعملي الواجب مع بطة مكانه .. وانا والله على عيني
انتو عارفين الروماتيزم الحمد لله شل حركتي.

- ربنا يشفيكي يأمه .

- اروح اجيب كريم ادهن لك مامي صاصي.

- ربنا يخليكوا ليا حبايبي... مش حاسه بوجع في رجليا لما بشوفكم قصاد عينيا.

- قومي بطة معايا مطبخ نعمل غدا قبل صاصي وبابي يوصلوا، انا عامله
كوارع وكرشه بحمص، مامي صاصا علمت انا أكل ده، انا بقيت مصري يا بطة
خالص وممكن اتكلم كلام اسكندراني واقول أيوووووه يا جدعان.

ضحكة رنانة انطلقت من بطة وضحكة من القلب والروح لأم صاصا.

يأتي شهر رمضان الكريم هذا للعام نهاية شهر نوفمبر، لتزداد قسوة أيامه

على المهجرين الذين تركوا عادات تميزوا بها في مدينتهم، وكانت لهم متعة

الاحتفال بقدمه، يستعدون قبل حلوله بنحو للشهر، أما الآن ما شعروا بدليلته ولا

حتى استعوا له كما كانوا من قبل.

مدينة رأس البر الوحيدة دون باقي مدن مصر، التي حافظت نوعًا ما على تلك العادات، كونها تضم البورسعيدية في حضن عششها الأنيقة التي ترقى إلى مسمى فيلات، أهم هذه العادات فطور اليوم الأول ذكر البط المحشي بالمرقة مع صينية " الأممة "، أو "الجالش" حسب مُسمى كل أسرة، لكن يبقى ذكر البط عريس المائدة المُنتظرة انطلاق آذان المغرب، والأمر هنا سهل وغير مُكلف للجميع، فأصبحت البيوت تُضج بصوت البط القابع للتربية في المنازل، فلا غرابة أن تسمى "رأس البط".

ضمن هذه العائلات المحظوظة، كانت أسرة ميمي "أبو الرزة وروحية"، وزوج بطة الزوجة الحنون ست البيت تربية أم صاصا خلقًا وعملاً، أعدت مائدة رمضان كما كانت تفعل في منزل أم صاصا في الشارع الطيب بالمدينة الطيبة وتقول لمن حولها أثناء الفطار:

- كل سنه وانت طيب يا ميمي .. بعودة الأيام .. وربنا يفتح عليك من خيره ويسترك ويديك الصحه ياخويا .. وتشوف اولادك احسن عيال في الدنيا.

- وانتى بخير وصحه يا وردة حياتنا .. وربنا ما يحرمانا منك ولا من عماليك ..

بس ايه الحلاوه دي والطعامه دي .. عاشت ايديكي يا بطتي .. دا انتى غلبتي امك في الطبخ...

- فشر ام صاصا محدش يغلبها ابدًا.. يا ترى عامله ايه يامّه دلوقتى .. ابقى ياخويا قدّم لنا علي تليفون نكلّمهم .. انت ما بتمدش ايدك ع البطليه يا رزه يا حبيبي؟ مش عاجبك الأكل!!.. دانت يا روي صايم طول النهار .. خد الفخد ده انت بتحب الفخد ... يلا يا رزه بقيت راجل.

الرزّه بانفعال:

- كفايه بقى يا ماما .. معنتيش تقوليلي رزه تاني لو سمحتي .. العيال في شارع ٥٣ قعدوا يألّسوا عليا .. ويقولوا انت بقت رزه ولما تستوي تبقى "حكاكه" في قعر الحله .. أو تشيط ونحط تحتك شياطه .. بقيت مألّسه بينهم .. دا انا حتى نسيت اسمي الحقيقي (بيكي بمرارة).

ميمي لم يُقدّر مشاعر ولده عندما تتابز باللقب أقرانه وقال:

- طب روّق بقى يا عم الرز والعدس ها ها ها ...

- ماشي .. والله ما اني أكل .. شبعنا خلاص .. خلاص خلاص...

تتفعل بطه ونقول لميمي:

- خلاص .. بكده مبسوط عكنتت عليه في يوم مفترج زي دوت .. كمل انت فطارك وانا هروح اصالحه .. (تنادي على ولدها) .. زكريا يا زكريا يا زيكو .. تعالي يا احلى زكريا في الدنيا .. وآلا اقولك .. خليك يا ابو الزيك نجيب الأكل عندك في الفسّحه .. نفطر ونتفرج على الفوازير مع بعض.

ميمي في سُخرية:

- أبو الزيك؟ .. اه الزيك الرومي ها هاااه .. أو الزيك الشرکسي..(وأخذ يغني)..
الزيك بيدن كوكو كوكو في الفجریة .. يالّا بينا على باب الله يا صنايعية .. دلّعي
ابنك وبوظيه يا بهيه ها ها هاااو...

باقي المَهجَرين في ربوع المدن والقرى المنتشرة في الدلتا والصعيد الأمر
يختلف، إمّا لضيق ذات اليد أو ليس هناك تشجيع على إتمام هذه العادة والبيوت
فرادى، فتتأسوا عاداتهم وتقبّلوا دون دراية بعادات المدن المقيمين فيها.
ويبقى الحلم قائماً ليس في ذكر البط فحسب، لكن في عرقسوس عيسى
ومخلل شارع الدقهليه وكسرى، جنبه وزيتون العيسوي في الروضة، ووحوي يا
وحوي، والفانوس اللي معلق بالتراسينة، سبيل الميه على أورنة الشارع، الكحك
المضفر ومتغطي بالسّمسم في فرن الحميدي وشارع المنيا، صواني القطايف
والكُنافَة ولُقمة القاضي في كل شارع، ومدفع رمضان قدام جامع صالح سليم،
وكوريا المسحراتي، صلاة التراويح في الجامع العباسي، صلاة الفجر في جامع
بورفواد الكبير .

**كل من قضى رمضان خارج للمدينة هاجر واغترب عنها، عاش طقوسها
برغم ألم البعاد ومرارة الغربة، فهي مدينة عاشت فيهم وامتلكت جوارحهم، ولم**

يستطع للزمان ولا المكان أن يمحو طعم نكريات صنعت من خد الجميل
والحلاوة النيفة وكذلك من "الزبدة والجبنة والمعجوة" يا غني يارب.

الفصل التاسع



أحبَّ العربي "الكوز" أن يتخلّى عن أنانيّته تجاه أمه، ويعوضها بعض من معاناتها التي استمرّت نحو العشرين عامًا فيها مرارة الوحدة، هذا الشعور بدا يترسّخ فيه بعدما تزوّج، وازداد ترسّخه حين أنجب ولده الأول، هنا أيقن معنى وقيمة الوالدين، فهي كانت له الأب والأم معًا بعدما ترمّلت، هاتف أخيه الأكبر فاروق بضرورة موافقته على زواج أمهما بالشيخ طه، كجزء يسير من ردّ الجميل لها، وأبلغه بأن عليه الحضور فورًا لإتمام الزواج، وهو في أجازة باقي عليها ٢٤ ساعة بحسابات جيشنا الصامد والمنتظر لحظة الخلاص والأخذ بالثأر.

توجه العربي بصحبة سوكينة وابنهما إلى زوج الأم المنتظر يوصيه بأمه خيرا وقال :

- شوف يا عم الشيخ طه .. انا عارف انك راجل بتعرف ربنا .. بس ساعات ليك شطحات تجن الجن .. عشان كده جايلك اقولك تحط أمي في عينيك .. وان زعلتها

هنط في كرشك .. متزعش من كلامي .. انا عارفها هبوشه وساعات عصبية بس
جواها عيله صغته عندها اربع خمس سنين .. واسأل سوكا بنتك عليها اللي
عرفت طباعها ويتلاعها ع الشناكل.

سوكينه وأبيها يضحكان، ثم يبدأ الشيخ طه بسم الله ليتحدث:

- الحقيقة يا عربي يا ولدي انا.....

يقاطعه العربي بحدة ويقول :

- ثابت .. انا لسه مخلصتش كلامي يا شيخنا، اتعلم بقي الاتضباط.

الشيخ طه في غرابة:

- ثابت ايه واتضباط ايه يا بني .. انت فاكِر نفسك في الكتيبة؟ .. ومع ذلك اتفضل

يا عمي العربي هبى هبى هبىو...

العربي بجدية غير مُهتم بما سمع وأردف يقول:

- انت عارف انا وأخويا ملناش غيرها.. يعني اللي بييجي عليها اشرحه .. لو

شايف نفسك قادر تخلبها مبسوطه وتتحملها قولي نقرا الفاتحه .. ولما بييجي

الباشمهندز فاروق تقرا معاه فاتحة تاتيه عشان يمكن ملحقش اشوفه وانا مسافر

زي ما انت عارف .. قلت ايه يا عم الشيخ؟

- الله المستعان .. ربي أعلم كم كنت ومازلت أكن لها مودة ومشاعر ما بعدها ..

وانت تذكر هذا جيدا ونحن في حبيبتنا بورسعيد .. وسبق لي ان طلبتها منك لكنك

كنت ولد علق ودفعت بي في بالوعة الصرف الصحي .. ولازالت الرائحة تملأ
أحشائي.

- كفايه بقت حفر في اللي فات .. ويلا على بركة الله نقرا الفاتحة .. بِسْمِ الله
الرحمن الرحيم.....

عرج العربي وأسرته الصغيرة الجميلة على منزل خالته ليقدم لها الشكر عمّا
تفعله تجاه أهل بيته .. وانتهازها فرصة لتدعيمها أمه فيما هي مُقبلة عليه ..
أحضان وقبلات للجميع:

- وحشائي والله يا خالتي .. اعذريني الجيش مروق عليا من كله .. ازيك يا
دكتور؟ هو انت بقيت مُجند برضك؟

- الله يسلم عُمرُك يا عربي ابن الغاليه خالتي .. فعلا انا بقيت ظابط طبيب
احتياطي في السرية الطبية في الدفرسوار .. قريه جنب اسماعيليه.

- يا دين النبي ما أنا برضك هناك في كتيبة المشاة .. يلا بقت يا عم بقينا جيران
ها ها .. انا مسافر الفجر الاجازه اتفرمت في ثواني.

الخاله هاتم وقد أسرع بتحضير الطعام حسب المتوفر منه والخير كثير:

- يلا بِسْمِ الله يا ولاد .. كنت جبتم ثورا معاكم .. يلا هبقى لوديها ناييها .. انا كده
عرفت انها كانت مختفيه عشائك جيت يا عربي.

دار حوار بين الجميع نتائجه دعم هاتم الكامل لشقيقتها نورا أم العربي في زواجها من الشيخ طه، وانصرف العربي سعيدًا بما حققه وعائدًا لأمه يبشرها بما فعل وقال مع الشيخ طه وخالته هاتم، وطبع على رأسها قبلة حب وعرفان لما قدّمته له طوال حياته الماضية.

دراسة حروب الاستنزاف لم تتوقف من معارك على طول الجبهة، وفي العمق أيضًا تتفوق جميعها، قولتنا المسلحة التي تطورت بشكل رائع وقدرات في التسليح وبناء حائط الصواريخ والمطارات المُجهزة، منها المطار السري في طريق المنصورة الذي أصبح محطة مواصلات يعرفها الجميع وهي السر المنضوح، انها النوايا الطيبة بلا شك.

مدينة الإسكندرية والتي احتضنت عائلة أم صاصا، حدثت بينها ألفة والعائلة التي بدأت تذوب في المجتمع السكندري جميل الطباع حلو الحديث، القدر لم يُمهّل العائلة أن تستقر وجدانيًا، استيقظ أبو صاصا في فزع وولده وزوجته ليزا على صراخ عميدة المنزل أم صاصا وهي تتلوى أَلْمًا من صدرها وتقول:

- الحقوني يا ولاد... صدري بيتقطع .. مش قادره اخذ نفسي .. بموت يا صاصا.. بموت يا ابو صاصا .. أشهد أن لا إله إلا الله وأشهد أن محمدا رسول الله.

ليزا تصرخ:

- لا مامي بليز.. انتي كويس هتعيش مامي .. احنا من غيرك ولا حاجه خالص...

أسرع صاصا مرتديًا ملابسه وأبوه كذلك، وحملها بعد تغطيتها جيدًا من برد الشتاء القارص، ونزلا بها الى الشارع واستوقفا سيارة أجرة، طلب صاصا من سائقها الذهاب لأقرب مستشفى وهي غائبة عن الوعي.

دموع ساخنة تغطي وجه صاصا وأبيه برغم محاولة كلاً منهما التماسك حتى يستطيعا العناية بالحبيبة، حضر الطبيب في قسم الملاحظة وأمر دخولها العناية المركزة حيث التوقع أنها نبحة صدرية، وعليهم الانتظار حتى الصباح لعمل التحاليل والأشعات المطلوبة وكشف الطبيب المختص، ليس أمامه إلا المحاليل حتى الصباح.

نظرات مميتة في عيون صاصا وأبيه، لا يعبر عمّا في داخلهم إلا سيل من الدموع الجارفة، بينما هما جالسين في منطقة الانتظار، تدخل ليزا مرتجفة وتسال بنَفَس مُجْهِدٍ وَمَنْقَطَعٍ:

- خير صاصا .. قولي بليز مامي مالها؟

- ايه اللي جابك في البرد ده بس يا ليزا .. وجايه كمان ناصر معاك؟

- ينفع أكون في البيت وأنتو هنا ومامي في حاله دي!!؟ .. دكتور قال ايه ؟

- قال حاله كويسه وعائزه راحه شوية (بكاء ونحيب).

ليزا تحتضنه وتبكي معه بكاء مُر:

- انا عارفه حالة دي صعبة.. مش عارف اقول بالعربي.. لكن ربنا كريم .. ان شاء الله تبقى كويسة تيجي للبيت معانا .. بس صاصي حبيبي قول يا رب.

أشرقت الشمس والضوء منها خافت، فهي شمس الشتاء والحزن يملؤها على سيدة القلوب الراقدة في غيوبتها، لا تدري أثر ما أصاب القلوب والنفوس حولها، إنها كيان لم يهزه حدث، القلوب حولها تنن، وما أتى إلى خيالها من قبل أن هذا الجبل الشامخ يسقط بلا مقدمات.

ليزا أسرع نحو السنترال، تطلب بطة ابنة الحبيبة أم صاصا عن طريق هاتف الجيران، تقول لها كلمات قليلة ثم تقفل الخط حتى لا تسمع بطة نحيبها:

- بطة .. ماما تعبان قوي تعالى.

بطة تصلّبت كل جوارحها، ثم صرخت صرخة مكتومة هزّت كيانها، هزّت إلى عشتها تصرخ في ميمي:

- يلا يا ميمي هات عربية تودينا اسكندرية دلوقتى.. هادخل البس واصحي زكريا تكون جيت .. امي في خطر يا ميمي .. استرها معاها يا رب .. يا حبيبيتي يامه.. صابرة ع اللي فيكي وانت بتمتوتي كل يوم.

وصل الابن الأكبر فاروق من مدينة رأس البر حيث التهجير إلى بيت أمه نورا، ليقف بجوارها داعماً اختيارها بالزواج من الشيخ طه، ويُنفذ رغبة أخيه العربي، الذي غادر إلى الكتيبة المُجنَّد فيها والقريبة من الجبهة مع العدو الصهيوني، التقى وأمه بالقبلات والأحضان مقدماً لها التهنئة مع زوجته "هدى"، التي لم تفارق الابتسامة وجهها المكشوف في تعبيراته الممتلئة بالغرابة وربما الاستهجان من زواج حماتها في هذا العمر، لمحتها نورا مرّات لكن لم تستطع حبس ما في صدرها وقالت بمكر:

- مالك يا هدى .. شايفاكي ياختي مضروبة على قلبك .. ما تزغرطي يا بت ..
انتني جايه فرح مش عزا كفا الله الشر .. والا اقولك خليك في حوستك وقهرتك ..
(ثم نادى) .. تعالي يا بت يا سووكة .. ارقعي كام زغرودة .. وروحي اندهي
بنات البلد يغنوا أغنية مها صبري "كدنا العوازل".

يتدخل فاروق لتطبيب خاطر أمه، وفض المشاحنة التي إن بدأت لن تنتهي:
- يأمه .. هدى تعبانه من السفر يا حبيبتي .. دي أول ما سمعت الخبر كانت
هتومت من الفرحة.

- مش بلين يا روه .. يعني هي كده ميتة؟ ربنا يرحمها .. على رأي المثل
"يامعزة ايه دخلك وسط معيز .. لا فيهم حبيب ليكي ولا عزيز" هيئ هيبى
هيبى .. يلا "لأجل الورد ما كان اللسان سكت واتهد" .. يلا بقى يا سووكة خلينا

نهيص.. (أخذت تصفق وتغني وتتميل)... ياللى ع الترة حود ع المالح ..
ماجاتي النوم من ليلة امبارح.. صقف ياروءه.
فاروق يضحك ملء فيه، ثم يحتضنها وتسقط دمعة وجع على وجع أم، سنين
كانت فيها تؤثره وأخيه على نفسها وإن كان بها خصاصة.
شارك أهل القرية جميعهم نورا والشيخ طه فرحتهم بالطبل والدف وغناء
السيدات والبنات، وتلك كانت ترتيبات العروس بلا خجل، إنه شرع الله فكيف لنا
أن نعترض!!، حتى الخال يونس أتى مسنداً على ولده مهنئاً، وكعادته وضع في
يديها مبلغ من المال يساعدها على معيشتها، بل أثار حماس كل الأقارب أن
يحنوا حذوه، ليدخلوا السعادة على قلب أرملة، ما ذاقها منذ حملت جثة زوجها
الراحل ووارته الثرى بقلب تحجرت فيه العواطف ودفنتها معها، إلا عاطفة
الأمومة التي تزيد مع زيادة عمرها الحزين.

شمس النهار مالت نحو المغيب، ولطالما أشرقت على قلب امرأة دائماً النور
فيه، ما عرفت لون غير الأبيض الشفاف، تُصدّره لكل من حولها، هاهي ترقد
والنور داخلها.

أنت بطة وأسرتها تلهث في طرقات المستشفى، والدموع ما جّفت منذ سماعها
خبر أن أمها في حالة خطيرة، تستقبلها ليزا بحضن دافئ في برد الشتاء، الحضن

بينهما يُعلن أن المعاناة واحدة والألم واحد ومصابهم بلا شك واحد، فهي أم الجميع.

أصرت بطة الدخول لرؤية أمها بالعناية المركزة، انهيارها جعل العطف يخترق قلوب الممرضات وسمحوا لها بالدخول دقائق، وجدت الجبل بلا حراك والأجهزة الطبية تلف جسدها الذي انهكته السنين بصبر وثبات، ازدادت حالتها انهياراً، فأخرجوها من العنبر وهي تصرخ فيهم:

- سبوني يا ناس انام جنبها .. حبيبة عمري بتروح مني .. سبوني الله يخليكم اشبع منها ... (ذهب الجميع إليها يحدثونها عن الصبر والدعاء والتقاؤل بأن القادم فيه تحسن لحالتها).

مرّت ساعات قليلة بطيئة كما الدهر حين ينتظره من لا حيلة له، شعر الجميع أن هناك حركة غير عادية داخل غرفة العناية المركزة، كل أفراد عائلة أم صاصا يقتربون من باب الغرفة، والقلوب تتصارع دقائقها في جنون إلى أن يأتيهم الخبر . وفاة الغالية أسرة القلوب " أم صاصا " .

مات للحنان ووقف تنقلاً .. ماتت من أعطتها الإنسانية توكيلاً لرعاية الإنسان من حولها .. غابت شمس الحب .. ماتت لم لبناء شوارع نبيل منصور والدقهلية والغوري وشوارع الحميدي والتلاتيني ولوجينا، وتمتد أمومتها إلى شوارع الجمهورية والعروبة والترسانة بيورفولاد وكل شبر في المدينة .. بل ماتت للمدينة

ولم تعد تتحمل رؤية وجوه تغيّرت حلو للملامح فيها، ولم تقوَ على سماع عواء
بعدها كانت زلزلة ومواء...

آخر كلامها نطق الشهادتين، ودّعت دنيا اكتظت بالقبح وبالعش والتناحر في
تفاهات الأمور، وداعا طيبة القلوب الموجوعة، وداعًا أم صا صا .. أمي وأُمكم
جميعًا.

الفصل العاشر



العروس (أم العربي الكوز)، شعرت أن العقل ذهب عنها وطار بلا عودة، فكيف لها أن تتزوج بعد هذا العمر، ومن أين أنتها تلك الجراءة، فجرأتها دائماً أقوال لا أفعال، تعود سريعاً تطبّط على ذاتها المضطربة محدّثة نفسها:

- ما انتي عملتي اللي عليكي يا نورا ... هو يعني انتي عملتي حاجة غلط؟! .. ده جواز يا بت ... وأهو راجل غلبان تلميه ويلمك تبقي عكازه .. ويبقى معاكي نفس تسمعيه .. تظمني شوية بدل ما تقеди تكلمي نفسك وتتهبلي وتروحي ع الخانكة.. وبعدين يا عيني عليه وهو بيمضي ع القسيمة نطت من عينيه الدموع انا بس اللي شوفتها.. مسحها بكم العباية بسرعة اللئيم قبل ما حد يشوفه.. فوقي يا نورا بقيتي جوزة وليكي جوز وهتسمعي منه كلام من زمان ما سمعته... وهو اسم النبي حارسه لسانه نحوي يهز الحيلة... باين الحيلة وقعت على دماغك يا نورا هيئ هيئ هئو.

تسمع دبيب خطوات الشيخ طه، الحافظ للطريق بعدد الخطوات ولمسات اليد

دخل الغرفة قائلاً:

- سلام الله عليكم يا زوجتنا الغالية.

نورا ترد بصوت منخفض متأني:

- عليكم السلام يا سيدنا الشيخ.

- زيجة مباركة بإذن الله .. كم للحياة من أطراف يصعب علينا الإمساك بها .. إلا

أنني أحاول .. وأحياناً افشل فيها .. إلا أنني هذه المرة حققت نجاح عوضني عما

فشلت فيه من قبل وما أكثره و ...

تقاطعه أم العربي بعد زفرة طويلة:

- خف شوية عليا يا طه ... وكلمني على قدي من غير ما توهني عشان أنا تاليه

لوحدي وحياة ابوك.

- ها ها ها .. عندك حق يا نورة حياتي ... أقولك سر؟ .. كاد شوقي يقتلني وإنني

له قاتلاً.

تصرخ نورا وتتدفع مع الحسرة:

- يا لهوي مين شوقي ده اللي هيقولك .. قولي عليه فين وانا اروح أولع فيه .. هو

فاكر ان ملكش أهل .. وحياة ربنا أولع فيه بجاز .. قول يا اخويا السر اللي في

قلبك وما تخافش .. فيه ايه يا راجل عمال تضحك وهتموت أجبيالك ميه .. اهدا

السر الإلهي هيطلع .. يادي المصيبة يا راجل اهدا وبطل ضحك وفهمني.

الشيخ طه يحاول التماسك وبكلمات مُنقطعة:

- يا نورا بقولك شوقي .. يعني مشتاق لك وأحن إليك وأريدك.

بصوت عالي مخنوق:

- يا نصيبيتي السودا واللي جراك يا نورا .. اتجوزتي واحد هتبقى على ايده خلل

و تربنتينه .. يا راجل لسه قايله لك ارحمني وكلامك المعوج ده .. شكلى كده

مش هاطول في الجوازة دي يا طه.

يضحك ويحاول إرضائها:

- خلاص خلاص حقك عليا يا شمعة حياتي .. دانا ما صدقت يا نواراة قلب طه

وسراجة ولمبة جازه ها ها ها .. تعالي جنبني يا عروس.

- اتلم شوية ده انت لسه روحك كانت بتطلع وانت بتضحك عليا .. بعد الشر

عليك يا طه.

الشيخ بنعومة:

- قربي لي قربي .. يا من أتيتي لي بعد ما الحياة جفّت وأدارت لي ظهرها

وولت.

- ربنا يجعل حياتنا طرية وما تتشف ابدًا قادر يا كريم .. هات ايدك على مهالك ..

متبقاش شقي قوي كده يا طه .. كلامك دوخني ياااه .. انت حنين قوي يا طه

(صرخة مع حسرة) يا لهوووووي .. وقعت يا اخويا يا حوستي السودا ..
سلامتك الف سلامة.

الشيخ طه سقط من فوق السرير، ماسكاً ذراعه الأيمن ويئن، مع شعور بآلم
فظيع في ذراعه والذي بدا أنه قد كُسر من أثر السقوط .. كلما اقتربت منه نورا
لتساعده على النهوض يزداد الألم حتى صرخ وقال:

- الظاهر دراعي انكسر يا نورا.. مش متحمل .. يلا وديني على الوحدة الصحية
بسرعة..

نورا بصوت باكي:

حاضر يا طه سلامتك يا اخويا يا ريتتي كنت انا .. الناس دلوقتي هاتقول جوازة
فقر .. ينعل ابوهم كلهم .. قوم يا طه على مهالك .. والي يقول يتفلق نصين

أخذت نورا تتادي على بنات الشيخ طه يرافقونها للوحدة الصحية بقريتهم،
وأخذت تصرخ فيهم حتى خرجن لها مُسرعات.

- تعالوا معايا نشوف أبوكم ... باين عليه ذراعه انكسر لما أتخط في الباب ..
قلت له ما يسبش العكاز من ايده .. ركب دماغه وأدى آخرتها .. باين أخذ عين
من حد من اللي كانوا قاعدين .. مستكترين عليه الجوازة .. جوازة الهنا...

انقسم البنات وأبيهم الذي مازال يتألم، فهو ينظر إليهم بحنان رغم الوجع...

البنات في شك لما روته زوجة أبيهم، وكلُّ منهن تتصور ما حدث لأبيها حسب الخيال والنية، جميعهن يكتمن ضحكة ان صرّحن بها لأزعجت صمت الليل النائم.

لمحت نورا ما يحدث منهن وقالت في عصبية مصحوبة بالحرج المستخبي:
- لمي نفسك يا بت يا هبله انتي وهي .. استنوا عليا بس بعد ما نطمن على أبوكم واعرفكم مقامكم .. اللي ما شفت واحدة فيكم مجعوزة على ابوها .. بنات عرة مبيطمرش فيها التربية .. تعالي يا مزغودة منك ليها استنوا أبوكم م الناحية الثانية...

البنات فعلمن ما أمرن به، ومازالت الضحكات محبوسة داخل الحلق، بينما أبيهم المصاب أخذ جانب الحياد، وأحيانًا عدم الفهم، حتى وصل الجميع إلى الوحدة الصحية، وتم تجبيس الذراع الأيمن للشيخ، مع ترديد العروس ليلة زفافها رواية أن العريس قد اصطدم بباب الغرفة.

خَيِّمت الأحزان ... وانتشحت أيام أحبة أم صا صا بالسواد ... كل أقوالها وأفعالها يسمعها ويراهها كل منهم ... حتى الصغيرة روحية حفيدتها تبحث عنها لترتمي وحُسن الجدة الحنون من نظراتها وقبالاتها ... الصغيرة لا تعرف معنى الموت الذي يخطف الأحبة دون استئذان ... ليترك للواعي منا سوا طير تدبح

الروح والمشاعر والصغير ... حيرة ونظرات بريئة حزينة شاردة وتسأول يراها
الواعي فتزداد السواطير بالنفس ذبحًا ...

في بيت العزيزة الراحلة أم صاصا، الجميع ينظر مواسيًا نفسه والآخرين،
حتى المرأة الأجنبية يونانية المولد والنشأة " ليزا " زوجة ابنها، تتحرك لخدمة
الجميع وتكتفي بالنظرة والدموع لا تتوقف في مُقْلَتِها، قطع أبو صاصا هذه
المشاهد قاهرة النفوس وقال لابنته بطة وزوجها ميمي:

- كفاية كده يا ميمي خد مراتك وولادك ورّوحوا عشان مصالحك يابني.
تصرخ بطة باكية:

- واسيب امي لوحدها؟ مين يزورها ويونسها في نومتها .. مش كفاية انها مدفونة
في الغربة .. يا حبيبتي يعني لو رجعنا بورسعيد نرجع من غيرك؟ .. هو ينفع
بيتنا هناك من غيرك .. وحشتيني قوي يامّه (بكاء حار) .. محدش حاسس
بحرقه قلبي عليك يا حبيبة قلبي ...

ليزا تحضنها وتبكي معها وتقول:

- اطمني يا بطة .. انا كل جمعة اروح أزور مامي صاصي مع صاصا وبابي
صاصا .. ومعانا ناصر اللي كل ساعة يسألني عليها وانا مش عارف اقول ايه ..

يبص لي ويبيكي وحده حبيبي .. أنا حاسس ببك اختي بطة حبيبي .. لازم تمشي
عشان شغل ميمي جوزك ابو زكريا .. هستاكي حبييتي اي وقت .. بس فيه
أصول انك تروح تشوف بيتك مع جوزك يا حبيبي.

ابتسم صاصا وقال وهو يمسح على رأس أمه الثانية بطة:

- كلام ليز يا بطة بقى كلام ست مصرية عارفة الأصول .. اسمعي كلامها يا
بطة .. ولعلمك لو ام صاصا سامعه كلامنا هتقولك كلامهم صح (وأخذ في البكاء
بصوت مخنوق).

بطة وقفت واضعة رأس شقيقها على صدرها وقالت:

- وحياة النبي ورحمة أمك الغالية تسكت .. أنا هسافر بكرة بعد الظهر لما
ازورها .. بس بقى يا صاصا بلاش عياطك اللي بيدبحني

**لم تكتب فترة الغربة بآلم التهجير ومعالاته لأهاليها، بالاعتراب عن مدينة
الحبهم ولحبوها وما اشتموا بعد غربتهم عنها نسمات حلوة كما تعودوا فيها،
يُسئثنى منهم للمستبقون فيها، للذين اغتربوا عن أسرهم في شتات مدن أخرى
داخل للجمهورية، بل زالت للحياة قسوة وشظف المعيشة مع معظمهم، وقسوة
أكثر للوجع ليلاماً تتمثل في فراق الأحبة أثناء التهجير.**

يأتي على مدينة رأس البر، يوم الجمعة الموافق (١٨ فبراير عام ٧٢) حدث

يهز شوارعها كافة، مخترقاً كل العوائل، إما حزناً على فقدان أحد أبنائها، وقد يكونا شقيقين أو أكثر، أو قريبها أو جار، كلهم من خيرة شباب بورسعيد، جمّعتهم أتوبيس الموت شباب أتوا من رأس البر، ليتحرك بهم الأتوبيس المشووم من مدينة دمياط ، ولبي للموت أن يصلوا إلى القاهرة، حيث يدرسون في مختلف جامعاتها ومعاهدها، ليختطف لروحهم بلا مقدمات غرقاً في "مويس كفر شكر" شديد الدوامة، فيه للموج متلاطم كما للشلال للهاذر، وتختل عجلات الأتوبيس... ويسقط فيه تاركاً للفجيعة التي خلفت مرارة لآل القلوب وذهاب العقول.

هذا الحادث هو الأبرع والأشد وأنكى فيما خلفه من أحزان، عاشت ومازالت تعيش داخل نفوس أهالي الغرقى، وذكريات لن يمحوها زمن إلا بعد رحيل من يتذكر من ذويهم أجمعين، وصل حد الصدمة... الدرجة التي تضع أم تكلّى جثة ابنتها الشابة أمامها وقت تسلّمها، وتبى أن يأخذونها ... لتدفن في مقابر العائلة ببورسعيد بعد استئذان الحاكم العسكري، لدفن جثامين شهداء العلم في مقابر المدينة المكشوفة منذ النكسة، مروراً بأيام حرب الاستنزاف التي طالت سنوات و طال معها الأسى في غربة أهلها، ويترنح أمل العودة فيهم، وها هم يفقدون الغوالي أيام التهجير.

انتفضت كل أجهزة محافظة دمياط انتفاضة تتناسب مع حجم هذا الحدث الجلل، والذي كان له الأثر العظيم في النفوس وحتى الأماكن، من مدخل رأس البر حتى

اللسان وعزبة البرج ومدينة دمياط ومراكزها، بل طار الخبر لكل أنحاء الجمهورية، وقد حضر مُهَجَّرُونَ من كل المحافظات يشاركون أهالي الشباب في مصابهم الأليم.

العوائل جميعها أصابها مرار الحزن القاتم، الذي ما ترك عائلة إلا وقد اخترق قلوب أفرادها، منها عائلات (الأسمر، الإتربي، المصري، شرباص، النشار، صالح، البحراوي، الملط، الحلوجي، سرحان، العجمي، فرج، أبو الغيط، عبيدو، حسن صالح، غويبة، أبوسمرة، عبدالحفيظ، الشبكي، الجريتلي، الدسوقي، العفني، عليوة، الغندور، أبو يوسف، الشيمي، سرحان)..... وغيرهم من عائلات بورسعيدية مكلومة

وأرسلت أجهزة الدولة ممثلها، للمشاركة وعرض المساعدات المادية، والتي مهما بلغت لن تخفف لحظة ألم ذكرى مع كل شاب فقد حياته وهو يسعى لمدينة الألف مئذنة، يرجو العلم لإسعاد ذاته وأهله بينما الموت خاطفًا له منتظرًا.

عاش الناجون من أتوبيس الموت حالة عذاب نفسية، شبيهة بسحب أرواحهم من أجسادهم، فكيف ينسى أحدهم صورة شقيقته التي كان يسحبها للخارج وسط تراحم الجميع على نفس الشباك، للخروج منه والهروب من الموت المُحقق كلما غطس الأتوبيس نحو قاع المياة، والفتاة السمراء التي وقفت جموع الناس أهالي القرية الواقعة على ضفة فرع نهر النيل، وهي مُتمسكة بفرع شجرة متدلي على

صفحة الماء، الكل يصرخ ويُحَمِّسها بقولهم " يلا يا سمرا " أو " اثبتي يا سمرا " والسمراء تقاوم لطمات الماء المُنجرفة بشدة، يساعدها أنها رياضية بكلية التربية الرياضية، لو فُكِّر أحد الأهالي النزول للمساعدة لَمَات غرقاً من شدة التيار، لذا ليس أمامهم إلا تشجيع الفتاة الرياضية السمراء، إلى أن اقتربت من الشط وسحبوها وعاشت عيش الأموات، فما هرب من مُخيلتها لحظات صراع الموت والحياة.

حتى تحرك جنازات شهداء العلم، لم تسلم من غارات طيران العدو الآثم فوق رؤوس المشيعين أثناء تحركهم بسيارات الإسعاف، الحاملة للجثامين من رأس البر حتى مთاهم الأخير بمقابر مدينة بورسعيد المكومة، مما جعل البوليس الحربي يوقف مسيرتهم مرات، حتى تنتهي الغارات الهمجية المتلاحقة، للحفاظ على أرواح أحياء شبه أموات يُشيعون أمواتاً أحياء بأرواحهم، للدفن في مقابر مدينة ماتت.

مرت ثلاثة أعوام ثقيلة، منذ بداية التهجير القسري لأهل مدينة بورسعيد، شهدت فيها مدن الشتات داخل الجمهورية للكثير من المآسي والأحداث المؤلمة، شملت كل المدن بلا استثناء من حواشٍ موجعة تهدد فيها الأسباب، ولكن جمعتها لوقات الغربة عن مدينة الجمال وشوارعها الطيبة بناسها الطيبين.

ما أن جفت دموع بطة ابنة حبيبة الجميع الراحلة "أم صاصا"، إلا وفكرت بجديّة في زيارة نورا "أم العربي" في بلدتهم، التي سمعت منها اسمها قبل التهجير، وتاهت أخبار الجميع عن الجميع ضمن مرارة الشتات، تذكرتها بتشتّم فيها رائحة أم صاصا التي كانت حبيبة وغالية فكان اللقاء بصحبة الزوج الحنون ميمي وابنها الصبي زكريا وطفلتها روحية، أحضان وبكاء وصراخ عندما علمت أم الكوز بوفاة أم صاصا وقالت:

- ادخلوا يا حبايبي يا اللي من ريحة الغالية .. ألف رحمة ونور عليكمي يا ختي وحبيبة قلبي يا ام صاصا، يا ولاد والله انا مش حاسة بروحي ومش مصدقة نفسي .. يا حبايبي .. وربنا خطوة عزيزة يا غالية يا بطة وبنت المرحومة الغالية (تنادي بصوت عالي) .. يّلا يا سوكة .. هاتي روءه وتعالى سلمي على حبيبتك بطة بنت المرحومة ام صاصا.

تدخل سوكينة وقد أصابها الغم حين سمعت كلمة المرحومة، وبعد احتضانها وقبلاتها لبطة قالت:

- لها المغفرة والرحمة وحنان العلى بإذن الله تعالى .. ازي حالك يا اختي بطة الغالية وبنت الغالية أُمّي المغفور لها أم صاصا؟

بطة تدارى ابتسامتها من رد فعل نورا عند حديث سوكينة الفصيح وقالت:

احنا قاعدين في راس البر والحمد لله احسن من غيرنا، بس والله مهما كان مفيش

احسن من بلدنا.

أم الكوز ترحب بميمي : خطوة عزيزة وتسلم ايديك ورجليك يا ميمي يا أصيل
وايه يابني كل اللي انتوا جاييينه ده .. هو احنا اغراب عن بعض؟ دي كفاية اني
شوقتكوا دي عندي بالدنيا وما فيها .. قومي يلا يا سو كينة .. جهزي الغدا
وادبحي احلى حاجة عندنا عشان الغاليين يلا شهلي انتي وأخواتك على
مأبوكم يبجي من صلاة العصر (نظرت نورا لبطة وميمي ثم أردفت قائلة في
حرج)

- اصل انا اتجوزت الشيخ طه ابوهم بعد ما امهم ماتت ... لقيته يا عيني مكسور
الجناح ومالوش أهل وبناته مساكين بعد امهم ... قلت ألمهم واخذ ثوابهم (تجاهلت
دهشة عيون ميمي وبطة) ... وأكملت شبه متماسة .. بس طلع ابن حلال بيحول
يكسب رضايا .. وأهو اخد بحسي بعد ما العربي راح الجيش اللي مش باين له
نهايه .. كل شوية السادات يقول هنحارب ويطلع فنجري بوق .. عشان كده
تلاقي الشيخ طه مفقوع منه ومن كلامه.

بطة أرادت تخفيف الحرج عن نورا (أم الكوز) وقالت:

- على خيرة الله يا خالتي .. طول عمر الشيخ طه طيب وأمير وكان بيجب
أبويا.. وابويا لو عرف هيفرح قوي .. هابقي اقوله في التليفون او لما اروح

ازور أُمي الشهر الجاي (سقطت رغم عنها دموع ساخنة ملأت وجهها في صمت).

أم العربي أخذت تبكي وتضمها لصدرها وتقول:

- كفاية يا بطتي يا حبييتي.. ادعيها بالرحمة .. كانت ست من الملائكة الطاهرين.. طوب الأرض كان يحبها واللي في ايدها مش ليها .. الله يرحمك يا ام صاصا.

لم يكن حال مصر عامةً متمثلاً في حالة اللاسلم واللاحرب مُرضياً لمعظم أطراف الشعب المُنتظر لحظة الأخذ بالثأر من العدو الصهيوني، الذي احتلّ الأرض، وأصبح العمق مهدداً بذراعه الطولى، المتمثلة في طيرانه منذ النكسة. الإحباط تسلل للنفوس التي أصبح الخلاص أمامها مستحيلاً، يزيد الاحتقان منذ إعلان الرئيس السادات أن عام ٧١ هو عام الحسم، ثم مرّ بكأبته، وها هو يُشرف عام ٧٢ على الانتهاء، ولازال الوضع قائماً يشوبه العجز دون حراك، مما دفع طلبة الجامعة نحو الانتفاضات المتتالية منذ بداية العام، مطالبين الرئيس الوفاء بما وعد.

أما على صعيد من هُجّروا من مدن المواجهة الثلاث، الذين وصل بهم الأمر حد اليأس من عودتهم إلى ديارهم التي فيها ومنها الاستقرار، بعيداً عن أوجاع ما

خَلَقَتْهُ الْغُرْبَةُ فِي مَدَن رَافِضَةٍ قُلُوبِهِمْ وَأَرْوَاحِهِم التَّاقِلَمَ وَالْاعْتِيَادَ عَلَيْهَا، مَوْتَ
الْأَمَلِ فِي النَفُوسِ وَمَا تَبِعَهُ مِنْ مَعَانَاةِ الْإِغْتِرَابِ، يَجْعَلُ الْوَجَعَ أَوْجَاعًا مَيُوسَ
مِنْ زَوَالِهَا.

لَمْ يَكُنْ هَذَا الْعَامَ مِنْذُ بَدَايَتِهِ، إِلَّا عَامَ حَصَادِ لَأَرْوَاحِ شَبَابٍ فِي غُرْبَةِ التَّهْجِيرِ
بَعِيدًا عَنِ الْوَطَنِ الْأَصْغَرِ وَالْحَضَنِ الْأَمْنِ وَالِدَافِيِّ بُورْسَعِيدٍ، وَيَنْتَظِرُ الْجَمِيعَ
عَامَهُمُ الْقَادِمَ ٧٣ زَاحِفًا بَيِّطَاءَ فَوْقَ أَرْوَاحِهِمُ الْمُنْهَكَةِ، وَالرَّيْبَ مِنْهُ وَفِيهِ قَابِعًا
بَصَمَتْ قَتْلَ كُلِّ آمَالِ الْعُودَةِ وَالْخِلَاصِ.

الفصل الأخير



القاهرة مُحيط مُتَّسع لديه القدرة على ابتلاع كل من ينزل فيها وأطرافها

ليذوب القائم والقادم، يأتي شهر رمضان المتوافق مع نهاية شهر سبتمبر وبداية شهر أكتوبر لعام ١٩٧٣، تشهد فيه القاهرة ومصر كلها أحوال مضطربة بسبب الحالة الرمادية التي طفحت على جسدها الكبير والمُنْهَك من آثار الهزيمة، بعض من سكان مدينة المُعِز يعبر عن الوجد والتي ألْهَتْه مصاعب الحياة التي تزداد خنقتها بارتفاع أسعار السلع، اقتصاد الحرب يتحمّله المواطن شاء أم أبى.

من الرافضين للهزيمة، والناقمين على هذه الحالة بشدة الذي ذاق مرارتها، وكان الموت أقرب إليه من الحياة ... الأستاذ "ياسين" مدرس اللغة العربية بالمدرسة الإعدادية بنين ببورسعيد سابقاً، وشاعر انكسرت روحه وهو جندي يوم هزيمة عام ٦٧، وقد هرب العقل منه إلا أنه ما نسي ما رآه عيناه، واستغلَّ نظرة من حوله على أنه المجنون، وأخذ يُنْظِم أبيات شعره معبراً عن فنة من الشعب المصري هذه الأيام، فقد هبَّاً لنفسه مكاناً على مقهى بدوران شبرا يصرخ

فيها من جوف القلب المجروح قائلاً :

خدعونا وقالوا أهو نور النهار أهو جي

وعدى النهار وراه نهار مَبْنَش فيه الضي

اطلّع واخطب علينا واقفل عينينا قول يا حي

لو تحسوا بينا كنتم طهرتوها وكفرتكم كل ذنب

لإمتى هنقعد نندب .. دائماً اقول انتم ولاد ستين

رمضان يحب اللمة والتجمع وقت آذان المغرب بعد صوم النهار، لذا قررت عائلة أم صاصا قضاء رمضان هذا العام في ضيافة بطة برأس البر، صاحبة الفكرة اليونانية ليزا، والتي أصبحت بالعشرة والإقامة إسكندرانية الطباع، فهي تحث من حولها على القيام بالواجب في مختلف المناسبات، وربما أتاها شعور أن عليها تحمّل مسؤولية الحبيب المخلص صاصا وأبيه الذي ما غابت عنه حبيبة روحه الراحلة أم صاصا، وكانت الفرصة لتجربة السيارة الجديدة التي اشتراها صاصا على طريق السفر الطويل.

ليزا ملأت شنطة السيارة وشبكة السقف بكل ما لذ وطاب بسخاء للدرجة التي قال لها زوجها صاصا:

- كفاية يا ليز .. احنا مش رايحين صحرا .. عندهم خير ربنا هناك .

- خليك في حالك حبيبي صاصي .. أنا اعرف اعمل ايه .. وياريت تغير عريبة
وتجيب باص عشان يشيل كل اللي عايزه أجيبه ها ها ها .. يلا بابي صاصا
إلبس "طكم" جديد تبقى فيه شاب صغير عن صاصي.

لَمَحَتْ فِي عَيُونِ أَبُو صَاصَا الدَّمُوعَ، فَفَهِمَتْ أَنَّهَا تَجَاوَزَتْ فِيمَا قَالَتْ، ذَهَبَتْ إِلَيْهِ تَمْسَحُ دُمُوعَهُ وَقَالَتْ:

- أنا آسف كثير بابا .. والله ما اقصد اقول حاجة حزينة عشائك .. الله يرحمها مامي صاصا .. بابي كلنا هنموت دي حال دنيا.. والله حبيبي انا حزين حزن العمر كله عشائه .. وحد الله ويلا قوم بابا البس حاجة جميلة لأنك جميل واحب اشوقك اخر جمال .. ايوووه يا جدعان اما تلبس قميص مخطط تبقى آخر حلوة ومهلبية ها ها هاهـــــــــــــــــا.

تحركت السيارة يقودها صاصا بسعادة المشتاق لرؤية أمه الثانية، وبجواره الأب الذي في كل موقف يُعلّمه كيف تكون الرجولة والمعاشرة بالمعروف والإخلاص فيها، في الخلف ليزا وقرّة عينها ولدها ناصر البالغ من العمر ستة أعوام، وصلوا جميعًا بسلام الله حتى مدخل رأس البر، وكان في انتظارهم ميمى بسيارته البيضاء الحديثة، وبجواره بطة، وفي الخلف زكريا الذي دخل

مرحلة الشباب والتحق بكلية الهندسة جامعة القاهرة، وجواره شقيقته الصغيرة،
شبيهة جدتها الراحلة شكلاً واسماً "روحية".

اللقاء كان حميمياً، عبّرت عنه الأحضان والقبلات وشهد الكلمات، توجهوا
إلى عشة ميمي وسط زفة ترحيب من بطة التي كادت أن تطير فرحاً.
بطة:

يا سلام يا ولاد لما الحبايب تتجمع بعد شوقه .. والنعمة وحشني قوي .. تعالى
في حضن عمتو بطة يا نوصه .. تعالى يا وله ما تتكشفش زي ابوك.
ليزا مبتسمة:

ناصر واحد كامل مش نوصه يا بطتي .. دا انا بفكر انه يتجوز الصيف الجاي.
عايزاه يبقى ولد بيرفكت مش زي صاصي ها ها ها.
صاصا معترضاً:

الأدب حلو يا ليز.. عايزه راجل جد مبصباتي و عينه زايغة.
ليزا في دهشة:

- يعني ايه مبصباتي دي يا بطة؟!
بطة في لؤم:

يعني .. يعني بعد الشر عليه قليل الأدب.
ليزا في اندفاع وصرخة خفيفة: فشر فشر يا اختي.

ضحك الجميع على لهجة ليزا الشعبية الإسكدرانية بعد التعديل بالعشرة والاختلاط حتى تسير حياتها لتثبت للجميع أنها مصرية، أخذت بطاقة الصبي ناصر قائلة:

- تعالى يا ناصر يا روعي أحط لك تاكل .. سييك من الكبار الصايمين احنا أول يوم في رمضان .. يلا يا حبيبي عايز تاكل ايه؟
الصبي ناصر معترضاً:

- لا يا طنط شكراً .. انا صايم زي مامي وبابي وجدو.
بطه في فرحة:

- حبيبي ربنا يحرسك ويجعلك دايم عارف ربنا .. على كده بتصلي يا روعي؟
- الحمد لله يا طنط كلنا بنصلي.
- ما شاء الله عليك .. عرفتي تربى يا ليزا .. ربنا يحرسك يا حبيب قلب طنط..
حلوه طنط من بقق يا "نصور" هيئ هيئ هيئ.

الدفء دبّ أركان عشة ميمي وأسرته بحركة أهل زوجته وأهله، وبدأ حوار الأوبة، وبالطبع لن يخلو من سيرة الحبيبة الراحلة أم صا صا وذكرياتهما مع الجميع، استأذن زكريا أمه للخروج مع ابن خاله ناصر ليذهب به يشاهد الجري واللسان وقت غروب الشمس، كانت توصيتها له بشدة مخلوطة بذكرى مريّة،

عندما ابتلع البحر شقيقه الأصغر "موءه" في بحر بورسعيد قبل التهجير.
آذان المغرب، والتفّ الجميع حول مائدة الإفطار، ملتزمين بعاداتهم
وطقوسهم التي اعتادوا عليها، حتى سبيل موءة بعد تجديده ووضعه أمام العِشة،
وإمداده بالأنوار والتمور مع الماء البارد.
بدأت ليزا بقول بِسْمِ الله:
يلا نقول فاتحة على روح مامي صاصي الله يرحمه.

**في لحظة غفوة من العدو الصهيوني واحتفاله بعيد الغفران، وبدون مقدمات
ولا حتى علامة لو تمهيد يتكرر، في الساعة الثانية والرّبع من ظهر يوم السبت
السادس من شهر أكتوبر عام ١٩٧٣ ميلادياً والموافق ليوم العاشر من شهر
رمضان عام ١٣٩٣ هجرياً، ينطلق صوت المنيع حلمي للبلاك ليقول:**

هنا القاهرة ... جاءنا الآن البيان التالي من القيادة العامة للقوات المسلحة:
قام العدو في الساعة الواحدة والنصف من بعد ظهر اليوم، بمهاجمة قواتنا في
منطقتي الزعفرانة والسُخنة في خليج السويس، بواسطة عدة تشكيلات من بعض
قواته الجوية، عندما كانت بعض من زوارقه البحرية تقترب من الساحل الغربي
من الخليج، ونقوم حالياً قواتنا بالتصدّي للقوات المُغيرة.

تتوالى بيانات القيادة العامة للقوات المسلحة بتمهّل وثقة ومصادقية مستوعبين درس عام ١٩٦٧، ليأتي إلى شعب مصر عامةً والمُهَجَّرين من مدن القناة خاصةً البيان "رقم ٥"، وتتجلى معه بوادر الأمل بعد معاناة الغربة، وتشرق شمس الخلاص والعودة للديار، وينطلق صوت نفس المذيع الساعة الرابعة وستة دقائق ليعلن:

نجحت قواتنا المسلحة في اقتحام قناة السويس واستولت على بعض النقاط القوية بها .. ورفع علم مصر على الضفة الشرقية للقناة.

هنا القاهرة

في الجزء الثالث

ننتظر زوال الكابوس الذي جثم على النفوس خلال سنوات عِجاف في المُهَجَّر، وفرحة القلوب بالعودة إلى ديارهم التي اشتاقت لحركة الحياة، وضحكة الولاد أثناء اللعب في الترسينات وشوارعها الطيبة، ألعاب جنر والسبع طوبات والعقلة والمضراب، وتنتطلق رائحة الصيادية من مطبخها وليلاً بكلويز حلو ولذيذ، ويعودوا لطعم السمينة والتمرية والزلابية، وكلهم شوقٌ لسماع نداء من يجوب شوارع المدينة مرتدياً البالطو الأبيض لون القلوب، يدفع أمامه عربته

الصغيرة منادياً (زيدة وجبنة وعجوة ... يا غنى يا رب)، مع استنشاق نسيمات
البحر المالح، وبساطة التّزّه على المسلة وحجر ديليسبس، وركوب المعديّة من
بورسعيد لعبور الأحزان نحو مدينة الياسمين المترامي على أرصفة شوارعها،
متدلّياً من أسوار فيلات المحبة والهدوء بورفؤاد.

تمت بحمد الله وفضله

حسن خلف حسين

السيرة الذاتية للمؤلف

حسن خلف حسين

- أديب وروائي، مواليد بورسعيد.
- بكالوريوس تجارة (محاسبة)، جامعة قناة السويس، 1980
- عضو اتحاد كتاب مصر.
- عضو الاتحاد الدولي للشعراء والأدباء العرب.
- يميل لكتابة الأدب الاجتماعي والأدب الساخر.

hassan.khalf@gmail.com

Phone : (00201017684443)

صدر له:

1. رواية "زبدة وجبنة وعجوة" (الجزء الأول)
2. رواية "أحمق ملك رومي"
3. رواية "روح وريح الجنوب"
4. رواية "ثرثرة أنجبت بعثرة"
5. رواية "امرأة من بارود"
6. رواية "فردة ببادة معطرة بالدم"
7. رواية "تائهون فوق كوكب بيداسون" (تحت الطبع)

- *** الخواطر الشعرية من تأليف الكاتب ***
 - تم الاستعانة ببعض المعلومات عن حادثة رأس البر من الصديقين
- 1- عباس الشواربي
 - 2- حسين صبيح
- لهما مني كل الشكر والتقدير، دامت المودة بيننا.
